







A V, 24

Biblioteka
Ojców Kamedulów
w Bieniszewie







D I E S
VERÆ VITÆ

Consecratus
PRÆPARATIONI
AD

SANCTAM MORTEM.

Ex libris P. D. Joannis Candiij E. C. M. C.

OPUSCULUM

Applique Gremio Varraciensi.

REVERENDO PATRE
JOSEPHO MARIA PROLA,
è Societate Jesu

Primùm Italicè conscriptum

&

Post decimam quartam
editionem

In
Pium usum, & solatiofum
fructum
DOMINORUM DOMINORUM
ALMÆ CONGREGATIONIS
LATINÆ MAJORIS
BEATISSIMÆ VIRGINIS
MARIÆ
ANNUNTIATÆ
In Academico Societatis JESU
Collegio Pragæ ad S. Clementem
erectæ
CONFOEDERATORUM,
& CONSODALIVM
Latine redditum
à quodam
Societatis JESU Sacerdote,
Anno M. DCC. XXIII.
CUM PERMISSU SUPERIORUM.

Pragæ, typis Univers. Carol. Ferdin. in Colleg.
Societatis JESU ad S. Clementem.

ALMA SODALITAS
LATINA MAJOR
BEATISSIMÆ VIRGINIS
M A R I Æ

Ab

Arch-Angelo salutatæ,
In Casareo, & Academico
Societatis JESU Collegio
Pragæ ad S. Clementem
erecta, & confirmata,

DOMINIS, DOMINIS
Confoederatis,
& Sodalibus suis
Salutem, & felicitatem.

Opusculum præsens,
quod in manus ve-
stras consignamus, DD.



Sodales Parthenii, munus posthumum est à p. m. Illustrissimo, ac Excellentissimo Domino, Domino Joanne Petro Straka, L. B. de Nedabelitz, & Libtschan, Domino in Libtschan, Okrauhlitz, Zdiar, Oberwekelsdorff, & Jonfsdorff, Sacræ Cæsareæ, Regiæque Majestatis Intimo Consiliario, & Camerario, Congregationis nostræ Confœderato, ac Sodali, ad vos libe.



liberaliter transmissum.
Is desiderio incrementum
Divinæ gloriæ, & ho-
noris Mariani augmen-
tum apud posteros pro-
movendi, Mariano Cæ-
tui nostro munificō do-
nō ex ultima voluntate
succurrit, ea lege, ut pi-
us libellus, Dominorum
in DEIpara Consodali-
um profectui serviturus,
typis commendaretur.
Laudabile studium! ex-
emplum imitatione di-
gnissimum! Cui, quo-



nam pacto velificaremur
optimè, dum solliciti ex-
pendimus ; opportunè
in manus nostras dela-
psus est hic ipse, quem
cernitis, tractatulus, ab
authore suo Italicè con-
scriptus, cujus vel fron-
tem intuentibus, placuê-
re prima vultûs linea-
menta, in titulo prælata:
*Il giorno di vera vita, con-
secrato all'apparechio d'una
santa morte. Id est: Dies
veræ vitæ consecratus præ-
parationi ad sanctam mor-
tem.*



tem. Arrisit opusculi
jam decies quater sub
prælo renati excellentia,
themâque efficacissimis
ad finem suum argumen-
tis per omnia refertum,
videbatur tam nostræ,
quàm Mecænatis inten-
tioni peraccommodum:
Cum enim illi vitæ, mor-
tisque confinia suaserint,
ut munificentia suâ vul-
gatis paginis Marianos
Consodales doceret piè
vivere; aptissimus huic
fini visus est tractatu-
lus,



lus , qui docet sanctè
mori : optima namque
vivendi Philosophia est
meditatio mortis. Quid
præterea convenientius,
atque ut per constituti
libelli magisterium in fe-
lici morte sentiant fru-
ctum beneficii , ex feli-
ci , ut piè confidimus ,
morte beneficientis na-
ti ? Et nunquid con-
gruum est, ut Virginis
ab Arch-Angelo salu-
tatæ Clientes, ac Soda-
les, qui Mariano Ave
quo-



quotidiana subnectunt
vota : *Ora pro nobis pec-*
catoribus, nunc, & in ho-
ra mortis. Marianô do-
nô habeant facilem be-
atè moriendi methodum,
quâ suspiriorum suorum
terminum certò certius
consequantur ? Boni
proinde delectum no-
strum consulite DD. So-
dales Parthenii, & dum
munus ab Illustrissimo,
ac Excellentissimo Do-
mino Mecænate, ac Con-
sodali vestro benevolè
dela-



delatum recipitis, simul
debitæ gratitudinis vi-
ces, quâ suffragiis pro
anima defuncti oblatis,
quâ pio saluberrimi libel-
li usu eidem reddite, qui
vestri usque ad mortis li-
men studiosissimus desti-
natô vestrum in emolu-
mentum opusculô videri
voluit. Eamdemum gra-
tiis vestris prosequi non
desinite, quæ manet vobis

DOMINI DOMINI
SODALES PARTHENII

*Devotissima Sodalitas
Latina Major Pragensis.*



IDEA OPUSCULI.

§. I.

IN vitæ humanæ Theatro mors, si eventum ejus spectes; est actus ultimus: si difficultatem; primarius: si quanti sit momenti; est unicus. Quamobrem nemo est dissolutorum adeò morum, judiciique adeò depravati, qui non desideret felici morte concludere scenam hujus vitæ. Verùm ut insanæ mentis est in hoc sæculi statu sperare ab anima operationem absque sensuum suppetiis; ità est temerarium velle finem consequi, nec apta fini deligere media. Proinde si felicem ex hac vita exitum nancisci cupimus,

A tripli-

triplicis sortis præparationem censeo
 necessariam, quarum Prima est uni-
 versalis, & consistit in vita, & mori-
 bus ad amulsum dictaminum Evan-
 gelicorum conformatis: Secunda
 particularis, certisque anni tempori-
 bus exercenda: Tertia singularis,
 dum gravior imminet infirmitas, ad-
 hibenda. De secunda hic solum ago,
 cui mensibus singulis diem unum
 dandum suadeo, quo te providè illo
 in statu colloces, in quo mori velles,
 exercendo te in iis virtutum actibus,
 & operibus, quæ elicere, agerèq; con-
 venit, dum homo non per imagina-
 tionem, sed reapse decumbit in le-
 ctulo mortuali. Hanc præparationem,
 si executioni dederis ea, qua par est,
 exactitudinæ, spero fore, ut nec pri-
 mæ desis, nec tertiæ. Primæ, quia
 malè non vivet, quicumque didicerit
 bene mori; & discet bene mori, qui
 moriendi scientiæ frequentem ope-
 ram navando ad hoc extremum pun-
 ctum direxerit omnes lineas cogita-
 tionum

tionum, & actionum, quibus decurritur in vitæ circulo. Tertia; quia, ut S. Augustinus docet: *non potest malè mori, qui bene vixit*, (a) non potest malè succedere, nec infelix eventus metui actûs illius, quem longa & sensata excepit præparatio. Meditationes hic subnexæ, quarum singulis horæ spatium tribuendum est, sunt nonnihil fusiores, tum quòd ad unicuique diem restricta hac præparatione ad negotiorum maximum, fortassis ultima, æstimârim nihil eorum esse omittendum, quibus intentum opusculi saluberrimi finem melius obtinerem; tum quòd perspectum haberem non omnes veritates vi æquali pollere in omnes: cùm iste ab una, ille moveatur ab alia. Cùm insuper hac praxis directâ non sit in usum personarum meditandi, arguendi, & in arcanos sensus investigandi studio assuetarum, sed universorum. Hinc muneris mei esse

A 2

duxi,

(a) lib. de discipl. Christ. cap. 12.

duxi, hoc in campo pascendis providere potius abundanter, quam parcè. Nolim etiam, putet aliquis intra punctorum præfixorum terminos sibi esse consistendum, quin potius opto, ut ea legendo, veritates sibi propositas ad rationis libellam expendat, & quò agnitæ veritatis pondus flectet intellectum, eò sequatur voluntate. Nec diffido, si vitæ necisque Dominus vivendi spatium extenderit, tempusque dederit hoc salutaris studii thema sæpius repetendi, quin major semper consolatio, majorque fructus, in solertem lectorem redundabit.

P R A X I S

Comparandi se ad mortem.

. §. II.

Quemadmodum determinata lex ac regula, cujus ad amussim actiones nostræ diriguntur, evidens argumentum est animi bene ordinati:
ità



ita pariter voluntati est stimulus in-
choatum opus facile ac constanter
prosequendi. Idcirco tibi author
sum, ut designes huic præparationi
(quantum tui status admittit condi-
tio) diem aliquem certum ac stabi-
lem vel primum, vel ultimum, vel
penultimum mensis cujuslibet, vel
illum, quo ex more accedis mensam
Eucharisticam pro obtinenda felici
morte (qui quidem foret convenien-
tissimus) vel alium certè tibi commo-
diorem. Die illo magis, quàm aliàs,
amanda est solitudo, vitanda aliorum
visitatio tam activa, quàm passiva.
Nec durum id tibi accidere sinat sa-
lutis tuæ amor. Si enim tot tantique
valetudinis desiderio acti, corpus
purgant quot mensibus; si curæ hu-
jus studio quandoque nec invisi se
volunt ab aliis, nec alios invisere;
si domo tantisper relictæ ad campos
transeunt animi recreandi gratiâ,
quin difficilè accadat negotia certa
nonnihil interrompere: situ ipse, ut

invitanti ad exhilarationem amico deferas, aut, qui ex genio tuo est, sodali; nil pensi habes laboribus tuis & officio per plures etiam dies valedicere: cur animæ tuæ salus, & salutis amor te non impellat, ut idipsum agas die constituto in negotium tanti ponderis, à quo uno dependet æterna felicitas?

2. Vespere diem illum præcedente leges § 3. de necessitate, vel 4. de utilitate, vel 5. de jucunditate hujus præparationis.

3. Eodem vespere antequam concedas cubitum, imaginare tibi, quòd sanctus Angelus Custos tuus DEI nomine tibi mortis sententiam ferat iisdem, quibus Isaias Propheta Regi Ezechia, verbis: *Dispone domui tuæ, quia morieris tu, & non vives.* (a)

4. Die ipso manè cum primùm indutus fueris, facies primam meditationem de morte: qua finita genuflexus corā crucifixo leges Rhythmū, quem

(a) *Isai. cap. 38. v. 1.*

quem Ecclesia ponit in Missa defun-
 cunctorum : Dies iræ dies illa , &c.
 leges autem hos versus attentè cum
 reflexione intellectus & affectu vo-
 luntatis verborum sensui proportio-
 natis : vel saltèm consideratè leges
 colloquium ibi subnexus.

5. Post meditationem leges direc-
 tionem pro confessione , & te ad il-
 lam dispones.

6. Accedes ad sumendum sanctis-
 simum Eucharistiæ Sacramentum
 juxta præscriptam methodum.

7. Post sacram communionem , &
 devotam gratiarum actionem præpa-
 rabis te ad secundam meditationem
 de Resignatione.

8 Indultatibi post prandium quie-
 te moderata , leges directionem ad
 faciendum testamentum.

9. Sub vesperum facies tertiam
 meditationem de spe.

10. Post cœnam factò examine con-
 scientiæ , recitabis cum affectu , mox
 antequam te in lecto componas , com-
 mendationem animæ. A 4 Ne-

Necessitas hujus Preparati- onis.

§. III.

QUi rosam tentaret pingere, etiā colorum omnium gratiam illi jungendo, macularet illam, minimè ornaret. Talis naturæ est veritas, quæ eò melius vestitur, quò magis nuda proponitur. Necessitas præparandi sè ad mortem, est una inter maximè substantiales, & pretiosas veritates, quas nobis offert Euangelium: hanc velle colorare ornamentis eloquentiæ, est velle corrumpere, & deformare. Dicam igitur planè ac nudè, quòd comparatio ad bonam mortem, cujus tibi hic subjicio ideam, & praxin expono, necessaria sit ex quatuor capitibus: quia nimirum tuà summè interest bene mori: quia negotium est temporis non modici; & quidem temporis sedulam considerationem exposcentis: negotium, quod
 si

si malè succedat semel, reparabile sit
nunquam. Auspicemur discursum
à primo : certum tenes, quòd exi-
tus ex hoc mundo, securus de felici
morte, sit ingens illud negotium, ad
quod dirigitur gubernium totius vi-
tæ, & quòd vita nobis à DEO con-
cessa sit, in hunc finem, ut nos dispo-
namus ad sanctam mortem; sicut in
lancea, tota hastæ longitudo in gra-
tiam est cuspidis, quæ sola penetrat &
vulnus infligit; sic longum vitæ tem-
pus est propter ultimum momentum
mortis, à quo solo pendet beata æter-
nitas. Idcirco ars moriendi est ars
artium, & artibus universis præfere-
nda; est enim scientia salutis & qui-
dem æternæ. Expende omnia mun-
di negotia, non reperiēs ullum, quod
comparari possit cum negotio his
paucis syllabis expresso : *salus æterna.*
In hoc agitur de asscuranda anima,
& quidem tua, & unica. Agitur de
illa salvanda pro semper, aut perden-
da pro semper : agitur de transigen-
da

As

da be.

da bene vel malè una integra æternitate: agitur de acquirendo Paradisò, vel incurrendo inferno: agitur de possidendo, vel perdendo **DIL**O pro semper. Quid ais? estne aliquid in terris, quod à te exigat maiorem, ac magis seriàm animi applicationem? estne aliquid, quod sibi exposcat à corde tuo sollicitudinem operosiorè? nihil certè.

Jam isthoc animæ tuæ negotium; negotium salutis tuæ; negotium totius æternitatis: dic, anabò, à quo dependet? dicam ego: à momento mortis. **DEUS** enim secundum statum, in quo homo sub vitæ suæ Epilogum constitutus fuerit, judicare decrevit de ejus æternitate felici, vel infelici, ità ut supremum vitæ instans sit decretorium tuæ æternitatis. **O** quale instans! ò quale punctum! ò quale momentum! Vides igitur, quòd non sit munus ullum, cui te magis applicare debeas, quàm studio bene moriendi. Vides, quòd nunquam
tantum

tantum præstabis, quantum exigit
 præparatio ad fatalem passum ex hoc
 sæculo ad æternitatem; tanti pon-
 deris sunt ejus consèquentiæ! Mo-
 mentum sanè, à quo pendet æterni-
 tas bona, vel mala, meretur ut illi
 cætera omnia vitæ momenta consè-
 crentur. Si Principes gemelli, Pa-
 tre mortuo, aspirarent ad coronam,
 útque cruenta evadant bella, eam le-
 gem inirent, ut qui eorum ictu felici
 centrum ferierit scuti aurei, in scopū
 designati, Rex coronetur; qui econ-
 tra infausito ictu erraverit, sceptrum
 amittat; quia verò neuter sagittandi
 artem callet, concedantur illis dies
 quatuor, quorum intervallō suam in
 hac palæstra erudiant dexteritatem:
 dic obsecro, quantum illis non in-
 cumberet debitum, hoc tempus gna-
 viter impendendi? putāsne illud exi-
 gent in comædiis? in venationibus?
 in jocis? in societatibus? Nōne
 stultitia foret cogitare de alio, præ-
 terquam de medio, quo assèquantur

ſuum finem ? Non aliud erat tuum
in hoc mundo naſci chare Lector ,
quàm à DEO tibi arcum porrigi, quo
centrum feliciſ æternitatis tangeres
in puncto mortis. Ab hoc depen-
det tua vel gloria, vel pœna æterna ;
vel eſſe Regem, vel ſclavum pro ſem-
per. Tempus te ad hoc erudiendi, eſt
vita. Quid enim : ſi judiciò genti-
lis, qui ultra præſentia non proſpexit:
Totâ vitâ diſcendum eſt mori, (a) an tibi
multum videtur à temet exigì, ut te
impendas in aſſecurationem hujus
puncti uno die per quemvis menſem?
ah ! deberes inſuper ſtudere arti huic
diebus ſingulis ; quia dies quilibet, &
momentum quodlibet, poteſt eſſe vi-
tæ tuæ ſupremum. *Latet ultimus dies*
(inquit S. Auguſtinus) *ut obſerventur*
omnes dies. Et ecce alterum motivum,
propter quod neceſſaria eſt hæc præ-
paratio, quia bona mors eſt negoti-
um, quod ut bene tractetur, temporis
moram exigìt, quam tamen ſubita
mors

(a) Seneca.

mors negare potest. Est dies, quo te mors expectat; sed ignotus tibi: in illo die momentum unum est, quo mors ictum suum in te vibrabit; sed quodnam hoc sit momentum? ignoras. *veniet sicut fur, (a)* incipies illud negotium, illud adificium, hoc propositum, illud litigium, & fortassis non videbis finem ejus; Vespere ibis cubitum, & fors manè invenient te mortuum. Quot non tibi notissimi, forsàn etiam cognati, etiam vicini fuerunt morte subitanea è vivis abrepti? hoc ipso anno, quot non improvisò fuerunt obruti. Hæc tibi nimium quàm nota sunt. Fuerunt hi omnes bene gnari, quod anno præcedente multi sic fuerint sublati. Putasne: vel unus seriò secummetreputaverit: annò præterlapsò mortuus est ille amicus meus: mortuus est iste vicinus meus: mortuus est hic intima familiaritate mihi conjunctus, & mortuus est inexpectatè: fors idipsum

psum mihi post paulum accidet?
 Non, non, non cogitarunt istud, aut,
 si cogitarunt, non persuaserunt sibi,
 quod mortis falci tam citò subji-
 ciendi sint: & tamen illi ipsi uno ictu ce-
 ciderunt. Jam quaro, esne tu com-
 plexionis robustioris; temperamenti
 sanioris; ætatis minùs propectæ;
 quàm tot alii, quos novisti, quibuscū
 vixisti, & qui subito disparuerunt? Es-
 ne illis securior à tot accidentibus,
 quæ improvisò, & velut ex insidiis
 eos morti tradiderunt? quis te secu-
 rum præstat, quòd intrà te non lateat
 occulta mors, quæ jamjam tibi ne-
 cem clam elaboret? quis te certum
 esse jubet, quòd illa eadem nondum
 sit vicina termino? Horologium ex-
 citatorium tota nocte currit: facit a-
 liqualem strepitum, sed non excitat,
 donec attingat punctum à directore
 præfixum. Ah, inquit S. Augustinus,
 mors jam currit in horologio tuì cor-
 poris, sed absque strepitu: tunc so-
 lum audietur, quando attinget mo-
 men-

mentum à DEO constitutum ; tunc excitabit te, sed ad videndum alterum mundum: *vita hæc misera est, mors incerta: si subitò obrepas; quomodo hinc exibimus? & ubi?* (a) o verba ingenti ponderatione dignissima! si mors improvise te obruat, ubi amabò, ubi disces. & quando in praxim reduces id, quod nunc neglexisti? Imaginare tibi Navarchum, qui navim portu solvens, velaque objiciens ventis, certò sciat tranandum sibi esse maris sinum, in quo periculosum scopulum sit offensus, & solum ignoret, quo in loco illum sit experturus: hic videbis, ut hac una cogitatione occupatus nauclerus, apertos incessanter oculos jam intendat in omnem navis motum ; jam in suspectos semper maris fluctus, ut nihil omninò negligat, quo dirigatur ad transitum, à quo vel sua ruina pendet, vel fortuna, imò & vita ipsa. Profectò vita nostra est navigatio quædam in tempestuo-

(a) *Aug. L. 6. confess. cap. 11.*

pestuoso mundi hujus mari : *Vita nostra naviganti similis est*, (a) ait S. Gregorius. Mors scopolus est, in quem appellimur, incerti ubi deliteat, in quo loco, in quo tempore.

Igitur nunquam non intentō in omnem partem oculō vigilandum est. Ad hoc nos excitat Dominus apud S. Matthæum : *vigilate, quia nescitis diem, neque horam*, (b) & apud S. Lucam : *Estote parati, quia, qua hora non putatis, filius hominis veniet*. (c) observa : quod non dicat : *præparate vos*. Non. Sed : *estote parati*. Cur ? quia veniam vos judicare, quando minimè expectatis : *qua hora non putatis*. Monarcha, qui scit sibi mortem occultè parari à perduellibus, prævidere tamen non potest, à quo, quomodo, aut quando ; omnē cautelam adhibet, quam potest vigilantissimam : nulli diligentia parcit, qua securū se præstet. Vigiliis duplicat : suspectos habet vel illos, à quibus

(a) Greg. Lib. 6. Ep. 6. (b) Math. 25. v. 13. (c) Luc. 12. v. 40.

bus salutatur : timet omnes & omnia. Tu quis vel qualiscunque sis, habes in quavis hedomade quatuordecim inimicos, qui fatales tibi struunt insidias: Eorum aliquis haud dubiè tibi necem inferet. Vin' quinam sint illi? sunt dies & noctes, unus ex illis infallibiliter te occidet, nec scis qualis. Forlàn dies? hoc nescis. Fortassis nox? neque istud scis. Fors morieris die lunæ? fors die veneris? nescis. Nõne ergo pro suspectis habendi sunt dies singuli, & noctes singulæ? An non semper timendum, nè non dies hodiernus abrumpat omnes intentiones tuas? annon ergo necessarium vigilare, an non necessarium se tempestivè præparare? idcirco S. Paulus scribens ad Timotheum, exhortatur illum, ut custodiret pervigil animam, & corpus, quæ accepit à DEO tanquam depositum: *bonum depositum custodi.* (a) Utrumque vocat *depositum*, & non *censum*; quia depo-

(a) 2. Tim. 1. v. 14.

depositū non habet tempus determinatum, quo reddendū sit, potest à Domino repeti hora qualibet. Scio mortem nō impediri vigiliis tuis, quò minus in te infiliat, & te exterreat (quod quidem ità certū est, ut nihil certius) hoc autē te scire velim: non hīc queri, ut mortē effugas temporalem, sed aternam, quæ consequitur temporalem. Si hæc imparatos nos inveniat, magnum est periculum subiacendi alteri. Referunt naturæ scrutatores Philosophi, quòd lupo, si prius hominem videat, quàm ab eo videatur, occulto quodam effectu aërem ità inficiat, ut homini vocem tollat, & infelix clamare non possit, nec opem implorare. Haud aliter mors; si prior nos videat; prima nos occupat, reddit mutos, vocem tollit, ac vires divinum auxilium implorandi. Quapropter oportet illam prævenire, & se ad illam comparare: ceteroquin eveniet nobis, quod virginibus fatuis, quæ desiderarunt oleum, ut

ut implerent lampades suas. & postularunt id sibi dari à virginibus prudentibus ; sed harum nullaiis succurrit , atque ità improvisò veniente sponso , tempus non habuerunt sibi de oleo providendi, hinc clausâ januâ remanserunt exclusæ cum : *Nescio vos. (a)*

Sed quamvis DEUS ex hoc in alterum mundum te non evocaret morte improvîsâ , hæc nihilominus præparatio summè foret necessaria , quia morsest negotium , ad quod non solum opus est tempore , sed tempore opportunè impenso ; certæ autē infirmitates nec tempus tibi concedunt , nec opportunitatem. Furiosum delirium , profundus letargus , violentus dolor , qui obruit , & pauculas post horas ad extrema deducit , offuscât rationem , efficitque , ut homo sui compos non sit. Verum eveniat , per me licet , ut lenta morte , quæ communior est , obeas : dicere tamen audeo ,
morie-

(a) *Matth. 25. v. 12.*

morieris imparatus, si transfuleris
 præparationem usque in illud tempus,
 quo conspirant omnia ad fallendum
 infirmum. Conjux, cujus tua sani-
 tas plurimum interest, continuo
 blanditur, & tibi, & sibi dicendo,
 quod omnia sint in bono statu. Filii
 gratulabundi se consolantur, quod
 infirmus pristinum colorem recipiat.
 Amici vultum examinant, & bo-
 num etiam ipsi augurium indè capi-
 unt. Medici fatali complacentia eo-
 dem utuntur sermone, & spes cate-
 rorum confovent; infirmus vitæ a-
 more illectus his lenociniis fidem lu-
 benter adhibet. Domestici omnes
 censent infirmum, ut ut desperata sit
 valetudinis, non esse contristandum
 tam cito Sacramentorum collatione.
 Spondeas tibi certò, quod quantum-
 cunque sub morbi principium obte-
 status fueris amicos ac conjunctos, ut
 essent fideles in periculi imminentis
 tempestiva denuntiatione; post o-
 mnia non sis exaudiendus, vel saltèm
 serò

ferò nimium, ità enim suadebit prudentia mundi, ità falsus amor, ità spes exilis emolumentì. Cùm infirmus es, non es ampliùs dominus, ut ut cæteroquin dignitate conspicuus sis, ut ut domùs tuæ caput sis: totus dependes ab illis, qui circa te versantur; adeò, ut dictatis tibi legibus ac mandatis, quin sensum animùmque tuum explorent, ad quodcunque voluerint, te sint obligaturi. Ad hæc tibi persuasum velim, quòd periculum istud parte sui maxima trahat originem à temetipso; siquidem timor naturalis, quo homo fugit mortem, in agroto efficit horrorem omnis illius, quod ipsi in mentem revocat viciniam extremi passus ad æternitatem. Hinc utcunque amicorum pietas vigilibus desideriis optet providè insinuare infirmo periculum, nihilominus dum mortis pavorem in eo notant, nè metùs augmentò vis morbi aggravetur, moras trahunt, cum periculosissima cautela, decumanam sententiam de-

nun-

nuntiandi. Quid fit? Distinent ægri-
gentem indifferentibus ratiociniis,
quæ radio illum eripiant; vel novo-
rum relationibus, quæ animum ejus
à dolorum molestiis cum amantate
elongent; vel de rebus morbum con-
cernentibus, quæ spem recuperandæ
valetudinis suscitent. Eòutque infe-
lix æger dies istos inutiliter transcur-
rit, quorum nè una quidem hora tran-
sire deberet, qua se non compareret per
actus christianarum virtutum pro feli-
ci transitu ad tribunal DEL. Quid ais
ad ista? nunquid veritates, quas lo-
quor, certæ sunt ac evidentes? an non
experientia, qua hæc singula in aliis
didicisti, confirmat omnia? & adhuc
tibi videtur, quòd tempus mortis sit
opportunum ad ritè componendum
tanti momenti negotium? Ah! cha-
re lector, noli; Ah! noli tibi me ipsi
ità illudere. Malum quod mortem
secumfert, semper est grave; hinc
accidit, ut ratio distrahatur à conside-
ratione rerum, salutem animæ con-
cer-

cernentium, & homo minùs aptus tunc reddatur, ad opus salutis debite pertractandum, ubi enim dolor increfcit, eò fenfus noſtri reflectunt, eò tota convertitur animæ attentio, docetque experientia, quòd in illis circumſtantiis, omnia hominis ſtudia eò collineent, ut ſe à mortis periculo liberet.

Si unquam graviter decumbentem ſpectaſti; judicaſtine illum tunc idoneum ad tractandum aliud quodcunque magni momenti negotium? confiſſeſtne illi tunc litem tuam, vel aliam majoris ponderis cauſam? Ah certe non. Te ipſum conſule, cùm te capitis aut dentium dolor excruciat, an te iſtis in circumſtantiis aptū æſtimas & expeditum, ut fungaris munere majoris momenti? Nihil minus: redderis ineptus ad omnia, eripitur tibi omnis attentio, quin inidò nec alloquentes te lubenter audis. Jam dic, amabò, cùm te ſumma dolorum violentia exagitant, cùm ſymptomatum
fre-

frequentia, cum de momento in momentum alterna cum convulsionibus deliquia subfrigidum tibi expriment sudorem, cum membrum quodvis suo proprio dolore pressum potentiis etiam internis actus suos reddet vel impossibiles, vel saltè perdifficiles: quid amabò tunc ages, quo animæ tuæ subvenias? præterquam quòd dæmon omnem virium suarum nervum tunc intendat: *Sciens quòd modicum tempus habet.* (a) mors interim progreditur, properat, appropinquat & adest: per domum vox resonat: Ah! moritur, moritur. Sed! quantum ad animæ statum: quomodo illi fuerat provisum? per deproperatam sanctissimorum Nominum: JESUS Maria! invocationem, vix intellectam, & pejus pronuntiata! per unum: *doleo de peccatis!* in lingua magis, quàm corde natum. Rem totam brevissimè strinxit os aureum, ità loquens: *cùm venerit super illos mors, festinant, anxiantur, vocant Sacer-*
dores,

(a) Apoc. 1. v. 12.

dotes, *pœnitentiam volunt agere*: Sed quādo? *cū jam pœnitentiæ locus non est.* (a)
 Verū licet qualitas morbi tunc ægrum obsidentis, non impediret actum fidei, spei, contritionis, resignationis in divinam voluntatem, & amoris DEI, ad quem tunc temporis graviter obligaris: nihilominus si modo te ad eos eliciendos non assuefeceris, in illis circumstantiis eos haud exercebis; Non enim disces intra diem desperatæ infirmitatis, minùs intra supremum vitæ momentum, quod totā vitā discendum fuerat. Idipsum omnino in lethali morbo experta est persona quædam & nobilitate magna, & paribus fortunis conspicua, cui cū à Cardinali Bellarmino eam invisente consilii salutaris ergo diceretur: in his circumstantiis nihil magis necessarium esse, quàm veram de peccatis contritionem, respondit illa:
Quid est contritio? tum zelosissimus Ecclesiæ Princeps, naturam ac methodum

(a) *S. Chrysostom.*

dum actus saluberrimi explicat, sed furdo fabulam canit; respondit enim infelix ager: *non capio quid à me requiras* (a) hæc dixit & vivere desit, non pauca æternæ perditionis signa relinquens. Hæc iusta sunt iudicia DEI in poenam negligentiae per vitæ cursum admissæ, privantis hominem auxiliis gratiæ, necessariis ad salutem animæ, in articulo mortis constituta. Dilcat exin, etiam ille, qui vitam agit moribus innocentem, non parum sollicitus esse de hac præparatione, ut nimirum illos christianarum virtutum actus promptè exercere valeat, ad quos fortassis in ultima eaque gravi infirmitate ineptus futurus est.

Quod post hæc cor tuum extimulet ad suscipiendam feriè hanc præparationem, est; certa scientia, quòd tibi non nisi vice unica moriendum sit: *statutum est hominibus semel mori* (b) si hic

(a) Bellarmin. de art. mor. l. 2. c. 6.

(b) Hebr. 9. v. 27.

si hic errorem committis, non potest
 (quod bene intellige) non potest is
 unquam reparari, quia de fide est,
 quod, *si ceciderit lignum ad Austrum, aut
 ad Aquilonem, in quocunque loco ceciderit,
 ibi erit.* (a) sententia in momento
 mortis lata, est irrevocabilis, & si
 mala est, est malum non admittens re-
 medium. Dum alicui persona in
 publico theatro coram hominum
 multitudine agenda est, tanta solici-
 tudine, tantâ diligentia, & tam fre-
 quenter se prius in privato exercet,
 ut in unico actu publico cum dexteri-
 tate ac commendatione prodeat? sic
 fieri videmus à Sacerdote priusquam
 suas celebret primitias; sic à milite,
 dum illi configendum est cum hoste,
 non aliter ab oratore, cui peroran-
 dum est coram spectabili auditore,
 aut à comico, qui comparere debet
 in nobili theatro. Et nunquid ma-
 joris longè momenti est mortis opus,
 quàm sint hæc omnia, nunquid ma-

B 2

joris

(a) *Ecc. 11. v. 3.*

joris arduitatis ? Ità fanè. Sed quod in majorem considerationem veniat, est : quòd omnes illæ functiones, quantumcunque malum fortiantur exitum, medium habeant, quo redintegrentur : Mors autem, si mala sit, remedium uon admittat ullum. Obitur vice unica, si tunc non succedat non potest compensari, nunquam restaurari jactura semel facta. Spartani, lentissimi erant judices, dum ferenda esset sententia capitalis; causam rogati aiebant : *quia non est correctio errori.* Quam sententiam spartano à te animò expendi cupio, imò Christiano : Considera diligenter : quòd anima tibi sit unica, hac semel ad infernũ delapsa, mortua est spes omnis ex illo redeundi. *Descensus erit, reditus non erit;* Eccur? quia nec Deus mutabit sententiam decretoriam: nec tu mutabis animæ tuæ statum & sortem. O! cur igitur, cur non ad negotium tam necessarium, ad negotium omnium maximum juxtà ac periculosissimum te præ-

præparas moriendo sæpius in mortis
 utili imaginatione, ut aliquando be-
 ne moriaris reapse? Cum quanta
 liberalitate non indulges, dies, men-
 ses, annos negotiis tuis, amicis, &
 promiscuè aliis: & diem unicum non
 dabis tibi metipsi? audi saluberrimam
 oratoris aurei parænesin: *dedimus*
corpori annum; demus animæ dies (a)
 Ah Christiane per salutem tuam te
 obtestor, nè quod dicam, obiter ac-
 cipias: si mors tua fuerit sancta; cer-
 tus es de salute æterna: Si mors tua
 fuerit noxia; reprobatus es pro sem-
 per! à morte pendet æternitas vitæ
 vel æternum beatæ, vel æternum da-
 mnatæ, & à prævia comparatione
 dependet mors pia & sancta. Cum
 igitur nihil sit, quod magis concupi-
 scas, quàm salutem æternam, & quod
 magis reformides, quàm damnatio-
 nem æternam, nulli diligentia par-
 cas, necesse est, qua mortem tuam
 felicem reddas & securam.

Nulla
 enim

B 3

(a) S. Petr. Chrysol. serm. 13.

*enim satis magna securitas, ubi periclitatur
aeternitas. (a)*

Præparationis hujus uti- litas.

§. IV.

NON est effigies, quæ hominem, quis, qualisque sit, fidelius referat, quam à speculo exhibita; est autem mors vitæ speculum sincerissimum; quod vivendo agis, hoc ipsam mors absque fūco, & ad omnem amissum exhibebit. Unde nascitur, quòd licet multæ, quas ad alios fines suscipimus, præparationes, & sæpe sint inutiles; sollicita tamen comparatio ad mortem hoc præ illis singulare habeat, quod suum semper consequatur effectum. Audiveris non semel, cum de connubio personarum magnæ familiæ actum fuit, ut negotium istud ad votum concluderetur; boni

(a) *S. Gregor.*

boni superi ! quot non discursus intercesserunt, quot non consilia, quot non se interposuerunt mediatores, qui omnem operæ suæ nervum cum in finem intenderunt ? Et tamen cum res antea difficiles jam videbantur complanatae ; prius adversæ jam conciliatae, quando negotium totum jam jam putabatur feliciter concludendum : unicum accidens, idque minimè provisum, confudit omnia, dissipavit universa, sicque præparationes omnes inutiles redditæ sunt, & vanæ. Sæpius te fama docuerit, aut experientia, quibus quantisque angantur sollicitudinibus, qui pro obtinendo officio, vel dignitate concertant : ô quanto non tempore prius de illo cogitant ! quot, quantaque non media impendunt, per quæ ad optatum finem perveniant ! quot, quantaque non implorantur patrocinia ! cum ecce, quando jam tempus adest millies desideratum longæ spei solamen consequendi, & dignitatem vo-

tis zelosissimis suspiratam adipiscendi ; audiunt unum alium ante omnes concurrentes, tenuisse braviū, promotionem quæsitam, ab altero jam esse præreptam, discuntque cum dolore omnes conatus suos, ac dispositiones suas fuisse inutiles. Progredere sic discurrendo de rebus aliis, idēque reperies ; quod tamen non evenit in procuratione felicitis obitus. Nunquam fallitur, qui ad mortem sanctē & beatē obeundam providē, ac solerter se comparat. Cujus quidem hanc æstimo esse disparitatis rationem : quod negotiorum terrenorum exitus non pendeat à voluntate tractantium illa, nec à procurantium sedulitate : mortis verò felicitas à nostra pendeat voluntate, à nostra applicatione conjuncta gratiæ Divinæ, quam, si modò ex parte hominis non desit requisita dispositio, DEUS nec negat, nec elargiri tardat. Præterea per menstruum hujus præparationis exercitium consuesces actibus virtutum

tum Theologicarum sublimissimis,
& maximè necessariis, qui tibi cedent
in pretiosissimum augmentum meri-
torum aeternæ gloriæ. Et hoc qui-
dem duobus ex capitibus, tum quia
in actibus illis te exercendo cum re-
flexione ad mortem, quam piè fingis
tibi propinquam, certè elicies eos,
cum majore attentione mentis, &
ferventiore cordis affectu: cum, quia
mortem naturaliter appetiturus, cer-
tò dices omnibus mundi objectis
quantumcunque amabilibus: *desero
vos, valete.* Haud dubiè exhibebis
te totum quantum in divinam volun-
tatem resignatum. quis autem modò
certum te reddit, quòd illo in arti-
culo ex propensione voluntatis hæc
sis acturus? èsne securus, quòd tunc
illud *vale* sis prolaturus ex motivo
Christianæ pietatis, & non potiùs ex
dura lege naturalis necessitatis? Pace
tua dico: anticipata pro morte præpa-
ratio securum te præstat felicitis hu-
jus à rebus mundi separationis, illa te

certum reddit voluntariæ hujus abdi-
 cationis; siquidē in præsentī deduce-
 ris ad cognitionem & contemptum
 vanitatis mundanæ, non quia mors
 tibi fallacias ejus detegit, sed quia fi-
 des te insidiis illius eximit. Renun-
 tias modò universis terræ bonis, sed
 devotiō hanc abdicationem subscrī-
 bit & consignat, non necessitas.
 Quamobrem nunc hos actus elicias
 cum majore DEI beneplacito, adeo
 ut pereos non solum tibi comparatu-
 rus sis ingentem meritorum thesau-
 rum, sed insuper singularem gratiam
 pro articulo mortis sis obtenturus.
 Non deseret te DEUS in illa suprema
 hora, quia tu teme ipsum non dese-
 ruisti in vita: quidquid in salutare
 hoc studium impenderis, compensa-
 bit tibi in illo momento omnipotenti
 protectionis suæ tutela assistendo.
 Revelavit DEUS sanctæ Gertrudi,
 quod iis, qui per vitæ cursum se ap-
 plicuerint cum speciali cura ad spiri-
 tum suum pio aliquo exercitio, in
 præ-

præparationem pro felici morte directo, excolendum, ostensurus sit tibi finem vitæ, quam copiosius sit fructus huic labori correspondens, quod ipsum experta fuit sancta hæc Virgo, dum moriens animam suam tradidit in manus JESU & Mariæ, qui eam in comitiva Angelorum & sanctorum ad cælum deduxerunt (a) Post actus istos in vita frequenter elicitos, acquires habitum, & miram quandam facilitatem, ex qua tempore mortis novum in animam tuam redundet beneficium; tunc nimirum illi ipsi actus promptissimè in mentem redibunt, & dum illos tibi ab assistente sacerdote suggeri audies, videbuntur esse dialectus minimè peregrina, sed intellectu facillima, nec labor erit eos elicere, ac verbis præeuntem, paribus virtutum actibus sequi.

Neque istam solùm, aliam præterea exinde hauries magni momenti

B 6

utili-

(a) *Diligender tom. 2. Conc. 1. Hebdom. 2.*

utilitatem : siquidem ex memoria
mortis fides excitare solet multa ma-
gnâq; lumina , ad quæ cognoscantur
veritates æternæ ; nunc tempus ac-
ceptabile, & commoditas abunde op-
portuna , ut tibi pro sis, proficiatque ex
illis, vitam tuam seriò emendando ,
quemadmodum fecisse legitur San-
ctus Imperator Henricus , qui præpa-
rationis hujus beneficiò factus est
Sanctus, & inter non minima vitio-
rum illectamenta nunquam virtu-
tem , quæ in corde ejus pedem fir-
missimum semel delexerat , à prima
statione passus est dimoveri , semper
& omne actionum suarum consilium
à morte accipiendo : hæc ipsa lumi-
na parùm tibi , aut nihil proderunt ,
dum stabis ad limen sepulchri , non
erit tunc ampliùs tempus ex illis pro-
ficiendi ; quin imò sicut mortem tu-
am in oculis DEI redditura fuissent
pretiosam , si opportunè secutus fuif-
ses eorum ductum, conformiter illis
vivendo ; ità econtra , si illa aversò
men-

mentis oculo contempſiſti, dum mors inſtabit, hæc reddet illa in animæ tuæ oculis terribilia. Tandem indubium eſt alterutram te manere mortem, vel ſubitanæam, vel lentam: Multi ſubita morte obruti aut à morbo graviffimo comprehenſi, nec tempus habent, nec capacitatem eos actus eliciendi & exercendi, qui elici & exerceri deberent in morte. Si autem te nunc applicaveris ad hujus præparationis ulum, o! quàm felix eritatus tuus, ſi contigerit te improvifò mori! quod enim tunc facere non poteris, jam nunc feciſti, jam prævidiſti & providiſti, & ideo, ut ut mori videaris improvifò, minimè improvifò moreris; nemo enim ab hoſte, quem continuo prævidet ac exſpectat, obruitur. Quòdſi autem DEUS ex hoc mundo ad alterum te lenta morte avocaverit, iétus iſte reddetur tibi minùs ſenſibilis, nam malum quod ſolicité prævidiſti, pene viciſti: *mors ipſa, cùm venerit, vinci-*

tur, inquit sanctus Pontifex Gregorius, si, priusquam veniat, semper timeatur (a) tunc illos omnes actus quos talibus in circumstantiis exigit obligatio legis Evangelicæ, elicies cum magna tranquillitate ac facilitate, expertisque dices: laborem non esse, aut arduum in exercitio artis, in qua diu multumque versatus fuisti. Igitur persuadeas tibi, quod nullum tempus à te impensum sit melius, atque illud, quod præparatio ad mortem consecrasti, hæc namque præparatio est maximum officium, quod geras in tuammet utilitatem. In causâ tanti momenti expectare opem alterius, est magnæ levitatis; si ergo te ipsum amas, nunc de opportunis subsidiis tibi provide, tanquam de mediis utilissimis, & unicè necessariis.

OS) (O) (SO)



Jucun-

(a) In Hom. sint lumbi.

*Jucunditas hujus Prepara-
rationis.*

§. V.

Quemadmodum agrotus, irre-
quietè indagat molliorem &
commodiorem lecti partem, in qua
conquiescat; sic natura humana, ni-
mium quàm infirma, inquit sollicitè
quod delectat, & fugit omne illud
quod molestat. Unde mihi subna-
scitur metus, nè non aliqui hanc ad
mortem preparationem reformident
persuasi, quòd tam frequenter co-
gitare de morte, sit, animam conjici-
cere in quasdam melancholix spinas
eam continuo exulceraturas: sed er-
rant. Est melancholia, non diffi-
teor, displicentia quaedam in inferio-
re hominis parte, nata ex intuitu, &
consideratione eorum objectorum,
quæ illi non sunt grata; quid autem
magis ingratum est, quàm mors?
Nihilominus metu isto te liberum
esse

esse jubeo, memoria mortis non tantum melancholiam tibi non adferet, sed etiam cor tuum verò gaudiò, & pace solida replebit. Est mortalitatis nostræ Contemplatio apicularum instar, quæ nascuntur quidem ex putri, fiunt tamen artifices laboris dulcissimi, qui mel est.

Nulla res adeò nobis dolorosa accidit, etiam si naturalia spectes, quin simul aliquid delectationis adferat, cum semper vel exercitium virtutis in se includat, vel occasio nobis sit magni alicujus boni, vel medicina ingentis mali. Sic solemus gaudere in ipso dolore, dum audimus vel spectamus tragædiam: *est quædam flere voluptas*. Nam compatiendo virtuti, quam in calamitosa persona premi dolemus, virtutis experimentum in nobismet capimus: gaudet in periculis miles, & in arduis lætatur, quòd campum nactus sit, fortitudinem, quæ propria heroum virtus est, exercendi: exultat inter sudores suos agricola,

la, queis sibi spem optatæ messis rigat;
quin & sitis accensæ ardor jucundus
evadit, dum illi aquarum refrigeriô
succurritur. Si ergo recensiti jucun-
ditatis fontes seorsim accepti tanta
dulcedine nostras aspergunt adversi-
tates, quantum non voluptatis tor-
rentem à se hilariter dimanabunt in
capacissimum præparationis hujus si-
num, in qua apertis ostiis junguntur
omnes, ut dulcedine sua se se in cor
diffundant, quod mortem semper ha-
bet in prospectu.

Quantum ad exercitium virtu-
tum; comperies, hic exerceri subli-
miffimas quasque, nobiliffimas, maxi-
mæque heroicæ; uti sunt fides, spes,
charitas erga DEUM, contritio de
peccatis, resignatio in divinam vo-
luntatem, præter alias, quæ uberri-
mis augmentis nutriuntur & crescent
ex terrenarum misèriarum agnitio-
ne, & contemplatione æternæ felici-
tatis. Quando salvator noster ob-
servavit, discipulos suos factos fuisse
tristes,

tristes. mox, ut eos consolaretur, concepti maroris causam dedit simul & remedium : *quia hæc locutus sum vobis, tristitia implevit cor vestrum.* (a) En tristitiæ causam : discessus, & mors Christi. *Nemo ex vobis interrogat me, quò vadis?* en remedium. In duobus his verbis : *quò vadis* inclusum erat remedium, nulli melancholiæ subjacendi : *quò vadis?* corpore ad sepulchrum, anima ad cælum. Tam procul abest tristitiæ causa à mortis memoria, ut hæc potius evadat efficacissimum mœroris levamen, dum homo ex sepulchri intuitu, omni illo evadit altior, quod in hac lachrymarum valle ceteros potest efficere mæstos. Omnis melancholia, quæ nos confumit, potissimum nascitur, & nutritur per passionum nostrarum inordinationem. Unus tristatur, quòd non possideat, quantum desiderat : alter affligitur, quòd non honoretur quantum mereri sibi videtur ; quod non succedat

(a) Joan. 16. v. 6.

successerit hæc intentio, quòd non potiatùr concupitò officio: iste mace-
ratur invidia alienorum progressu-
um: Ille jam timore obrigescit, nè
amittat quod possidet, jam dolore
contabescit, quòd amissà non recupe-
ret. Hoc supposito, sicut præpara-
tio ad mortem clarissima in luce ob
oculos ponit rerum humanarum, eti-
am in mundi oculis summarum, in-
constantiam & vanitatem; ità pariter
prodigiosam habet efficaciam omnes
affectus nostros frænandi, consequen-
ter & procul removendi horrida illa
phantasmata, quæ fumi sui atrore de-
pingere solet melancholia.

Exinde vides alterum jucunditatis
motivum, quòd scilicet hæc præpa-
ratio sit causà ingentis boni. Con-
tinetur ne bonum æquale huic intrà
naturæ confinia, per quod reddamur
securi de possessione certæ causæ ac
juris ad hæreditatem æternam? fre-
quens excitatio memoriæ beati illius
termini, adquem itur, magnum est
affli-

ctionum omnium levamen. Hic
 sapius à te exquiris: *quo vadis?* ad Pa-
 radisum. O quantum in viæ vitæ-
 que molestiis solatium! solatium eò
 constantius, & invariabilius, quò evi-
 dentiùs nobis exhibet non solum im-
 minere possessionem summiboni, sed
 de hac ipsa possessione nos assècurat,
 obligando nos ad invigilandum con-
 tinuò actionibus & moribus nostris:
Beati servi illi, quos cùm venerit Dominus,
invenerit vigilantes. (a) dixit salvator
 noster. Si igitur mors te invenerit
 vigilantem, qualem ut te inveniat
 hæc præparatio efficit, coram DEO
 es in numero Electorum: *beati servi*
illi. Quantum non est hoc solatium!
 Insuper hæc præparatio est medicina
 & remedium contra ingens malum,
 præservat enim à duplici plaga, qua-
 rum una est timor temporalis mortis;
 altera timor mortis æternæ. Obje-
 ctum, quod nostro in capite aterri-
 mas melancholiæ nubes suscitât, est
 mali

mali cuiuspiam metus: quantò majus est impendens malum, tantò magis timetur, & quantò major est imaginata inolestimoris, qui enalçitur, tantò major est melancholiæ umbra, quæ illum ceu corpus suum comitatur. Scis autem mortem inter omnia mala naturalis ordinis, esse malum maximum & hac eadem ex causâ Philosophi judiciò: *Terribilium omnium terribilissimum est* (a) si quis igitur, à dorso suo removerit pondus timoris hujus, præstabit se liberum à potentissima melancholia, & gaudebit stabili quiete, suavissimâque animi jucunditate. Quid ais ad ista, nunquid evidèntia sunt quæ dixi? nemo certè negaverit esse verissima. Quod si ita est, scias velim id totum obtineri per hanc præparationem; quot mensibus enim illam practicando, assuesces contemplationi mortis, quæ sæpius visâ & considerata terribilis esse desinet. Bombyces naturâ sunt adeò
timi-

(a) *Arist. l. 3. Ethic.*

timidâ , ut auditô vehementiore tonô , præ terrore crepent, quod ſciens, qui illos nutrire ac educare cupit, ſolet ſubinde ſonum edere , majorem ſemper ac majorem , ut pedetentim generoſa reddantur,meticuloſa cateroquin animalcula , nè fragorem ſonantioſorem caſu auditura vitam amittant. Pari ſerè methodo timorem eventuum difficilium à nobis propulſurus ſeneca ſuadet : *ſi vis omnem ſollicitudinem exuere , quidquid vereris , nè veniat , eventurum utique propone.* (a) Præterea inclinas hoc modo animum tuum gradatim ad omnem affectum à divitiis , deliciis , conſanguineis , Amicis & vita ipſa retrahendum : Nam hæc ſerè ſunt objecta , à quibus mors cum ſenſibiliſſima difficultate hominem avellere ſolet. Sicut arbor , quæ radices ſuas profundè non deſiſcit in terra , facilè , & procul omni labore evellitur ; ità cor , quod a terrenis bonis liberum vivit , facilè & ſinè dolo-

(a) Sen. *Epist.* 24.

dolore supremum ictum excipit. Liberat hæc præparatio etiam à periculo alterius plagæ; siquidem id, quod mortem reddit terribilem, non est memoria mortis, sed e contra mortis oblivio, & ejus oblivionem secuta præparationis omisso, & omissionem hanc concomitans damnationis æternæ manifestum periculum. Præparatio hæc præbet tibi exercitium frequens detestandi peccata vitæ præteritæ, & de illis dolendi. Cujusmodi dolor adfert gaudium adeò intensum, ut nesciverit S. Augustinus reperire imaginem magis expressivam ad representandum, argumentum magis convincens ad deducendum, quale sit gaudium Cæleste; quandoquidem ad exhilarandam contritionem nostris viribus concurrunt tam vivacissima cognitio summi boni, de quo securi reddimur, & summi mali, quod à nobis recedit; quàm dulcissimum condimentum supernaturalis spei: sicut in musica suspiria & notæ
pate-

patetica constitunt principem harmonie gratiam: ita in poenitentia jucundissimus affectuum concentus resultat, ex gaudio lacrymarum ac gemituum: hinc sanctus Chrysostomus cor peccatoris exhilaraturus, invitat illum ad deplorandas vitæ noxas: *Tristemur fratres tristitiâ gaudii genitricæ. (a)*

Observabis exinde, quod præparatio, de qua agimus non tantum tibi adferat moralem securitatem de remissione peccatorum vitæ præteritæ: cum illa namque frequenter detestaberis culpas tuas ex perfectissimis quibusque motivis; sed quod insuper te elonget in futurum à servitute peccati. O! quàm fortem te reddet contra omnes tentationum insultus, ut non possit non verificari in te Oraculum Spiritus Sancti: *memorare novissimæ tuæ, & in æternum non peccabis (b)* Quis nescit, tristitiam non esse naturæ

ræ

(a) S. Chrysost. ad Antioch. hom. 62.

(b) Eccli. 7. v. 40.

re sed culpæ filiam? Ex primo enim
 nostrorum Progenitorum peccato
 natum est hoc monstrū, & quemad-
 modum omnes & singuli filii Adam
 sumus, ita omnes & singuli hæredita-
 mus hoc patrimonium, tantòq; magis
 illud augemus, quantò magis pecca-
 mus: dum igitur per hanc, quā trado,
 sese comparandi methodum, tibi pro-
 visum est de armis contra peccata, si-
 mul tibi prospectū est de scuto contra
 tristitiā: postquā cōscientia tua nullo
 remorsu turbatur, tum quia jam satis-
 fecisti pro culpis præteritis: cum quia
 solerter præcaves, nè deinceps prio-
 ribus nova debita jungas. Esto certus,
 quòd non sit major jucunditas, quam
 quæ resultat ex testimonio bona con-
 scientiæ, quod sapiens innuisse vide-
 tur, cum dixit in proverbiiis: *secura*
mens quasi jube convivium a) cujus diur-
 na gaudia hilaris vesp̃er excipit, ut
 nocte qualibet quiesce & tranquillò
 animò concedatur cubitum, dici-
 C que

(a) Prov. 15. v. 15.

que possit cum Davide : *in pace in
 idipsum dormiam , & requiescam : quo-
 niam tu Domine singulariter in spe consti-
 tuisti me* (a) Qui non vivit ita compa-
 ratus animo , ut quotidie promptus
 sit ad excipiendam mortem , quam-
 vis domum incolat instructam adin-
 star paradisi , quamvis se interserat
 hilaribus amicorum conviviiis , ju-
 cundetur inter Domicellarum ama-
 biles blanditias , inter recreationes ,
 venationes , & quæ nescio hilaria ;
 non potest verâ gaudere lætitiâ : cur
 istud ? quia nimirum ad vocem con-
 cionantis , ad aspectum mortui homi-
 nis , ad unicam inspirationem DEI
 cor alloquentis , excitantur conscien-
 tiæ remorsus , & terrores mortis in-
 expectatæ pavescentem inquietant :
 sicut horologium foris quidem o-
 stendit aureum indicem , intra se ta-
 men ferreas rotas continet. Pecca-
 torum labia ad speciem hilariter sub-
 ridentia sunt fulgetra tempestatis in-
 ternæ

(a) *Psal. 4. v. 9. 10.*

ternè latentis : res quævis eos terret,
dum timent mori improvisò , finè
Confessione , finè testamento. Cir-
cumferunt intrà se laqueum, quo
stringuntur; & carnificem, à quo tor-
quentur. Certus igitur esto, quòd
mortem venientem nemo hilaris excipit ,
nisi qui se ad illam diu composuerit. (a)

Si quando ex vitæ licentiosæ for-
dibus surgendo, per synceram con-
fessionem reversus es ad Paternum
DEI tui sinum; dic, rogo, candidè,
nunquid videbaris tibi à grandi one-
re sublevatus fuisse? exivisse ex pe-
riculoso labyrintho? nunquid ex-
pertus fuisti cor tuum plenum fuisse
consolatione? O! dicebas, laus DEO!
laqueus contritus est, & nos liberati su-
mus (b) quantò igitur major erit pax
& consolatio, postquam ope hujus
præparationis perfectè composueris
rationes tuas cum DEO? tunc Cæ-
lum tibi videbitur Serenius, aura be-

C 2

nigni-

(a) Seneca tom. 2. Epist. 30. (b) Psal.

nignior, nox quietior, & vita dulcior.

Quis Júbilus 'quàm pulchrum solatium, audire tonitrua, & fulmina sinè cordis palpitatione audire aliorum mortem absque pallore vultûs. Est mortis hora omnibus abscondita, sed non omnibus improvisa: Qui semper ad excipiendam mortem paratus est, & promptus, nunquam moritur insperatè quodcunque mortis genus illi accidat. Mori in gratia DEI, & inter actus amoris DEI, est sola bona mors, quomodocunque mori contingat, si modò sis in statu gratiæ, non est, quod timeas. Quod, quàm verum sit, historia comprobet. Sacerdos quidam Hispanus desiderabat frui sacrò spiritualiũ exercitiorum otio, quo grande negotium animæ suæ quietius componeret per exactam confessionem generalem, sed solitò mundanarum occupationum dolò captus de die in diem differēbat operis saluberrimi executionem, donec deceptionem advertens sibi

COR-

constituisset tempus determinatum, cum firma resolutione, quodcunque impedimentū occurreret, se nequaquam admissurum, ut moram injiciat salutari proposito. Præstito tempore jam præterito, Sæviliâ litteras obtinet ab amicis suis datas, qui conjunctim motivis efficacibus persuadebant, ejus plurimum interesse, ut quantocyus iter ad illam urbem susciperet. His acceptis mox confessarium suum invisit, obortique impedimenti causam eidem exponit, data fide, quòd post reditum absque dubio piis desideriis suis sit satisfacturus. Ah! Domine, reponit Confessarius, post reditum accurabis statum animæ tuæ? quid si morereris in via? an nescis te esse mortalem? Penetravit inexpectata hæc confessarii responsio cor sacerdotis, atque effecit, ut, cum tempus non faveret spatium, quod sibi exposcunt Exercitia spiritualia, hanc diei unius susciperet recollectionem: in hac pro-

vidit animæ suæ, quod spiritualia
 concernit, per sinceram Confessionem
 generalem; & quod temporalia
 attinet, per testamentum, & sic ter-
 minata hac præparatione, commisit
 se itineri. Observa hic admirabi-
 lem divinæ providentiæ tractum.
 Sub medium itineris per infirmita-
 tem improvisò subortam conjicitur
 in lectum, & periculosis symptoma-
 tis, indiès ampliùs, & ampliùs profi-
 cientibus, delabitur ad extrema vitæ
 mortisque confinia. Ad hæc dedu-
 ctus, quas putas, animò cogitationes
 conceperit? accipe illas à propria
 ejus lingua, quæ in tam arcta mortis
 vicinia, certò certius, nec sibi adula-
 ri voluerit, nec alii illudere. O fe-
 licem, inquit, felicem illum recolle-
 ctionis diem, quem elegi, ut vitam
 meam ordinarem, ut testamentum
 conficerem, ut morti meæ provide-
 rem! o! quantum me dies hic adju-
 vit. O! quantum me dies hic sola-
 tur. Edico palàm & confiteor, ma-
 gno

gno mihi futurum fuisse dolori, quòd hoc in pagello, hac in casa tam procul à domo propria distans moriar, nisi animo subveniret præparatio, quam feci in nupera spiritali recollectione, cujus intuitu promptissimus sum ad excedendum de hoc mundo cum tranquilla conscientie pace, ubi ubi DEO placuerit, etiam in medio camporum. Cum hac resignatione, quiete, & tranquillitate, provissus sacramentis morientium, inter actus Theologicos ad communem omnium adstantium ædificationem animam DEO reddidit. Ex hujus exempli enarratione, animadvertis, ni fallor, quanta cum efficacia ad animæ quietem concurrat hic sacer dies recollectionis.

Verum est, quòd amaror mortis dulcoratus sit per mortem nostri Redemptoris; sed nemo de virtute hac dulcificante sibi subventura securior est, quàm qui opportunè sese comparat ad mortem. Quod ut probem,

audi Sanctum Bernardum mirè in
 in rem nostram perorantem: *is siqui-*
dem maxime prodest Christi mors, & pas-
sio, qui mortem propriam praevenientes, &
prævidentes, ad illam se virtutum Christi
imitatione disponunt; unde & latissimus
eos exitus manet, & transitus perjucun-
dus; cum nemo, teste Vegetio, id facere ti-
meat, quod se novit bene didicisse. Nota
 bene ultima hæc verba, solvunt e-
 nim difficultatem, quam amor pro-
 prius objicere posset, nimirum, quòd
 menstrua exercitii hujus repetitio
 tædiò te affectura sit, & nauëam al-
 latura: Ah non, non, inquit melli-
 fluus Sanctus, quin imò fructificabit
 novum latitiæ argumentum, siqui-
 dem ut vidisti, quò frequentius hanc
 praxin renovaturus es, eò dexterior
 fies, aptiorque ad mortem excipien-
 dam, & quò ad id fueris aptior &
 dexterior, eò postea tibi facilius, sua-
 vius & jucundius futurum est illius
 exercitium, quando mors reapse ad
 illud te obligabit. *Cum nemo id facere*
time-

timeat quod se novit bene didicisse. Huius exercitii frequentia animabit spem tuam obtinendi felicem in morte exitum, & bene vides, quòd spes ista germinatura sit indies novam cordis hilaritatem.

Meditatio de Morte.

§. VI.

PUNCTUM I.

Quid moribundum affligat.

I. **C**onsidera præcipuum, quod morientem fastidiò replere solet, esse tres affectus, qui tunc evigilant, ut affligant: primus est melancholia, cujus acrimoniam, ut concipias, imaginare tibi, quòd jaceas in lecto gravissima infirmitate oppressus: quòd intret confessarius, ac tibi insinuet, mortem esse vicinam: *dispone domui tuæ, quia morieris tu, & non vives* (a) O! quàm terribile hoc fulmen accidit naturæ! quantum-

C § cunque

(a) *Isaj. 38. v. 1.*

cunque Sacerdos amarum calicem à se porrectum spe vitæ dulcorare studeat: hoc tamen non obstante omnem sentis amaritudinem, quia intelligis optimè, quòd malum tibi incumbens sit desperatum, & omne, quod in favorem vitæ dicitur, non quòd spei quid subsit, dici; sed ut minùs sensibilis accadat fatalis Libitinæ ictus.

Vides in ictu oculi, quòd pro te sit finis mundi, finis voluptatum, finis divitiarum, finis honorum. O quantus dolor! videre se spoliatum omnibus illis bonis, quæ tantopere amavit. Examina propensiones tuas, quomodo his ipsis terræ sis affixus? quomodo, quantumque affectus sis creaturis istis? Ah! *non relinquitur sine dolore, quod cum delectatione retinetur.* (a) Dum S. Augustinus secummet ipso in conversione sua luctaretur, objiciebant se phantasiæ ipsius

(a) S. August. lib. 1. de serm. Dom. in monte.

ipsius omnes voluptates prius degustatae, quasi ad cor loquerentur dicentes: dimittisne nos? Augustine! *non erimus ultra tecum in aeternum?* nullum unquam convivium? nulla dein amplius voluptas? nulla amplius conversatio? morierisne mundo ex integro? Sentiebat cor suum inquietari, nec facile poterat se risolvere. Nihilominus relinquebat omnia per electionem, quæ, voluntaria cum sit, successum habet suavissimum; dese-
rebat illa cum merito, quod ardua solet reddere facilia.

Idipsum tibi moribundo repetent, sed voce sonantiore ac funestiore, omnia bona temporalia, quæ possidisti: *non erimus, non erimus tecum ultra in aeternum*: & quidem eò majore cum dolore, quò magis necessitas hæc est inevitabilis ac vel ideo meritum minus pretiosum. Quot, quantisque industriis non es fatigatus, ut acquirereres tenuem honoris radium, evanidam auram humani applausus!

Ecce tunc totum evanescet ut umbra: ubi in tumbam conclusus fueris, post paulum non loquentur amplius, inò nè quidè cogitabunt de te homines, ex ipsa eorū memoria paulatim deleberis. Amici, cognati, ex quorum respectu, ut illis placeres, DEUM offendisti, vel saltè DEO servire omisisti, Te omnes & singuli deserent. Ut unda undam pellit, & fluctus fluctum, sic novum objectum ex eorum memoria fugabit antiquum, quisque illorum redit ad sua negotia, & studet, ceu rem melancholicam, ex phantasia excludere mortuorum recordationem. O vanitas humanarum dispositionum! O labores malè impensi!

II. Considera, quòd te in morte summò tædiò affecturi sint dolores corporis, quos geminabit afflictio animi. Ene tu illorum è numero, qui vitam transigunt in deliciis & voluptatibus? qui carnem suam instar idoli habentes unicè in id intenti sunt,

sunt, nè quidquam appetitui suo denegent, & toto studio feruntur ad procurandas sibi commoditates & blanditias qualvis? Eñe ex illis, qui nullam sibi metipsis unquam intèrunt violentiam, & nulla unquam utuntur mortificatione? quid respondet conscientia tua? si de syllabo istorum es, dicam abò, cùm te videris morbo lethali obrutum, & ad extrema deductum jam non habere plus vitæ, quàm sufficiat ad sentiendas omnes puncturas mali. quod te intus discruciat: cùm arseris febrili æstu, qui te consumet; cùm exagita-beris doloribus, amaritudinibus, nausæis, vigiliis & convulsionibus: quomodo tunc substantiarum disgustuum pondere temetipsum eriges? An non tunc tibi videberis, aliisque fateberis experiri te amarissima quæquæ, inò omnia, quæ mors infligere valet, tormenta? nihil tamen intentatum manebit, quo valetudinem recipias, porrigentur tibi medicinæ

amarissima, ferrum fortassis & ignē
 admovebunt, ut scindendo, dila-
 cerando, urendo profint; sed malum
 omni humana ope majus reperien-
 tes, in nullo alio proficient quàm in
 eo, quòd tibi augeant impatiētias, in-
 quietudines, agitationes, & querelas,
 de momento in momentum mutabis
 colorem, vigorem, & vires. Elan-
 guesces, nausèabis omnia, & spiriti-
 bus vitalibus ex integro te linquenti-
 bus omni robore destitueris, videbis
 quidem coram te jam hunc, jam il-
 lum transire domesticum, amicum,
 aut notum, quin tamen illis explica-
 re valeas tuas necessitates. Inclama-
 bunt tibi Sacerdotes, & Religiosi,
 ut dolores tuos motivis spiritualibus
 condiant; sed cum quo fructu; si
 verba illorum tibi lingua videantur
 peregrina, si illa non intelligas: vel
 saltē tibi accidant ingrata? cona-
 buntur tibi inspirare affectus resi-
 gnationis in divinam voluntatem,
 & doloris de tuis peccatis; sed bene
 scis,

scis, quòd non discamus tam subito reprimere naturæ incorrectæ rebellionem, præcipuè si hæc per inolitam consuetudinem perperam in nos obtinuit absolutum imperium. Orabunt ipsi, & commendabunt te precibus aliorum devotiorum, ut DEUS optimus suæ gratiæ viribus languores tuos corroboret. Sed Spiritus Sanctus tam prodigè non dispertiet pretiosa donorum suorum munera. quibus ut beeris, oportet aliter sis dispositus. Quid itaque tunc facies? tibimetipsi relictus patieris, & patieris murmurando inter lamenta contra DEUM, contra homines, qui tibi serviunt, contra amicos, qui te student consolari, & adeò profundè in dolorem ac melancholiam immergeris, ut non sis recordaturus quàm modicum temporis superfit, quo ad animæ salutem utaris, nec tibi in mentem venturum sit, quàm necessarius labor conscientiam debitè componendi tunc tibi incumbat.

III. Con-

III. Considera, quòd illo in articulo ingens fastidium tibi ingeneraturus sit timor. quem duæ res propriis incutiunt, dum hominem in morte exterrunt: peccata, quæ morientem sequuntur, & DEI Tribunal, quod eum expectat. *Hæc est summa infelicitas, quæ comparavit bona, hic dimittit, sed secum peccata portat. (a)* Cur DEUS ex nihilo tui, in hanc entium seriem te vocavit? Cur introductus es in hunc mundum? ut per pusillum vitæ mortalis spatium, æternitatem gloriæ consequereris. Nunquid hic est finis tuus, nunquid hic est finis proprius cuiusvis hominis? ita est: quàm itaque tibi durum accidet, tunc agnoscere, quòd per vitæ cursum longè aliò respexeris. Quantum te affliget memoria omnis boni, quod facere omisisti, & facere potuisti! quot annos vitæ numeras? viginti, triginta, quadraginta, quinquaginta &c. si in primo rationis dilu-

(a) *August. homil. 42. ex 50.*

diluculo, vel saltè quando per divi-
nas inspirationes primùm te invitari
sensisti, cepisses Christianarum vir-
tutum exercitium; ad quantum San-
ctitatis gradum non ascendisses?
quantum meritorum cumulum non
acquisivisses? quot non tuæ ætatis,
quot non te juniores facti sunt San-
cti? Beatus Stanislaus Kostka annis
octodecim nondum completis. Bea-
tus Aloysius Gonzaga annorum vi-
ginti trium. S. Rosà Viterbiensis
annorum septemdecim & decem
mensium. Sanctus Cazimirus viginti
quinque annorum. Et tu tot annos
à DEO nactus, ut eos virtutibus
consecrares, quomodo eos expendi-
sti? transivit totum hoc tempus, nun-
quam redditurum: meritum illius per-
ditum est, nunquam deinceps recu-
perandum. O quantum te affliget
memoria tot talentorum malè im-
pensorum: Capacitatis, sanitatis, in-
genii, opum, tibi liberaliter à DEO
concessarum, ut iidem Cælum tibi
lucra-

lucrareris. *Negotiamini, dum venio.* (a) Qui ad nundinas se contulit, cum magna parata pecunia summa, & eam non ut debebat mercibus comparandis impendit, sed lusu perdidit: quanto paenitudinis dolore affligitur in fine nundinarum! Christus qui se ideam & exemplar nostrarum actionum proposuit, morti vicinus ad Patrem aeternum dixit: *consummatum est.* (b) Si dies hodierna foret tibi ultima, inveniresne in te Christianam perfectionem consummatam, quam DEUS à te desideravit? corresponditne gratia vocationis tuae? obligationibus tui status? tot bonis exemplis? tot divinis Illustrationibus? tot Sanctis inspirationibus? possesne dicere cum veritate; DEUS meus, adimplevi omnem gratia tuae circa me dispositionem? Ah minimè! minimè. O quanto igitur dolore opprimeris?

Sed

(a) *Luc. 19, v. 13.* (b) *Joann. 19. v. 30.*

Sed is ipse multò plus increfcet ;
 ex agnitione malorum admiſſorum ,
 videbis omnes ætatis tenerioris levi-
 tates , adultioris diſſolutiones , vide-
 bis Sanctiſſima Sacramenta vel irre-
 verenter à te fuiſſe ſuſcepta , vel te-
 pidè frequentata , cum exiguo devo-
 tionis ſenſu , & ſinè fructu. Vide-
 bis mala conſilia , pejora exempla
 quæ vel dedisti vel ſecurus es. Vide-
 bis debitas honoris alieni , & rerum
 aliarum iniquè ablatarum reſtitutio-
 nes , vel ſinè cauſa dilatas fuiſſe , vel
 ſinè neceſſitate omiſſas. Videbis tot
 murmuraciones , tot intemperantias ,
 tuum faſtum , vanitatem tuam , &
 tuam ſuperbiam. O quàm melan-
 cholica erit hæc viſio ! quàm horum
 memoria formidabilis ! ſi per totum
 annorum tuorum decurſum commi-
 ſiſti unicum peccatum mortale , erit
 hoc ipſum tibi maxiſſimum terroris
 objectum : neſcis enim , utrùm tibi
 remiſſum ſit , necne ? ſi verò multa
 numero amiſiſti , ſi enormia vel ex
 gene-

genere suo, vel ex obligatione tui
 statûs, & gradûs, quantò tibi magis
 timendum est? Verum est, quòd us-
 que ad ultimum vitæ suspirium sit
 pœnitentiæ locus, per quam peccata
 aboleas: sed pœnitentia tunc agitur
 difficiliùs; quis enim tibi promittit,
 quòd sis futurus aptus & dispositus ad
 eliciendum verum dolorem, & af-
 fectum voluntatis, qui te ad hunc in-
 clinet? Mors ordinariè hominem
 obruit, appropinquat clàm, & adve-
 nit, quando de illa minimè cogita-
 tur.

Exterrebit te apprehensio judicii
 divini, quod imminet; idque adeò
 exactum, ut omninò nihil effugitu-
 rum sit Scientiam Judicis; adeò se-
 verum, ut nihil mansurū sit impuni-
 tum à vindicativa justitia ejus: adeò
 fixum & firmum, ut sententia lata,
 sit futura tam irrevocabilis, quàm
 DEUS est immutabilis; Judicium,
 cujus consequentiæ sunt æternæ, in
 quo agitur de summo bono, vel
 sum-

summo malo, nullum unquam finem habituro. O! si tunc revocare liceret primos vitæ exactæ annos! ô si posses renasci super terram! ô si posses redordiri vitæ præteritæ cursum! quid non faceres?

PUNCTUM II.

Quid moribundum consoletur.

I. **C**onsidera. quòd vero Christiano, triste non accidat in morte relinquere opes, quas possederat in vita. Quia licèt in effectù pauper non sit, didicit tamen pauper esse corde & affectu: quantum non erit moribundo solatium, reflectere se, quomodo figuram mundi hujus non semel viderit grata specie sibi blandientem, quin oculos suos admitteret blanditiis ejus illaqueari; quòd cognoverit omnia pericula, omnia illicita; omnes vanitates, omnem malignitatem nunci, vaferrimi animarum proditoris; nec tamen au-
rem

rem præbuerit fallacibus incantationibus ejus. Certum te esse jubeo, quòd nullam difficultatem senties, quando videbis Ecclipsari falsum splendorem honorum, gloriæ & felicitatis humanæ, quia jam ante ad fundum eorum pertigisti, & quàm vanè illudant, explorâsti. Nullus dolor erit, quando omnia, quæ mundus dedit, bona è manibus tuis fugient, quia sic illa possidebas, quasi nunquam possideres. Nec triste accidet, quando fragile hoc & mortale corpus legi naturæ succumbere incipiet, quia non fuisti adorator ejus illi adulando; sed inimicus, continuò illud mortificando. Non, non, non senties dolorem, imò gaudebis dicendo: desero hæc bona, quæ dudum propter DEM contempsi.

II. Considera, quòd homo ut ut probæ vitæ, in morte tamen non sit futurus à doloribus exemptus, sed bene quòd dolores ipsi minus sensibiles futuri sint, quia ipsi minus eos sentiet.

tiet. Omnis labor, qui corpus gravat, fit etiam dolor animi, sed quando hic per vitam in adversitatibus suis & doloribus consuevit se regere dictaminibus Evangelicis, eodem subsidio se facile solatur in morte. Sicut igitur patiente corpore, animus id ipsum sentit, sic vicissim corporis sensibus consolationem illam communicat, qua cælitus perfunditur, in voluntatem divinam se penitus resignando. Dum vel unica divinæ unctionis gutta ad cor hominis subintrat, quantum non illud redanimat! scis, ni fallor, quanta tormenta Tyrannorum barbaries exoneraverit in corpora Sanctorum Martyrum; nihilominus in medio suppliciorum suorum gaudebant, & moriebantur DEO laudes canendo, quin vel loqui audirentur de suis tormentis. Et quomodo istud? nimirum, quia quantum corpus deficiebat, & flaccescebat, tantum spiritus confortabatur, & proficiebat, men-
tisque

tisque robur debilitatem corporis sustentabat. Cum auxilio gratiæ DEI omnia potentis videtur justus possidere Sanctam quandam patientiam, cujus adminiculò tranquillè navigat per amarissimum mare dolorum, qui solent precedere horam mortis. Tunc DEUS in animo justī accendit lumina, & cogitationes; in corde sensus & affectus excitat tam dulces, & tam efficaces, ut prodigiosè spiritum erigant & confortent. Tunc DEUS ostendit, quomodo per hos dolores & angustias animam totaliter purificet, & supremum decorem indat eam meritis ditando, & Christo JESU agonizanti assimilando: Hi sensus, hæc apparamenta dant moribundo ingentem animi vigorem, ut verificetur promissio Spiritūs Sancti: *justorum animæ in manu DEI sunt, & non tanget illos tormentum mortis.* (a)

Si quis à multis annis assuetus fuit
omnes

(a) Sap. 3. v. 1.

omnes suis sensibus negare blanditias & carnem domare laboribus, jejuniis ac poenitentiis; & si temperativè se exercuit in superanda nimia sensualitate, in infirmitate postmodum exercitatum militem se experietur, & ad dolores ferendos perfacilem; non percelletur difficultatibus mortis, non concidet animis, imò nec inquietabitur: Patietur, sed multò minùs, ad instar veterani militis, qui postquam tormentorum tonitruis, & cæterorum armorum fatali sono assuetus est, ea tonare, ac fulminare intrepidus, & sibi met constans audit.

III. Considera, quòd mundus, ut Spiritus Sanctus apud Jobum loquitur, sit quidam campus Martius, & quædam arena decretoria: *Militia est vita hominis super terram* (a) quantum igitur solatium tibi erit recordari, quòd generosè ac constanter pugnaveris contra ternos hostes tu-

D

os,

(a) Job. 7. v. 1.

os, mundum, carnem, & dæmonem? quòd fortiter resisteris omnibus tentationibus & reportaveris ex illis victoriam? quantum solatium! Est mundus instar mercaturæ, ac nundinarum; & DEUS te in illo constituit, ut concessis ad id talentis mercareris thesauros meritorum: *Negotiamini dum venio (a)* Si partes tuas bene adimplèsti, si omnes merendi occasiones amplexus es, si DEUM timuisti, & fideliter illi servivisti, si amore Christi hanc vel illam, injuriam patienter tolerasti, si hanc vel illam intolerantiam, hunc vel illum despectum; si collegisti magnas virtutum divitias: O! quantæ id tibi futurum est consolationi! bona opera sunt claves, quibus tibi referatur janua paradisi: *Hæc porta Domini: justi intrabunt in eam (b)* quantum solamen erit hanc clavim in manu tua videre, cùm morieris? ibis ad mortem, ut miles ad triumphum, ut

(a) *LUC. 19. v. 13.* (b) *Ps. 117. v. 20.*

ut; naucerus ad portum , ut opera-
rius ad mercedem, ut exul ad patri-
am. O ! quantum solatium !

PUNCTUM III.

*Ad quid obliget consideratio
mortis.*

I. **C**onsidera, non reperiri ullum,
qui in articulo mortis non
optet esse in bona illa dispositione ,
quæ paulò antè ponderata fuit. Ve-
rùm, ut tunc ejus fructu gaudeat ,
opus est, ut modò semen illius jaciat,
omne illud abhorrendo, quod in a-
gone ultimo fastidium creare pos-
set. *Declina à malo (a)* amplectendo
omne illud , quod in vitæ termino
allaturum est consolationem. *Et fac
bonum. Declina à malo:* quod ut decli-
nes , oportet te concipere adeò in-
tensum peccati cujuscunque odium,
ut vel solum peccati nomen hor-
rorem tibi incutiat, & umbra atto-

D 2

nitum

(a) Ps. 36. v. 27.

nitum reddat. Capienda est magnanima resolutio cordi tuo deinceps absolutò imperiò dominandi, omnibùsq; viribus inordinata desideria reprimendi, quæ tanto ardore erga mundũ, & evanida ejus bonate accendunt. Si divitias possides & honores, cave sis, nè laqueis suis te innodent, ut nè deinde illorũ abdicatio te constet terrore, deiperatione, & languore. *Divitiæ si affluant, nolite cor apponere* (a) non dicit, renuntiandum esse omnibus, quæ possides, aut descendendum de dignitatis gradu, in quo te vel nascendi felicitas, vel meritorum suffragia collocarunt, non exigit, ut ab omni mundano commercio te subtrahas, non; sed ut in statu tuo, in quo DEUS te nasci voluit, aut merita propria constituerunt, perseverando, vel illum etiam viis honestis & legitimis promovendo, non ames mundum, dignitates, vanitates, pompas & mundanos splendores: vetat hæc pro i-

(a) Ps. 61. 7. 11.

dolis haberi, ita ut felicitatem tuam in iisdem subsistendo reponas: *nolite cor apponere.* Et quomodo cognoscēs, an hucusque in corde tuo regnarit inordinatus affectus iste, ut deinceps, eundem corrigas? dicam: Ex fumo cognoscitur, ubi deliteat ignis. Existimata felicitas, quæ vel primam, vel maximam temporis portionem mundanis concedit negotiis, postremam verò divinis; superflua sollicitudo procurandi bona terrena; inquietus timor ea perdendi: lamenta, anxietates, & indignationes, si nascantur ex bonorum istorum jactura, sunt luculenti characteres, ex quibus evidenter legitur, quantum in homine prædominentur desideria rerum terrenarum.

II. Considera, quod pœnitentia non solum in eo consistat, ut non amplius degeneres in virulenta peccatorum mala, sed ut feras sanos bonorum operum fructus: ut non solum peccata, quæ commisisti, deinceps

ceps omittas, sed etiam ut bona, quæ
agere omisisti, exerceas. *fac bonum*,
expugnando vitia per oppositas vir-
tutes. Oportet Scandalosa nonnul-
larum culparum vestigia delere per
evidentia publicæ pietatis exempla,
& constanti cum ædificatione co-
ram aliis versari. Pœnitentia pro-
portionetur delictis, est necesse, si-
cut exhibuistis membra vestra servire im-
munditiæ, & iniquitati ad iniquitatem, (in-
quit Apostolus) ita nunc exhibete mem-
bra vestra servire iustitiæ in Sanctificatio-
nem. (a) Quæsiuisti prius voluptates
illicitas? abstine deinceps etiam à
licitis: private certis commoditati-
bus, desideriis, & gaudiis: corpori
tuo nimium blanditus es delicate
illud tractando, de cibis justo ampli-
us aliquid indulgendo? mortifica
illud pœnitentiis, & jejuniis. Su-
perfluo corporis ornatui, vano lu-
xui indulgisti in vestimentis? relin-
que vanitates, & apparentias ina-
nes,

(a) Rom. 6. v. 19.

nes, ad statûs tui proportionem vestitum conforma. Ambitioni mede-
beris per humilitatem: iræ & in-
dignationi per patientiam: odiis per
charitatem. Scias itaque, quòd ni-
hil istorum executioni daturus sis,
nec illum facturum profectum, quem
presens in spiritu fervor promittit,
& quem DEUS à te expectat, si per-
severaveris in iisdem occasionibus,
in iisdem societatibus, in iisdem
conversatationibus, & in otio eodem:
relinquenda sunt hæc omnia, & re-
spectus humanus tandem generosè
vincendus. Noles certè his irreti-
tus mori; nè ergo ames illis imple-
xus vivere: opus est hic salutarè re-
solutione.

III. Considera, quòd res singulæ
eædem in se sint, quales in articulo
mortis esse videbuntur. Igitur eò-
dem mentis oculò, eodem spiritu
nunc inspicienda sunt, quò illas
tunc intuebinur. Cùm steteris ponè
arctam viam, quæ exitum ex hac

vita repandet in morte; quid putas: quod iudicium feres de voluptatibus, de blanditiis divitiarum, recreationum, conversationum, risuum & jocorum; de plausibus, de iudicio, & æstimatione hominum? videbuntur omnia vanissimus fumus esse. Nunquid hoc verum iudicas? igitur & modò fumus sunt & vanitas. Et hunc tu non spernis modò? non deploras coram DEO tuum erga objecta tam vilia, tam pernitiola affectum? An Euangelium, quod mundum & omnes vanitates, odia, & vindictas ejus damnat, nunc minùs verum est, quam tunc futurum sit? minimè. Igitur *ut quid diligitis vanitatem, & quaritis mendacium?* (a) necessum proinde est tam longè ex oculis tuis recedat terra, quin ejus bona deinceps cordi tuo ullum imprimant illicium, ut dicere possis cum Davide: *quid mihi est in calo, & à te quid volui super terrā?* (b)

Quid

(a) Ps. 4. v. 3. (b) Ps. 72. v. 24.



Quid moriens judicabis de virtutibus pœnitentiæ, humilitatis, mansuetudinis, charitatis erga DEUM, & proximum? appretiabis eas ut thesauros. Ergo conveniens est, ut & nunc eas æstimes ceu opulentam Summam, quâ salutem tuam redimas. Dic amabò, an non leges Evangelicæ, quæ ad lumen ultimæ candelæ, exhibebunt ingentes esse obligationes, quas tibi partim professio Christiana, partim status tuus, partim officium tuum imponit; dic inquam, an non leges illæ nunc eadem sint? Ità est, sunt omninò eadem. Nunquid motiva, quæ Sancta Ecclesia, ut satisfacias legibus adeò justis, & quæ tibi tunc videbuntur efficacia ad solvendam omnem objectionem, & tollendum omne obstaculum, sunt eadem? ità est, sunt omninò eadem. Si ergo nunc habes easdem obligationes, si motiva eadem, idem necessariò faciendum est nunc, quod in illo ar-

tiuolo facere velles & antea fecisse. Nulla igitur res, quancunque sit illiciti, & magnetismi, à te obtinere debet, ut tua erga DEUM & sacrerimas ejus leges fidelitas, non sit modò talis, qualem tunc esse percupies. Tunc, tunc agnosces, & fateberis DEUM infinitè dignum esse, ut illi serviatur, ut ametur omnibus viribus, ac præferatur omnibus cæteris objectis; & cur istud hic & nunc nondum à te meretur? nōne idem ipse nunc est, qui tunc esse Videbitur? nunquid eadem hodie est bonitas ejus? eadem sapientia? eadem omnipotentia? eadem justitia? an fors tunc habebit plus authoritatis? plus Majestatis? aut plus domini, quàm nunc habeat? minimè. Fors non ità verum est hodie, sicut in morte videbitur & erit, quòd DEUS, ut tuum erga se amorem conservet, te jubeat renuntiare omnibus, quæ in mundo habes charissima; tuis passioni-

sonibus, & tibi met ipsi? fors infer-
nus, quem ceu terribilissimum tunc
exhorrebis, non est hodie idem ipse
infernus? O! cur ergo non agis
modò, quod tunc egisse voles, ut
illum effugias? si veritates istæ tunc
efficaces futuræ sunt, ut ad DEUM
te convertant, cur id non efficiunt
modò? Porro si verum est, uti est
verissimum, quòd DEUS sit semper
idem DEUS, postquam tamen, ita
vivis, & taliter agis, ut omnes ejus
perfectiones efficaces non sint ad te
in amorem ejus pertrahendum:
quomodo? ah! quomodo eam ef-
ficaciam habebunt in morte? in su-
premo illo annorum tuorum die,
quando ab omni passione liber fu-
turus es, & immunis à dolo appa-
rentiarum humanarum, quando re-
rum genuinos vultus inspecturus,
oculos ad lumen fidei aperies, ju-
dicabis nullum majoris momenti
negotium esse, quàm negotium tuæ
salutis: nunquid hoc est verissi-

num? Ità est, est verissimum. Habebis
persuasissimam hanc salutis tessè-
ram: quòd nihil profit homini, si
mundum universum lucretur, ani-
mæ verò suæ detrimentum patiatur.
Stultitias fuisse æstimabis, tantas il-
las sollicitudines, anxietates & in-
quietudines comparandis bonis ter-
renis à te impenlās. Ah! dices ad
te ipsum: quare, & ad quid tot an-
nos perdidisti? qualibus, quantisque
ineptiis permisi me deludi? tunc a-
nimò eris promptissimò, omnia
dandi, omnia sacrificandi, tentan-
di omnia. Nihil videbitur diffici-
le. Cur idipsum modò non dicis? cur
modò non es ejusdē judicii? ejusdem
fervoris? ejusdem promptitudinis?
cur non est hodie, sicut tunc erit, sa-
lus animæ tuum maximum & unicū
negotium? Non est æterna felicitas
hodie, sicut erit postea, bonum altius
omnibus bonis, quæ dare vel promit-
tere mundus potest? O! cur igitur
jam affectum nutris tam diversum;
cur

cur tam alios animos, in executioni dandis mediis, quibus bonum, bonis omnibus excellentius, consequaris?

IV. Considera: Si DEUS tibi sequenti mense concesserit vitam, certum esse, quod eam tibi præcisè concedat, ut spatium habeas de peccatis præteritis poenitentiam agendi, & merita tua adaugendi. Si beatus aliquis descenderet de celo, & damnatus ab inferis rediret in hunc mundum; quid non ageret electa illa anima pro reditu ad felicissimam patriam, cujus dulcedinem jam degustaverat? quid non faceret ille præcitus, nè denuo ruat in abyssum tormentorum? Ah! lector dilectissime, quid nobis agendum est? certè non debemus minùs agere, quàm unus & alter illorum; postquam nobis certò certius constat, quod vita nostra desitura sit in alterutram duarum istarum æternitatum. DEUS nobis adhuc breve hoc tempus indulget, ut merita
nostra

nostra accumulemus. O qualis gratia! quantum beneficium! Sancti in Cælo gaudent meritorum suorum præmio; sed merita sua non possunt augere, non possunt fieri sanctiores; quod tu potes: quantâ tu præ his gaudes prærogativâ, qui potes exercere novas virtutes, providere tibi de novis meritis, & acquirere jus possidendi altiore & altiore gradum gloriæ. Certum etiam est, quòd multi hominum sint adhuc hodie morituri, imò hæc ipsâ horâ ex hoc mundo excessuri. Quid si DEUS illis concederet adhuc annum, adhuc unum mensem vitæ; quanta non agerent? quanta cum sollicitudine se non applicarent ad pietatis singularissimæ exercitia? ad exercendas omnes virtutes Heroicas? *O si daretur hora!* putas: timerent respectus humanos? dicteria mundi? arduitate operis? fors haberent respectum contem-
nendi

nendi vel blandimenta deliciosa
vitæ, vel divitias domûs ad splen-
dorem ornata, vel jactantiarum
mundanarum vanitatem? Ah! co-
gitas, eissent tam prompti, tam ge-
nerosi, tam constantes in virtutis
exercitio, ut attonitus superet or-
bis: & tu habes adhuc aliquod me-
rendi spatium, & tam lentè pro-
grederis absque resolutione impen-
dendi illud DEO, animæ tuæ, Pa-
radiso? considera te igitur impo-
sterum, quasi hominem ex altera
vita reversum, cui DEUS adhuc
indulserit aliquod tempusculum af-
securandi, emendandi, & sancti-
ficandi animam suam. Respice te,
quasi resuscitatum à mortuis, & per
consequens ad hoc redivivum, ut
novam vitam inchoes, restaures
præteritam, perñcias præsentem,
& futuram. Ubi de æterna salute
agitur, nunquam agitur cum suffi-
ciente circumspèctione, sollicitudi-
ne,

ne, ac timore: Nulla satis magna securitas, ubi periclitatur aternitas. (a)

Finita meditatione recita hymnum, quem Sancta Mater Ecclesia legit in Missa Defunctorum; sed recita illum tardè & cum attentione ad singulos verborum sensus: aut hujus locò coram imagine crucifixi dic colloquium infra subnexum:

Dies ira dies illa
Solvat sæclum in favilla,
Teste David cum Sibylla.

Quantus tremor est futurus,
Quando judex est venturus,
Cuncta stricte discussurus?

Tuba mirum spargens sonum,
Per sepulchra regionum,
Coget omnes ante thronum.

Mors stupebit & natura,
Cum resurget creatura,
Judicanti responsura.

Liber

(a) S. Greger. Refer.

*Liber scriptus proferetur,
 In quo totum continetur,
 Unde mundus judicetur.
 Judex ergo cum sedebit,
 Quidquid latet apparebit,
 Nil inultum remanebit.
 Quid sum miser tunc dicturus?
 Quem patronum rogaturus?
 Cum vix justus sit securus.
 Rex tremenda Majestatis,
 Qui salvandos salvas gratis,
 Salva me fons pietatis.
 Recordare JESU pie,
 Quod sum causa tuæ viæ,
 Ne me perdas illa die.
 Quærens me sedisti lassus,
 Redemisti crucem passus,
 Tantis labor non sit cassus.
 Juste judex ultionis,
 Donum fac remissionis,
 Ante diem rationis.*

Ingemisco tanquam reus,
 Culpâ rubet vultus meus,
 Supplicanti parco DEUS.
 Qui Mariam absolvisti.
 Et latronem exaudisti,
 Mihi quoque spem dedisti.
 Preces mea non sunt dignæ,
 Sed tu bonus fac benignè,
 Nè perenni cremer igne.
 Inter oves locum presta,
 Et ab hædis me sequestra,
 Statuens in parte dextra.
 Confutatis maledictis
 Flammis acribus addictis,
 Voca me cum benedictis.
 Oro supplex & acclinis,
 Cor contritum quasi cinis,
 Gere curam mei finis.
 Lachrymosa dies illa,
 Quâ resurget ex favilla,
 Judicandus homo reus.

*Huic ergo parce DEUS,
Pie JESU Domine. Amen.*

Affectus ad JESUM Crucifixum.

O Mi Amabili sine Redemptor,
Respice ad pedes tuos humili-
simè abjectam creaturam, quæ to-
ties & tam graviter te offendit. Si
peccata mea intueor: audio exquisi-
tissimas voces, quæ ad tribunal tu-
um vindictam exposcunt. Grande
est meum demeritum! & hoc est,
cur timeam grande supplicium. Sed
cum oculos meos ad pietatem tu-
am reflecto, cum venia gratiam
spero. Mi chare DEUS: recorda-
re, quantos dolores mei causa per-
tuleris, quantum sanguinis amore
mei profuderis. Ah! noli admit-
tere, ut inutilia mihi evadant tan-
ta supplicia, à te benignissimè pro
me tolerata: noli, ah! noli admit-
tere, ut pretium suum in me perdat
tantus

tantus sanguis. Noli admittere, ut post
tam profusos sumptus, pro mei Re-
demptione factos, de novo perdar.
Si mea lacrymæ valent recuperare
tuam gratiam, fiat animô firmum,
nunquam fontem, unde proma-
nent fusillimè, claudendi: *Lavabo*
per singulas noctes lectum meum: lachry-
mis meis stratum meum rigabo. (a) plo-
rabo donec audiam dulcissima illa
verba: *Dominus quoque transiit pec-*
catum tuum. (b) Valetate itaque vani-
tates, valetate voluptates. abjicio vos,
non quòd vos reus sitis, sed quia e-
go per vos peccavi. Ille tandem
utatur vobis, qui nunquam DEUM
offendit: mihi, qui DEUM toties
offendi, pœnitentia convenit,
quam & toto corde amplector:
propono me ducturum novam vi-
tam, & assumpturum novos mo-
res. O mi DEUS! coram Majesta-
te tua protektor, qualiscunque diffi-
cultas concepto animi mei decreto
sc

(a) Ps. 6. v. 7. (b) 2. Reg. 12. v. 13.

se opposuerit , immobilis divinæ
legi tuæ adhærebo . nunquam di-
lecta semel virtutis castra relin-
quam. *Justificationem meam , quam*
capi tenere , non deseram. (a) Resigno
me totum in manus tuas , amore
mei cruci huic confixas. Hæc est,
hæc erit semper asyllum timoris
mei , & fortitudo spei meæ. Ni-
miùm quàm verum est , quòd pec-
cata mea , has plagas tuas aperue-
rint ; sed amor tuus in refugium
meum eas convertit. Scio ; quòd
delicta mea collimatura sint ad hoc
ultimum punctum , ut me coram
divino tribunali tuo terrore impu-
gnent ; sed spero , DEUS meus, spe-
ro me illa victurum invincibili scu-
to Sanctæ crucis tuæ. Et cur, Do-
mine , hæc vulnera , mei amore in
cruce suscepta , tecum gloriosus in
Cælum tulisti ? cur ? nisi ut quan-
tùm me amaris , & quantùm me
post omnia amare pergas , demon-
strares,

(a) Job. 27. v. 6.

strares? tam arctè igitur me in cruce complexum sisto tribunali tuo, confusus, quòd non dedignaberis indulgere, ut dolor meus emori faciat peccata mea, ubi Divina justitia voluit mori filium suum. Ah! Domine! fac, quod promissisti. Ego clamo; aperi mihi: ad te reverter; recipe me: ego quæro; da, ut, quod quæro inveniam. *Memor esto verbi tui, in quo mihi spem dedisti.* Spero me salvandum esse, postquam misericordia tua mihi media satisfaciendi pro culpis meis clementer indulgit. O quantum, erga me amorem testatus es, vitam tuam pro me dando! quomodo amori huic respondeam, nisi reciprocè offerendo meam? En dono tibi illam, & dono illam ex toto corde. Vivam deinceps in timore justitiæ tuæ, nè te amplius offendam; moriar cum spe misericordiæ tuæ, ut æternum te amem.

LECTIO

De Confessione.

VOLUIT DEUS de mediis infallibilibus provisum morbis animæ; noluit infirmitatibus corporis. Nec abs re: illi siquidem semper mali sunt; istæ non rarò sunt nobis remedium, & nostrum in emolumentum per patientiam convertuntur. Omnium animæ tuæ morborum certum & securum medium præbet Sacramentum poenitentiae, & ideo proxima, quam peragere statuisti, confessio, debet à te sic institui, acsi esset ultima, acsi post illam mox deberes comparere, coram divino tribunali. Et potest accidere, ut revera sit ultima, à qua dependeat, quomodo in morte à DEO judicaris. Ad tria autem reflectere oportet præcipuè: ad examen, dolorem, & propositum. Quantum ad examen, postquam semel fecisti confessionem generalem,

à tempore, quo capisti serid te applicare ad seruitium DEI, & curam animæ tuæ: si tunc quieto fuisti animo, noli amplius recogitare peccata, quæ tunc confessus es, præterquâ si tibi occurreret dubium, vel difficultas, vel scrupulus circa commissâ vel omisâ contra legem DEI, contra statum, officium, charitatem, aut misericordiam: ut sis securus in re tanti momenti, aperi totum confessario quam potes clarissimè ac sincerissimè, ut nihil amplius dicendum remaneat in morte, & sic quietabis animum tuum. Accusa te de peccatis venialibus, saltem secundum illorum speciem, si non secundum numerum singulorum, quia *Non intrabit in eam aliquod coinquatum* (4) confitere autem sine excusatione, & sine tui defensione. Longe aliter solent se accusare homines in mortis angustiis, quam in cæteris confessionibus: quia

(4) Apoc. 21. v. 27.

quia tunc temporis res non apparent vestitæ ac larvatæ popularium opinionum erroribus, sed malum & bonum proprio vultu & nativis coloribus se præbet aspectabile, & idcirco, cheu! quàm alia causant de se judicia. Insuper roga Confessarium, ut, si quid defectuosum in te cognoscat, aut quomodocunque à DEO requisitum circa statum vel officium tuum, circa tenorem vitæ præteritæ vel futuræ, non blandiatur tibi, sed apertè veritatem dicat, prout causâ tam gravis exposcit. Quod dolorem concernit sufficit quidem ad recuperationem gratiæ divinæ intrâ Sacramentum pœnitentiæ attritio, verumtamen enixè suadeo, ut coneris excitare voluntatem ad eliciendum actum perfectæ contritionis, idque pluribus ex causis: primò enim, cum contritio sit efficax dolor & detestatio peccati super omnia alia mala (& ideo: quia hoc est

E

con-

contrarium, & displicet infinitæ bonitati DEI) cum proposito non peccandi imposterum: non potest dolor & planctus noster motivo digniore inniti, quàm quòd offenderimus bonitatem divinam. Deinde si tenemur amare DEUM *super omnia*, tanquam summum bonum; sequitur bonum istud quoque amari debere summo amore, dum possidetur, & plangi summo dolore, cum est amissum. Est hoc Sancti Regis David consilium: *Confitemini Domino, quoniam bonus.* (a) *Confitemini*; sed scire si cupis quò veritatis tonò excitandum sit cor tuum ad defendas animæ noxas? audi: *quoniam bonus.* En quale tuarum lacrymarum motivum esse debeat. Bonitas, Patientia, & Misericordia DEI injuriâ affecta & offensa: ità suasit Rex pœnitens, & quod suasit exemplò docuit, ad Nathan Prophetam dicens: *Peccavi Domino*

mino (a) & psalmo 50. DEUM allo-
quens : *tibi soli peccavi* (b) quantum-
cunque peccârit contra Bersabeam,
cui scandalo fuerat : contra Uriam,
cui vitam iniquè eripuerat : contra
animam suam , cui damnum tam
grave intulerat : in sola tamen DEI
offensa pœnitentem oculum defi-
xit. Et quomodo Jeremias exhor-
tatur Jerusalemem , quæ animæ pœ-
nitentis figura est , ad lacrymas su-
per peccata sua , fundendas ? eô mo-
dô , quô post ingentem imbrem
procurrit torrens : *Deduc quasi tor-
rentem lacrymas* (c) cur non permo-
dum rivi cuius cursus non deficit
unquam ? Non ; *quasi torrentem* : quia
aquæ torrentis , præter velocissi-
mum decursum , & masculum quen-
dam vigorem , sunt totæ caelestes ,
ut terræ nec cursum suum , nec o-
riginem debeant. En mysterium :
ut persuasum haberemus , quod

E 2

prin-

(a) 2. Reg. 12. v. 13. (b) *ibid.* v. 6.

(d) Threnor. 2. v. 18.

principale doloris nostri motivum
 esse non debeat, nisi caeleste, sum-
 mum & divinum. Deinde cum
 actus contritionis sit longè perfe-
 ctior, quàm actus attritionis, con-
 sequenter magis meritorius, & effi-
 caciior ad devinciendam Majesta-
 rem divinam: Sacramentum pœni-
 tentiæ multò majorem gratiam con-
 fert illi, qui contritus, quàm qui
 præcisè attritus illud accedit. Quò
 intensior autem & perfectior est
 dolor, eò abundantiozem gratiam
 meretur pœnitenti; & quia gratiæ
 in terris possessæ gradibus, respon-
 det gloriæ thesaurus in calis, ideo
 per contritionem multum augebis
 æternam beatitudinem tuam. Præ-
 terea, sicut contritio, mox ut eli-
 cita est, omnia peccata mortalia ex-
 cludit: ita in casu, quo ex defectu
 alterius requisiti Sacramentum tibi
 esset invalidè collatum, peccata tua
 virtute actus hujus tibi nihilomi-
 nus adhuc manerent remissa, con-
 sequen-

fequenter per contritionem sis securior gratiæ divinæ , æternæque salutis. Tandem potest elici contritio tam intensa , ut deleat etiam omnem reatum pœnæ , adeò , ut hodie adhuc moriens possis subito evolare ad possidendum summum bonum , & immortalem felicitatem.

Nec terrearis apparente actûs hujus difficultate , non enim adeò , ut putas arduum est , eundem elicere. Salutis humanæ hostis , ut Sani consteantur rariis , & infirmi absque satisfactione pro peccatis moriantur ; utrisque persuadere conatur , actum contritionis esse perdifficilem : sed hæc mera dæmonis illusio est , siquidem in lege naturæ , & in lege scripta unicum & ad salutem absolutè necessarium peccati mortalis remedium fuerat , actus charitatis , & contritionis perfectæ : non poterat ergo adeò arduum esse redire in gratiam DEI , ad quod

tam sæpe, & tam nervosè DEUS
 peccatores tunc invitaverat per
 Prophetas. Difficultatis hujus ti-
 mor fovetur æquivoca saluberrimi
 actus apprehensione, quæ passim
 multos decipit, quòd nimirum Con-
 tritio perfecta consistat in sensibili
 dolore de peccatis, in profunda
 quadam tristitia, & amarissimo
 planctu: sed opinio hæc falsa est;
 non spectat enim contritio ad par-
 tem sensitivam hominis, sed ad ra-
 tionalem, quia est actus voluntatis,
 quæ est potentia spiritalis, est a-
 ctus liber, meritorius, & superna-
 turalis. Hinc errat, qui putat, ve-
 ram se non elicere contritionem,
 si hæc sensibilis non sit, quamvis
 in animo elicita sit, quin è contra
 sensibilitas illa nec est de substantia
 contritionis, nec de se est supernatu-
 ralis, nec meritoria. Nónne enim
 sanctissimi quique ex toto corde,
 & super omnia DEUM amârunt,
 quin compunctionem in appetitu
 sensi-

sensitivo perciperent? Animæ purgatorii detestantur peccata sua ex toto corde, amant DEUM ex omnibus viribus suis; & tamen sensu omni carent. Animæ beatæ in cælis DEUM amant cum excellentia perfectionis; nec tamen sensum habent, utpote à corporibus suis separatæ. Non abnuo tamen, quòd, quando contritio in parte superiori animæ magna est, percipiatur etiam in parte inferiori, & commotio animi redundet simul in sensum resolvendo cor in profunda suspiria, frequentes gemitus, dulces lacrymas: eò ferè modò, quò accidit in palatio, quando in suprema illius contignatione excitatur modicus strepitus, is non auditur in infima; ast si strepitus major sit, & multum sonorus, se transfundit, & communicat ut audiatur usque ad imum ædificii.

Contritio cujuscunque gradûs sit, est contritio: sic infirmus aut Convalescens, tam bene homo di-



citur ac sanus & robustus; tam bene humanam naturam habet infans in fasciis, ac Samson resistens Philistæis: alia nimirum est substantia virtutis, alia quantitas & qualitas ejus. *Quid & quantum* inter se differentia sunt. Substantia contritionis sanctificantis non consistit in gradibus intensiōis, & fervoris, quales quidem optimi sunt, optabiles, & ad quos debemus connitari: non sunt tamen necessarii: sed sita est in amore appetiatiuo, qui ut talis, in quantum nempe est DEI summè boni super omnia cætera bona æstimativus, non potest esse major, nec minor: sufficit amare DEUM super omnia alia propter seipsum, & propter suum intrinsicum meritum, ac dolere de peccatis super omnia alia mala. Et in hac ratione contritio æqualis est in omnibus, qui eam eliciunt: ideo S. Thomas ubi quærit: *An parva contritio sufficiat ad deletionem magno-*

rum peccatorum? (a) Respondet affirmative: quia conjungitur cum gratia sanctificante. Et alibi dicit: *Contritio quantumcunque parva, omnem culpam delet* (b) dicit: *parva*, ut eam contradistingueret à magna, nempe ab intensissima. Idem docet Albertus magnus: *Minima contritio omnes animæ maculas delet, mortem æternam occidit.* (c) Atque hoc, quia contritio, cujuscunque gradus sit, habet naturam & proprietates contritionis, est sanctificativa, & DEIFICATIVA. Quàm primùm contritio DEO aperit cor hominis, intrat in illud gratia, cujus minimus quisque gradus sufficit, ad excludenda omnia peccata gravia, & ad introducendam amicitiam Divinam cum jure ad æternam gloriam.

Desiderabis fors medium modumque, quò disponaris ad actum tam magni momenti eliciendum?

E s quam-

(a) *Suppl. ad 3. qu. 5. art. 3.* (b) *D. 1. d. 1. 4. q. 2. art. 1.* (c) *in Paradiso animæ*

quamvis enim dolor de peccatis sit donum DEI, debemus nihilominus adiri, ut illum aptis considerationibus procuremus. Cur in paucis reperire sit veram cordis contritionem, nasci videtur ex eo, quod in paucis reperiatur, mens, ut par est, illuminata, *nihil enim volitum quin præcognitum.* Plangit Mater amaris lacrymis filioli mortem, quia novit jacturam quam fecit; Non dolet infans in morte patris sui, quia per ætatem capax non est infaustum sibi casum cognoscendi. Quamobrem habes pro quo DEO ferventissimis precibus supplices, ut nimirum dignetur emollire cor tuum, & concedere gratiam eliciendi actum veræ contritionis, intellectui tuo manifestando gravitatem injuriæ, quâ offendisti tuam divinam Majestatem.

David, qui eam bene cognovit, qualiter & quantum non fleuit?

exitus

exitus aquarum deduxerunt oculi mei. (a)
 Gemini lacrymarum rivi ab oculis
 per vultum ejus incessanter decur-
 rebant. Dic cum S. Augustino ad
 Dominum: *Da quod jubes, & jube quod*
vis. Postea (cùm tota contritionis
 efficacia consistat in amore DEI
 propter seipsum, & in odio pecca-
 ti, quia est offensã DEI) ad cor tu-
 um meliùs disponendum, necessa-
 riò tibi providendum esse censui de
 nonnullis motivis valituris ad ju-
 stam Ideam de divinitate forman-
 dam. Proinde pondera

I. Quis sit ille, quem offendisti.
 Est objectum, quod quantò plures
 perfectiones habet, tantò plura
 motiva continet, ex quibus ame-
 tur. Credis, quòd DEUS sit me-
 rum esse infinitarum perfectionum,
 in quo unitæ colligantur omnes
 perfectiones per res creatas disper-
 sã, & unaqualibet insuper cum E-
 minentia quadam infinita. Et hic
 E 6 est

(a) Ps. 113. v. 136.

est ille , quem toties , tot annis , cum tanta audacia , cum tanto contemptu , & cum tanta facilitate , ac promptitudine offendisti. Sicut non est possibile imaginari sibi rem maiorem , quàm DEUM ; ita non est possibile concipere injuriam iniquiorem , quàm quæ DEO fit peccando. Et tu , O ! quoties hanc injuriam renovasti relinquendo sumum bonum , & dorsum illi obvertendo , amore modici illius boni , quod te reperturum sperabas in re creata ? eheu ! quàm calidis lacrymis deslenda est tam gravis offensa , & tanti boni jactura.

2. Illud ipsum esse DEI infinitè perfectum , est unicum in natura divina , consequenter peccando directè contra DEI unitatem deliquisti , quia tot idola in corde tuo erexisti , quot creaturas contra divinitatem ejus voluntatem amasti , & hoc ipso in illis ultimum finem tibi constituisti ; sciens enim prohibitionē divinam , & nihilominus peccans , idem egisti ,

egisti, ac si dixisses: plus amo, plus
estimo hanc commoditatē, hanc vo-
luptatem, quàm DEUM: Ille quidem
mandat, ut ab illa abstineam, sed quid
indē, non curo mandatum, volo con-
cupiscentiæ meæ satisfacere. En quo-
usq; excessus injuriæ tuæ deveniat!
quid ad hæc, dicis? nunquid fuisti
cæcus? O quantum impegisti! quan-
tum errasti! quàm stultus fuisti!

3. DEUS est infinita sapientia.
Clariſsimè videt, ac cognoscit om-
nia, quantumcunque secreta sint &
abscondita: dum tu peccabas, ille
stabat considerando te, & præſens
tibi aderat: immensus enim est.
Quis amabò auderet unquam legem
humanam transgredi, in conspectu
Principis aut judicis? quisque cona-
tur delictum suum abscondere ab
oculis hominum, etiam vilissimo-
rum, ideo quærentur latibula, quæ-
runtur tenebræ, dum peccatur.
Et tu, qui scivisti, quòd DEUS ti-
bi præſens adesset, teque intueretur,

tur, nihilominus te resolvisti ad illum offendendum in facie sua: tam parum curasti DEUM. O ingentem malitiæ tuæ excessum!

4. DEUS singulis momentis impendit suam omnipotentiam, ut te conservet, ac daret mille bonis; Si enim te vel ad momentum desereret, ocyus in nihilum recideres: Et tamen cum te actualiter, & continuo conservaret, ac beneficeret tibi, rebellis fuisti divinæ Majestati ejus, ut eam injuriis afficeres. Dum suo actuali concursu te adjuvaret, ut audires, videres, loquereris, ambulares; tu hos eosdem sensus impendisti in ejus offensam: quid videtur tibi de hac ingratitude?

5. Pondera supremam DEI providentiam. Adie, quô te creavit, cogitationes suas ad te reflexit, providit tibi de victu, vestitu, habitatione, recreatione, honoribus, & facultatibus; & tu quomodo respondisti? injuriis millies repetitis.
libera-

Liberavit te ab innumeris periculis,
inimicitatibus, infamiis, calumniis
& variis afflictionibus; quid tu red-
didisti? offendisti illum eò liberius,
quò major felicitas ac prosperitas
tibi fuit concessa. Tu foves cani-
culum, qui te sequitur fideliter; a-
mas servum, qui tibi est ab obsequi-
is; amicum, qui te solatur in labore
aliquo; protectorem, qui tibi assistit in
aliqua causà; benefactorem, qui tibi
succurrit in necessitate: Et DEUM,
qui à mille malis te defendit, mille
bonis te accumulavit vah! quomodo
tractasti? ut inimicum, tot injurias illi
irrogando, quot culpas admittendo.
En pretium, quod illi reddidisti.

6. Pondera divinum erga te a-
morem: ab æterno recordatus est
tui, & amavit te: sine omni merito
tuo, solo bonitatis suæ impulsu ex-
traxit te ex nihilo: cùm videret in-
numeros alios homines, quos crea-
re posset; in te oculos conjecit:
quantus amor! nec satis, etiam post-
quam

quam illum offendisti, non desit te amare, continuavit suam circa te providentiam, & sua beneficia non abrupit; & tu per tot vitæ annos fors nunquam erga illum verum actum amoris exhibuisti; imò fors nec dies effluxit, quò illum non offendisses aliquo peccato. Non est ergo nunc adhuc tempus delendi tua delicta?

7. DEUS est infinitè justus, & infinitè misericors, spectatque ad justitiam ejus uti præmiare justos, ita punire peccatores. Hujus impulsu Angelos post unicum peccatum condemnavit ad infernum; & innumeri homines in primo peccato à morte obruti patiuntur inextinguibiles inferni flammæ, patienturque tamdiu, quamdiu DEUS erit DEUS. O quot, quantisque vocibus iniquitates tuæ clamarunt & forsàn clamant hodie, ad tribunal offensæ justitiæ divinæ pro vindicta? quid eam videtur retinuisse,

nuisse, retineréque à promerita sententia post primum peccatum tuum, vel saltém post secundum, vel post tertium? quid? quòd non incideris cum illis in horrendam perennium tormentorum abyssum? etiam tu hoc momento ardere deberes inter averni incendia: quis brachium omnipotentiae divinae ligavit, quis cohibuit, nè commeritum damnationis fulmen irrevocabili decretò in te vibraret? cuius advocatus pro te intercessit? sola & mera bonitas sua. Omnipotens DEI charitas est, quae *continuit in ira sua misericordias suas.* (a) O bonitas! O Misericordia! Et adhuc hanc veritatem maturè considerando non sentias te accendi amore, & affectu ardentissimo ferri erga tam benignam, tam misericordem DEI bonitatem? Adhuc non detesteris cum summa abominatione indignissimas illas actiones, quibus vilipendisti Majestatem infinite

(a) Ps. 67. v. 10.


nitè amabilem? quid æquius, atque
ut dicas: *Nisi quia Dominus adjuvit me,*
paulò minus habitasset in inferno anima
mea. (a)

8. Reflecte oculos tuos ad Chri-
stum crucifixum; & discè quan-
tum malum sit peccatum, pro quo
ut satisfaceret filius DEI, homo fa-
ctus est: Ille suscepit in se debi-
tum iniquitatũ tuarum, ut de iis do-
leret tanto doloris sensũ, cui æqua-
lis nunquam fuit, nec futurus est in
hac vita: & post tam exquisiti amo-
ris excessum tu de novo illum of-
fendisti, & vulnera pro te amanter
perlata renovasti, *rursus crucifigentes*
Filium DEI. (b)

Quantum postea propositum e-
mendationis attinet, hoc tribus
qualitatibus conjunctum esse oportet,
debet *efficax* esse, *absolutum*, & *u-*
niversale. debet esse *efficax*, quia dum
Confessario candidè aperis animæ
tuæ vulnera, debes te exhibere
promptum

(a) Ps. 93. v. 17. (b) Hebr. 6. v. 6.

promptum ad suscipienda remedia,
quibus ea consanes, & in futurum
ab iis præserveris; *promptum* ad exe-
cutioni dandum quidquid præscri-
pserit, ut à vitiis præsteris immunis,
tentationibus fortius resistas, passi-
ones injectò frangò coërceas. De-
bet esse *absolutum*, absque conditio-
ne, & limite restringente, quale de-
finivit Sacra Synodus Tridentina,
ut nempe sit impossibile *cum om-
ni voluntate peccandi*. Debet esse
universale tum quoad tempus, cum
quoad species peccatorum. Mul-
ta quidem difficultates prima fron-
te se oggerent, ut propositum tuum
infringant; sed bene animadvertas,
quòd tuum fictum *non possum*, linguà
prætensum, cognoscetur ab illo,
qui ad ipsum animæ tuæ fundum
penetrat, revera nihil aliud esse,
quàm in corde tuo latens *non volo*.



Actus Contritionis.

O DEUS meus, peccavi in te, offendi te, non semel; sed milles & milles. Offendi divinas perfectiones tuas: bonitatem tuam, quam amare debebam; justitiam tuam, quam timere debebam; summam excellentiam tuam, quam debebam adorare: & eò usque audax & ingratus fui, ut leges tuas transgrederer in conspectu & præsentia tua.

Easdem potentias, & auxilia gratiæ eadem, quæ mihi donasti, ut iis uterer in tuam obsequium, ego in arma converti, quibus te offenderem. Et cur? O confusio! ut abominabilis Sclavus creaturæ alicujus, imò diaboli mancipium fierem.

Tu me amasti, à quo DEUS es; & ego te offendi, à quo habeo usum rationis. O DEUS! & quomodo vivere potui, quomodo subsistere in statu adeò deplorabili? quomodo tam cæcus fui, quomodo
tam

tam durus, ut tantum malum non viderem, non sentirem? Quomodo mi DEUS, postquam aternis incendiis tot alios peccatores, me longè minores, punivisti, quomodo me usque in hanc horam ferre potuisti? Ah! confundor obstinatione mea, admiror patientiam tuam, gratias ago bonitati tuæ.

Ah doleo, compungorque in anima mea vivacissimo doloris sensu, quòd te unquam offenderim. Utinam! ah utinam nunquam peccasssem! beatus ille, millièsque beatus, qui nunquam DEUM offendit. O quantum, quantum illi hanc invideo felicitatem! Eheu! displicet, & nimium quàm displicet, injurium in te extitisse; quia DEUS meus es, quem amo super omne aliud bonum. Deploro peccata mea, quia sunt tui offensiva, & detestor illa super omnia mala. Ah utinam possem concipere infinitum dolorem! toto animo illum conciperem, quia infiniti

ti sunt tituli, quibus ad illum desiderandum obstringor.

Amabilissime JESU, dilectissime Redemptor, ego te tortoribus tuis tradidi, ego te crucifixi. Non audeo ad te levare oculos meos; siquidem in cruce tua lego processum meorum scelerum. Scio peccârunt Ninivita, peccavit David, peccavit Magdalena, peccavit Petrus; & quia reverterunt errores suos, eos illis remisisti: at ego plûs omnibus his reus sum, quia diutius quàm illi, & gravius longè peccavi offendendo te, postquam in passione tua tantùm me amâsti, atque ideo non mereor pietatem tuam, non mereor offensarum remissionem. sed tamen meretur illam sanguis tuus, meretur crux tua, expolcit illam misericordia tua. Peto igitur toto corde veniam, & supplex eam expeto, non solùm ob meam utilitatem, sed ob majus tuæ gloriæ incrementum, ut Misericordia tua luceat

lucescat & cognoscatur amplius, & exinde amplius glorificeris. Descendisti è calis ad terram, ut conversareris cum Publicanis & peccatoribus. *Non veni vocare justos, sed peccatores* (a) en, habes ad pedes tuos abjectum ingentem peccatorem, *iniquitates meæ supergressæ sunt caput meum* (b) Domine salva me, ostende in me pietatis tuæ excessum: *Tuus sum ego: salvum me fac.* (c) Desidero, ut palam fiat, adeò te bonum esse, ut neminem deferas. Recipe hanc perditam oviculam; filium prodigum in Paternum amplexum admitte. O! utinam audire possim cum Magdalena: *Remittuntur tibi peccata. vade in pace.* (d)

Scio mi DEUS, quòd infernum promeritus sim: quia verò Misericordia tua, me liberavit tanto à periculo, tolerando me usque in hanc diem pœnitudinis meæ, non desidero

(a) Matt. 9. v. 13. (b) Ps. 37. v. 5. (c) Ps. 118. v. 94. (d) Luc. 7. v. 48. & 50.

dero deinceps vivere, nisi ut plangam peccatum meum, non tam quòd tanta mala per illud sim commertus, quàm quòd Tu illud tanto amore sustinueris, & propter Misericordiam tuam, quæ mihi spem facit veniam consequendi.

Facio firmissimum propositum cum gratia tua nunquam amplius peccandi, & ab hoc momento fugiendi omnes peccandi occasiones, præcipuè illas, quæ me vel induxerunt, vel faciliè inducere possunt ad te offendendum. Propono, quæ mea plenissima resolutio est, omnia potius amittere, quàm ut te perdam, qui infinitè bonus, & omne bonum es. Cupio pariter divinæ justitiæ tuæ pro quovis peccatorum meorum satisfacere, & ideo me promptissimè offero ad tolerandas omnes pœnas, quas meretur peccator, qualis ego sum: *Ecce ego in flagella paratus sum.* (4)

De

De Sacra Communione

§. VIII.

HOc tempore matutino susci-
pies Sanctissimum Altaris Sa-
cramentum instar viatici ad felici-
ter agendum grande illud iter ex
terris ad cælum. Proinde imaginare
tibi, quòd Angelus Custos tuus tibi
dicat, quod Prophetæ Eliæ Ange-
lus à DEO missus dixit: *surge, com-
ede; grandis enim tibi restat via.* (a) Co-
neris itaque pro viribus sanctissi-
mam hanc communionem perage-
re, ac si foret ultima. Recollige te
internè, & considera sequentia pun-
cta.

I. Quis ad te veniat? Christus
DEUS, & Homo, infinita sapientia,
infinita potentia, infinita bonitas,
tuus Creator, Redemptor tuus, &
tuus iudex, &c.

II. Ad quem veniat? ad te crea-
turam tam vilem in ordine naturæ,

F

quia

(a) 3. Reg. 19. v. 7.

quia nihil fuisti, & nunc es vas luteum, & immundum; ad te abominabilem in ordine gratiæ, quia toties cor tuum per peccata redditum est magis horridum, quàm esse possit spelunca serpentum.

III. Quare veniat? tanquam Dominus, ut te gubernet; tanquam Magister, ut te doceat: venit, non ut emolumentum aliquod ipse habeat; sed amore tui, & desiderio salvandi animam tuam: venit, ut quietem adferat conscientiæ tuæ, ut animeris ad confugiendum à DEO irato ad DEUM tibi placatum, & reconciliatum. Venit, ut te roborret contra insultus hostium infernalium, ut possis dicere: *Si ambulavero in medio umbræ mortis, non timebo mala: quoniam tu metum es.* (a) Venit ad dandum tibi certum æternæ felicitatis pignus. Ità docet Sanctus Thomas: *Futurae gloriæ nobis pignus datur.* Promisit enim Christus, qui
man-

(a) Ps. 22. v. 4

manducat hunc panem, vivet in æternum.

(a) Et in fidem, ac testimonium promissionis suæ, seipsum nobis in pignus reliquit. O quàm igitur opportunum tempus est hoc pactum consummandi, & securum reddendi grande negotium tuæ salutis! Ille ipse, qui post paulum te judicaturus est : Ille ipse, à quo dependet sententia æternæ felicitatis, vel æternæ infelicitatis ; ille, ille venit in domum tuam & intrat in pectus tuum. Ah non sinas igitur effugere hanc pretiosam occasionem eum tibi demerendi: accede cum magna fiducia ad illum suscipiendum, & ubi postea mors te stiterit ad ejus tribunal, exhibebis pignus tibi relictum, dum ipse veniret ad te. Non habes, quod tunc timeas, quia non poteris excludi à regno æternæ beatitudinis.

F 2

Post

(a) *Joan. 6. v. 59.*

Post Sacram Communionem.

INvita omnes creaturas, ad gratias DEO agendas pro beneficio tibi exhibito, & recita canticum: *Benedicite omnia opera Domini Domino &c.* (a) Invita omnes potentias animæ tuæ sapius repetendo: *Benedic anima mea Domino, & omnia, quæ intra me sunt, nomini sancto ejus.* (b)

Actus Doloris.

Dominus meus, Redemptor meus, & Judex meus te hîc præsentem profundissima humilitate adoro, totôque corde à te veniam peccatorum meorum efflagito, quæ in hanc usq; diem comisi contra Divinam Majestatem tuam, contra proximum meum, & contra meipsum; cogitationibus, verbis, operibus, omissionibus, & præprimis quòd
toties

(a) Dan. 3. v. 57. (b) Ps. 102, v. 1.

toties abusus fuerim Sanctissimò
 Eucharistiæ Sacramentò , acceden-
 do tam sæpe ad illud suscipiendum
 sinè debita reverentia , sinè præpa-
 ratione , non sat perpurgato corde,
 & non, ut par est, virtutibus ornatò
 animò. Deploro hæc omnia, dete-
 ctor, & retracto hic in tua præsen-
 tia, deponòque omnem omnino
 vel minimum affectum erga delicta
 mea. Doleo, non jam timore mor-
 tis, quæ mihi appropinquat, nec
 metu pœnarum, quæ me post mor-
 tem manent; sed solum, & unicè,
 quia ego vilissima, & ingratiissima
 creatura te DEUM meum infinitè
 bonum, infinitè amabilem, infinitè
 adorabilem offendi. Si dignaris
 mihi favere adhuc aliquod vitæ spa-
 tium, conabor pro viribus culpas
 præteritas compensare debitis pœ-
 nitentiis, & justitiæ tuæ per novam
 vitam impofterum satisfacere. Sup-
 plico, tibi quantum scio, & valeo, per
 merita pretiosissimi Sanguinis tui.

per dolores amarissimæ passionis
 tuæ , per zelum animarum, qui te
 movit , ut è cælo descenderes in
 hanc terram , quam, ceu domum
 Zachæi, intrando sanctificasti di-
 cens: *Hodie salus domui huic facta est* ,
 (a) Similiter dum hoc matutino
 tempore dignatus es divertere in
 hospitio animæ, ac corporis mei,
 concede mihi liberalem peccatorum
 meorum veniam, & me tua gratia
 sanctificante reple, méque tibi tam
 gratum effice, ut merear post mor-
 tem meam in te benignum habere
 judicem : quòd si verò in me tan-
 tum dolorem , quantum meorum
 scelerum enormitas exigit , non
 comperias ; te supplex obtestor, ap-
 plica mihi meritum doloris & hor-
 roris illius , quo tu ipse in horto
 Gethsemani peccata omnia es dete-
 ctatus. Peto à te humillimè vel u-
 nicam sanguinis tui guttulam , quâ
 omnes animæ meæ nexos eluam,
 &

& unicam de tuis lacrymis, ut eâ defectum mearum supplere valeam.

Actus Oblationis.

BEne video, mi DEUS, majora esse beneficia tua, quàm ut miscella creatura, qualis ego sum, ea sufficienter cognoscat; sed quia novi te contentum esse quovis, ut exili dono, si modò corde synce-
ro detur, in recognitionem beneficii, mihi in sanctissimo corporis tui Sacramento hodie, & toties per vitam meam benignissimè collati, offero tibi animam meam cum omnibus potentiis suis, & corpus cum omnibus sensibus. Quia verò me totum, quantus quantus sum, habeo à liberali dextera tua, & cum jam advenerit tempus idipsum tibi restituendi, quod concessisti; en, offero me tibi totum quantum, & nimium quàm lubenter reddo, cum protestatione, quòd tu sis muneris

hujus verus & absolutus Dominus.
 Offero tibi omnes facultates meas,
 omnes voluptates, conversationes,
 commoditates, amicitias, occupa-
 tiones, negotia, & omnes spes me-
 as, sincerissimo affectu me uni-
 versis privando, non alium ob fi-
 nem, quàm ut tibi placeam. Of-
 fero tibi pretiosissima merita, &
 preces efficacissimas Domini nostri
 JESU Christi, Beatissimæ Virginis,
 Sanctorum Angelorum, Sancto-
 rum Patronorum meorum, totius-
 que Ecclesiæ triumphantis.

Offero tibi omnia bona opera,
 quæ hucusque in Ecclesiâ militante
 facta sunt, & deinceps fient, quo-
 rum omnium cupio esse particeps,
 tanquam membrum hujus sancti
 corporis: & tandem unio has ob-
 lationes meas cum iis, quas JESUS,
 & Maria tibi fecerunt, dum per
 mortem suam sanctissimam ex hac
 vita migrarent.

Actus Petitionis.

Domine, cūm me invisere dignatus sis, nè non utar occasione tam favorabili, peto à te gratiam illam, quam scis mihi maximè necessariam: obsecro amorem tuum da mihi, & postquam vitæ meæ termino propinquū me video, obtestor te, nè deseras me. Non Domine, ah non recede à me. Semper conserva in anima mea lumen vivæ fidei, spei, & charitatis, defende me ab insultibus hostis infernalis, qui omnem conatū suum in me exeret: *Sciens, quia modicum tempus habet.* (a) Quando spiritum meum vires deficient, ah Domine tunc non derelinquas me! *Illumina oculos meos, nè unquam obdormiam in morte: nè quando dicat inimicus meus: prevalui adversus eum.* (b) Sicut dum nascerer mandasti bono Angelo, quem meam in custodiam destinaveras, ut

F 5

mihi

(a) Apoc. 12. v. 12. (b) Ps. 12. v. 4. & 5.

mihi assisteret in omnibus periculis;
itā eidem commendare digneris, ut
me protegat in periculorum maxi-
mo, quod mors est. Desidero vi-
tam meam finire inter brachia tua,
& in tuo Sancto amore; quam ob
causam ad te recurro, nihil enim
sinē te possum: à te id expeto, &
propter te, ut gaudeam felicissima
forte videndi te, amandi te, & be-
nedicendi te per totam æternita-
tem.

VERSUS.

*Anima Christi sanctifica me,
Corpus Christi salva me,
Sanguis Christi inebria me,
Aqua lateris Christi lava me,
Passio Christi conforta me.
O bone JESU exaudi me,
Intra vulnera tua absconde me,
Nè permittas me separari à te,
Ab hoste maligno defende me,
In hora mortis mee voca me,*

Et

*Et jube me venire ad te,
Ut cum Sanctis tuis laudem te
in sacula seculorum. Amen.*

MEDITATIO II.

*De Resignatione sui ad
Mortem*

§. IX.

PUNCTUM I.

CONsidera vitæ, quam deseris,
brevitatem in comparatio-
ne æternitatis, ad quam te accingis.
Vixisti fors hucusque viginti, tri-
ginta, aut quadraginta annis? &
forsan pluribus. O! quàm citò
transierunt! nunquid videntur tibi
evanuisse, instar fumi, umbræ, ful-
guris? quid jam tibi restat ex tot
voluptatibus, honoribus, & deliciis,
queis fruitus es per temporis hujus
decursum? quid tibi ex illis super-
est? nihil omnino, præter remor-

sum conscientia. Jam ad illos tuos viginti, triginta, quadraginta annos, adijce totidem alios: quàm citò adhuc & isti transibunt? & quando ad terminum eorum pervenies, quid remanebit ex istis? idem, nec amplius, ac quod nunc remanet ex præteritis illis. Mors tibi januam referat, per quam ingrediaris ad novam vitam, vitam, quæ finem nescit, terminum non admittit. Quid refert hic relinquere viginti, aut triginta annos, quos dubia spes vitæ mortalis offert, si ibi ingrederis ad possessionem annorum æternorum?

II. Considera quàm laboriosa sit hæc vita: diutius vivendo, fortassis subjectus eris finistris fortunæ casibus, persecutionibus, infirmitatibus, disgustibus, infamiis, prodictionibus, infirmitatibus, aliisque tam arduis calamitatibus, ut mortem invocaturus sis, quæ exitum ex illis referet. *Homo natus de muliere brevi vivens tempore, repletur multis*

tis miseriis. (a) Reflecte paulisper mentis oculum in orbem universum: quot non labores, quot non disgustus & dolores, quot non infirmitates, quot non sinistros casus, quot non displicentias & amarores ubique, & in domibus omnium reperies. Si diutius vixeris, quis te securum præstat, quòd non jam hæc, jam illa infelicitas te obruet? habesne privilegium, quòd unus tu præ aliis ab hac sorte eximaris? Moreris: ergo non gemes amplius in terræ hujus exilio, non eris amplius expolitus inimicis, melancholicis, intortuniis, morbis, & mille aliis miseriis.

III. Considera, quàm periculosa sit hæc vita: Subduceris moriendo tantis periculis quæ impugnant, & alterant virtutem. Inimici salutis tuæ sunt multi, & sunt potentes; vires è contra tuæ debiles sunt: absque singulari gratia DEI non poteris

(a) *Job. 14. v. 1.*

ris eos superare. Mors una est, quæ victoriis vitæ tuæ præbet securitatem. Quamdiu vivimus, versamur in periculo, quæ lucrati sumus, perdendi. Fors diebus singulis DEUM offendis, & vivendo diutius potes illum offendere gravius. Quot non virtuosissimi quique, ferventissimi & prudentissimi, qui videbantur esse immobiles quædam virtutum columnæ, post multos annos piæ, ædificativæ, sanctæque vitæ in enormia peccata fuerunt prolapsi? Quot non Religiosi, post Eximia vitæ ad instituti sui amissim conformata exempla, eò usque intepuerunt, ut apostataverint, ac æternum damnati fuerint? Ah! crede, quòd naturæ tuæ nihil sit tam facile, ac mutari, & quidem mutari in deterius; corrupta enim, ut est, ab originali peccato, pronior est ad malum, quàm ad bonum: & nunquid hoc ipsum in te expertus es? quid dicis? ène hodie melior, quàm fueris annis

nis retrolapsis; an verò ècontra es deterior? Et si hoc verum est, an non deberes gaudere, quòd egrediaris ex hoc mundo, & vel sic securus reddaris de non offendendo, nec perdendo deinceps DEO? soles te: deinceps tibi non erit pugnandum, nec intrà nec extra te: eris immunis à tempestatibus, quas tam frequentes, tam importunas, tam periculosas tota die in fundo cordis tui concitant passionēs tuæ. Ah! qui verè DEUM amat, non desiderat longas moras trahere in statu tot casibus subiecto, à quibus, ut se præservet, ingenti violentia opus est.

IV. Considera, quòd mors tibi non debeat ideo accidere difficilior; quia te adactum vides ad deferendam familiam tuam adhuc immaturam; filios vel nepotes adhuc pueros, quibus de competentibus mediis, nondum ad votum provide-
ris; filias adhuc innuptas, & fors
tam

tam has, quàm illos destitutos ful-
 crô amicorum, qui eorum causas
 tueantur; aut absque cognatis, qui
 humeros suos oneri ipsis impenden-
 ti supponant: fors orbos patrimo-
 niô, quô vitæ suæ subsidia parent?
 Certus esto, ubi ad paradisum per-
 veneris, quod sperare audes ac de-
 bes, si modò ad hoc te, ut par est,
 compares; ibi meliorem successum, &
 plus auxilii tuis impetrabis à DEO,
 quàm vivens in terra per labores, &
 industrias tuas valueris lucrari. Per-
 suadeas tibi velim, & quidem fir-
 missimè, quòd tu filiorum tuo-
 rum tam bene Pater non sis, quem-
 admodum DEUS est, qui paternam
 providentiam erga omnes & singu-
 los exercet. Quamvis filios tuos,
 aliòsque charos deseras, nè cogites,
 quòd DEUS illos deserat. Ille non
 deseret, confide in illo plus, quam
 in temetipsò. Ille scit necessitates
 omnium, & potest providere singu-
 lis, quare plus in emolumentum
 eorum

eorum facturum spera, quàm tu scias, possis, aut velles facere. Non æstimabis te, spero, magis domui tuæ, aut muneri cuicunque necessarium, quàm S. Petrus, & S. Paulus fuerint Ecclesiæ adhuc pusillæ, ac infanti, milleque afflictionibus, & persecutionibus pressæ? DEUS tamen & hunc, & illum eodem die ad vitam alteram evocavit. Et quemadmodum sinè illis Ecclesia non perivit: ità tibi persuadeas, velim, quòd sinè te non interibit domus tua, nec munus tuum defectum patietur. Pro certo teneas, quòd si res iustas, & convenientes speremus, & hæ desiderentur viva fide, absque ulla hesitatione, spes Christiana nunquam defraudetur. *Spes non confundit.* (a) Ità fide jubet Apostolus. Petite igitur à DEO (sed spe viva & firma, quòd exaudieris) ut providere dignetur filiis tuis, & sanguine, vel amicitia junctis, tanquam primus, &

(a) ad Rom. 8. v. 5.

primarius Tutor in eorum necessitatibus, & omnem curam tui, ac tuorum in DEUM depone. *jacā super Dominum curam tuam, & ipse te e-*
nutriet. (a)

PUNCTUM II.

I. **C**ONsidera, quòd nobis omnibus & singulis moriendum sit. hæc est communis lex, à qua nullus exemptus est. omnes hucusque Divinæ justitiæ tributum istud solverunt, & quotquot tecum vivunt, aut post te sunt victuri, continuabunt illudolvere. *Quis est homo, qui vivet, & non videbit mortem? (b)* Christus ipsè, qui tamen mundus erat ab omni culpa, & Beatissima Virgo Mater ejus, quæ præservata fuit ab omni, etiam originali labe, subjecerunt se huic legi. Si ergo quoddam doloris cujusque levamen est socios habuisse in ejus tolerantia, quantò magis amarorem mor-

tis temperet, quòd locios in ea habemus omnes homines, quicunque fuerunt, sunt, & erunt.

Quantumvis in potestate tua non sit mori, vel non mori, cùm per humanæ naturæ conditionem necessario morti subjaceas; nihilominus tamen suscipiet DEUS ceu gratuitum munus, ut si à te solo proficeretur sacrificium, quod illi offerre censeberis, si lubenter mortem acceptes, & te illi offeras ad instar victimæ immolandæ in odorem beneplaciti suæ divinæ Majestatis. Fors DEO es debitor multarum poenarum peccatis tuis commeritarum? Et fors locò satisfactionis per exercitium virtutum pro illis præstandæ, eas novorum delictorum pondere aggravasti? quis scit, quot annis à iustitia vindicativa adstringendus sis ad exolutionem in purgatorii horrendo carcere? an non summo pere gauderes, si ante egressum ex hac vita satisfacere posses cum securitate,

ritate, facilitate, & finè incommoditate? quis de hoc dubitet? scias igitur, quamvis mors sit tributum, ad quod inevitabili necessitate adstringeris, solvendo tamen illud cum magna animi promptitudine in ordine ad præstandum divinæ justitiæ homagium, & in satisfactionem pro tuis delictis; DEUS acceptat illam, & declarat suæ justitiæ per hoc medium esse à te satisfactum, si non ex toto, certè ex parte.

Neque solum per hanc resignationem securus redderis de satisfactione quoad pœnam, sed insuper augestibi cumulum meritorum. Si DEUS à te exigeret, ut in testimonium fidei vitam ipsi consecres, vel inter flammæ, vel cervicem submittendo securi, ut Sancti Martyres fecerunt; essetne obligatus ad obediendum illi? nunquid torti huic te sponte ingereres, & felici. limam reputares occasionem amore illius sanguinem profundendi in fidei propugna-

pugnationem? quis dubitat? atqui hanc ipsam promptitudinem à te sibi exposcit in testimonium obedientiae, quam ut Christianus profiteris: ergo offer illam generosò animò, & acquires grande meritum, DEO vitam tuam donando, ceu rem, quàm pretiosiore non habes. Hoc pretium in brevi tempore multos annos supplet. Bonus latro mortuus est ut latro, & tamen meritis est mori simul ut martyr. Quomodo istud? quia fecit ex necessitate virtutem, & DEO vitam suam obtulit lubenter, quam iustitia vindicativa sibi aliunde ab illo exigebat. *Si poena cape- rat in latrone, novo genere in Martyre consummatur. (a)*

II. Considera, quòd omnia, quæ DEUS fecit, bene facta sint; omnia, quæ ordinat, bene ordinata: quia omnia ordinata sunt à summa sapientia, & infinita bonitate, quæ melius, quàm tu, cognoscit, quid condu-
cat

(a) S. Aug. Serm. 12. de Temp.

cat ad suam gloriam , & tuum emolumentum. Agnoscis haud dubiè, & bene intelligis, quòd mors tua cum omnibus circumstantiis suis , tam quoad locum, & tempus, quàm quoad qualitatem, & genus, non sit ex parte DEI casus fortuitus ; si enim Euangelium asseverat , quòd nec folium de arbore cadat sinè prævía notitia, & voluntate DEI ; quantò magis tibi certum esse debet, quòd mors tua non eveniat, insciò DEO & absque ejus voluntate : igitur mortis nuntium à te excipiendum est, ceu vox cælitus allapsa , quæ te vocat : proinde necesse est , ut te submittas voluntati DEI, tanquam supremi Domini tui, quod ipsum à nobis exigit : *Et vos similes hominibus expectantibus Dominum suum, quando revertatur à nuptiis, ut, cùm venerit, & pulsaverit, confestim aperiant ei, (a) Venit autem quando nos per ægritudinem monet, vicinam adesse mortem ; &*

III

(a) Luc. 12 v. 36.

tu confestim aperis illi, si mortem promptè acceptas. Imitare Salvatorem tuum, qui æterni Patris voluntati se subjecit, in ætatis flore mortem dolorosissimam acceptando, *factus obediens usque ad mortem, mortem autem crucis.* Observa, quòd filius DEI in morte sua non consideraverit malitiam judæorum, nec injustitiam Pilati, nec proditoriam traditionem Judæ, neque crudelitatem Carnificum; sed dispositionem, & voluntatem æterni Patris: ideo ad S. Petrum dixit: *Calicem, quem dedit mihi Pater, non bibam illum?* (a) Illius ad exemplum mortem excipe, non ut proveniente ex infirmitate, aut casu accidentali, aut ex violenta passione, & malitia hominum; sed ut immissam à manu DEI. sic eam DEUS vult à te acceptari cum persuasione, quòd hæc, & talis mors non adveniat, nisi ex DEI ordinatione.

Mors

(a) Jo. an. 18. 7. 11.

Mors, quæ hic, & nunc te occupat, est divina circa te dispositio, sed cum te illius voluntati conformas, id efficis, ut divina electio sit etiam electio tua, & quidem perfectior, quam si tu ipse mortem deliberatè elegisses. Nam, cum tu quidpiam eligis, facis tuam voluntatem; at quando hanc in DEUM resignas, facis voluntatem DEI, qui actus est longè perfectior. Quo sensu locutus est David, cum dixit: *mandata tua elegi.* Quia obediebat DEO, voluntatem suam cum divina conformando, & in virtute adeò promptæ conformitatis, illud ipsum, quod DEUS elegerat, elegit etiam David. Eodem animo tu esse videris, aut certò esse deberes. cum oras quotidie, & sæpius: *Fiat voluntas tua sicut in celo, & in terra.* Quòd si postea divino ejus decreto, quoad modum, & tempus mortis, prout ipsi de eo statuere placuit, te non conformes; quomodo credi potest, eo, quo par est, sensu

sensu toties à te repetita fuisse supradicta verba? nunquid censere-
ris cum DEO minus seriò egisse?

III. Considera, Quòd filius DEI amore tui descenderit de Cælis, & in Sanctissimo Altaris Sacramento tecum commoretur. Ah! cur non tu vicissim desideras ad illum ascendere, cur cum illo esse non suspiras? cur illum videre sinè omni velo, facie ad faciem, & possidere non anhelas? Christus tibi vitam suam in cruce donavit; da igitur vitam pro vita, amorem pro amore: sic jubet gratitudo. Qui amat, amato præsens esse peroptat: tu amare possis JESUM, & ab illo absens indifferen-
tibus circa illum desideriis agi? Non pauci Sanctorum præ amoris divini dulci violentia mortui sunt: tepiditas tua fors impedit, nè gratia tam nobili dignus efficiaris? compati-
or tibi. Noli tamen animis concidere, superest enim campus hoc damnum resarciendi alio actu

G

divinæ

divinæ Majestati perquam grato. Quis ille ? mori ex motivo amoris, citius velle ad cælum ire, ut valeas DEUM perfectè amare. Lubenter moriendo testatum DEO facis amorem, quo erga illum ferris. non est signum majus tuæ in DEUM charitatis, quàm istud ipsum ; Nam *majo-rem hanc dilectionem nemo habet , ut animam suam ponat quis pro amicis suis.* (a) Ecce ! mors tibi occasionem præbet, exercendi insignem ac Heroicum actum dilectionis DEI , qualem per totum annorum tuorum cursum non exercuisti ; siquidem omne illud, quod unquam obtulisti DEO, vel quò te amore ejus privasti, longè minus est, quàm esse tuum, & vita, quam illi donas, & quâ te amore ipsius exspolias , mortem de manu ipsius promptè suscipiendo. Et hoc est, quod Divum Joannem Chrysostomum movit ut diceret: quòd, si optionem à DEO ha-

(a) Joan. 15. v. 13.

haberet, ut esset vel Angelus, vel homo; amplecteretur naturam humanam præ Angelica, quia sic aptus esset, ut possit mori pro DEO. Pondera, quæso, quàm dejecti animi hæc esset nota, si ità fores huic miseræ lachrymarum valli affectus, ut si arbitrio tuo relinqueretur optio, vel hodie DEUM intuendi in paradiso, vel in terra hac remanendi; tu tamen eligeres in hoc tenebroso antro vivere, præ paradiso, & DEO.

IV. Considera, quòd DEUS dando tibi esse ac vitam in hoc mundo te constituerit, tanquam in loco probationis; & tot annos vitæ tuæ, quos nactus es, tibi eum in finem indulserit, ut tempus tibi daret acquirendi merita, per quæ reddaris aptus ad æternam beatitudinem. En creationis tuæ finem. Quid si ergo DEUS jam vellet huic probationi terminum imponere? certò deberes illi gratias agere, persuasumque

sumque habere, quod ad salutis tue meritum sufficiat hæc proba, quæ DEI ipsius iudiciò sufficiens est. Nunquid tibi magis expedit, & magis prodest tunc mori, cum tu desideras? quis melius dignoscit tempus, quò te mori juvat ad salutem, DEUS; an tu? haud dubiè DEUS. Si ergo DEUS modò te vult mori, quid prodest cum exigua in divinam voluntatem resignatione morà implorare, donec tibi visum fuerit opportunum? DEUS te ex hac in alteram vitam evocat, quando id tibi maximè proficuum cognoscit, de hoc securum te reddit amor Creatoris tui, qui te amat tanquam suam creaturam, quam fecit ad imaginem suam. Securum te esse jubet amor DEI Patris, & quidem Patris tui, qui te amat ut filium, in Christo adoptatum. securum te præstat suavissima sua providentia, quam contemplans Chrysostomus inquit: *Boni tunc descedunt ex hac vita, cum meliores sunt malis,*

*mali, cū minus mali, quā futuri es-
sent, si adhuc viverent. Quod si æsti-
mas te alio tempore melius para-
tum fore, DEUS forsan cognoscit,
id non fore. Tu errare potes, DE-
US autem nulli errori est obnox-
ius. Vides proinde, quod longè se-
curius sit iudicium tuum submitte-
re, ac conformare iudicio DEI, &
acceptare mortem eo tempore, quō
ipse illam immittit. Ecquod ama-
bō habes motivum desiderandi, ut
vitæ tuæ confinia ulteriùs exten-
dantur? fors quia videtur tibi, quod
virtutibus tuis, pœnitentiâ, & ze-
lō poteris multò plūs prodesse pro-
ximo, & magis glorificare DEUM?
Ah non sinas te lactari his blanditiis.
DEUS fuit ab ætæno sinè te: tu so-
lū DEO redde per promptam
mortis acceptationem hunc hono-
rem, & fac inclarescere, quod DE-
US te non indigeat, nec ad suam
gloriam, nec ad aliud quodcunque
emolumentum: certè non ad suum,*

quia habet innumerum aliarum
 personarum numerum, quæ illi
 melius, quàm tu serviunt: non eti-
 am ad emolumentum aliorum, quia
 habet potestatem producendi mil-
 liones creaturarum, quæ multò per-
 fectius, & cum majore gustu, ma-
 jorèque merito illi intrà unum di-
 em servituræ sunt, quàm tu illi ser-
 viveris per complures annos. Vi-
 detur tibi saltèm, quòd longior vita
 tibi profutura sit ad ampliora merito-
 rum augmenta? videtur, quòd cum
 illustrationibus, quibus nunc gau-
 des, futurus sis imposterum perfe-
 ctior, & sanctior, exerciturusque
 multa opera virtutum Christiana-
 rum? sed dum id videtur audibona
 nova, quæ refert S. Augustinus: lo-
 cò istorum omnium offer DEO vi-
 tam, & voluntatem tuam, resigna
 te plenè in divinum beneplacitum,
 promptè accepta mortem de manu
 DEI; & es perfectus: hac enim a-
 nimi

nimi comparatione nihil gratius
DEO potes offerre. Frustrà dicunt
quidam, ideo se nolle mori, ut perfectus fa-
ciant: cùm ipse perfectus eorum in eo pro-
fectus sit, ut mori velint: proinde, quod
volunt, ut perfecti sint: velint, & perse-
cti sunt. (a)

PUNCTUM III.

I. **C**ONsidera, quòd mori non sit
aliud, quàm animam sepa-
rari à corpore. jam quæro, credisne
viva fide, quòd illi, qui moritur in
gratia DEI, præparatum sit regnum
caelestis gloriæ? ità est. *Qui vicerit, da-
bo ei sedere mecum in throno meo* (b) mors
igitur non tam debet nobis esse in-
terriculamentum, quàm potius pro-
pensionis nostræ allectamentum.
Cùm primùm Clausis oculis terram
hanc tam vilem, tam humilem, &
tam miserabilem aspicere desieris,

G 4. ape-

(a) S. August. Lect. in Matth. quæst. 17.

(b) Apoc. 3.v. 21.

aperies oculos animæ ad cælum intuendum. Cogita, quantô non asfcereris solatiô, si cras consequeris totius terrarum Orbis Dominium? sed quid hoc est: Cælum beatus ingrediens, conscendes thronum ad cuius amplitudinem comparata terra punctum est, ad cuius beatitudinem collata terræ hujus bona omnia, miseriæ sunt: & hoc tibi sit terroris argumentum? Ah minime! quinimô desideranda potius mors est, quæ aditum tibi referat ad tanti boni possessionem. Discedis hinc ad recipiendam mercedem laborum tuorum, virtutum, humilitatis, & patientiæ. Terminus cui annexa est corona non potest non esse gratus. Qui currit pro bravio stadii sui terminum attingere desiderat.

II. Considera, quòd omnia illa, quæ in terris te movere possunt ad vitæ longioris desiderium, cum infinitè maiore emolumento possellurus

rus sis in Paradiso. Es in procin-
ctu ad capiendam possessionem fe-
licitatis, quæ plenissimè cor tuum
exatiabit, quod ipsum firmat divina
promissio: *Qui replet in bonis desiderium
tuum.* (a) Fuitne hucusque in terris
exatiata vastitas desideriorum hu-
mani cordis? nunquam. Nullus
unquam Monarcha dignitatibus,
voluptatibus, & divitiis mundi plenè
contentus fuit: DEUS igitur, qui
repleturum se promittit cor tuum,
& quietaturum illud, promittit te
locandum in statu incomparabiliter
feliciore, quàm ille fuerit, quò un-
quam gavisi sunt fortunatissimi qui-
que, ac potentissimi orbis Monar-
chæ. Igitur promittit tibi aliquid,
quod exuperat omnes thesauros,
omnem gloriam, & omnes delicias,
quibus hucusque gavisus est mun-
dus. Ità est, ità esse intellexit Da-
vid cùm dixit: *Tunc satiabor, cum ap-
paruerit gloria tua.* (b) Et tu times? tu

G 5

moras

(a) Ps. 102. v. 5. (b) Ps. 16. v. 15.

moras nectis, ad tantam felicitatem
 vocatus? tu illibenter mortem ad-
 mittis, quæ clavim tibi ad tantas o-
 pes porrigit? Cælum suspice, dice-
 bat Mater ad S. Symphorianū in me-
 dio tormentorum pro martyrii lau-
 rea certantem: *Nate, Nate, cælum su-
 spice, tibi enim vita non eripitur, sed
 mutatur in melius.* (a) Possidebis bo-
 num ab omni malo depuratum:
*Neque luctus, neque clamor, neque dolor e-
 rit ultra.* (b) Bonum summum, bo-
 num, quod complectitur omne bo-
 num. *Satiabor cum apparuerit gloria tua*
 (c) Quia omne illud in DEO vi-
 debis, quidquid intellectus huma-
 nus concipere potest, & voluntas
 desiderare. Eris DEO ipsō beatus,
 & ipsa beatitudo DEI erit beatitu-
 do tua: *Replebimur in bonis domūs tuæ;
 sed quibus bonis, vel qualibus. Dic no-
 bis tu, qui pręparas, quid pręparāsti?*
 Ego ero merces tua magna nimis. (a) Eris
 beatus

(a) in Lect. Brev. 22. Aug. Lect. 9. (b) A-
 poc. 21. v. 4. (c) Ps. 16. v. 15. (d) S. Bern.

beatus beatitudine DEI. Ut quis beatus sit, non sufficit bonum, quò beetur, possidere; sed debet illò etiam frui: ut autem eò fruatur, requiritur, ut illud cognoscat, amet, ac gustet. En DEUS visus, amatus, & deliciosissimè possessus erit tua beatitudo. Videbis DEUM sinè metu aberrandi ab illo; amabis absque formidine illum offendendi: frueris illo cum securitate nunquam illum perdendi, & cum certitudine, quòd nunquam tædebit eò perfrui. *Ipse enim ibi est finis desideriorum nostrorum, qui sinè fine videbitur, sinè fastidio amabitur, sinè fatigatione in æternum laudabitur. (a)*

III. Considera, quòd mors nunquam terribiliorem larvam vultu præsetulerit, atque dum in horto Gethsemani se objecit Salvatori nostro, qui eam jam vicinam intuendo, ut erat, crudelissimam per inimicorum feritatem, intolerabilem

(a) S. August. in Ps. 62.

lem per infamiam confusionum. Cē-
pit pavere, & tædere. Et ait illis
irritis est anima mea usque ad mortem. (a)
tunc Angelus e cælis descendit, ut
mastrum consolaretur; sed quod-
nam motivum adduxerit viribus re-
staurandis aptum? recenset illud S.
Apostolus Paulus: *Proposuit sibi gaudiū
sustinuit crucem confusione contempta.* (b)
Quod S. Thomas sic interpretatur:
Proposuit sibi gaudiū æternæ vitæ pro præmio.
Cæleste præmium vivaciter repræ-
sentatum erat motivum sustinendi
crucem, contemnendi confusio-
nem. Consideratio gloriæ non ef-
fentialis (hæc enim beata Christi a-
nima jam à primo conceptionis in-
stanti fruebatur) sed accidentalis;
nimirum exaltationis, & honoris
qui illi in cælis pro præmio paraba-
tur. Cur S. Stephanus mortem
expertus est tam dulcem in lapidæ
tempestatis medio? quia scilicet mo-
riens ante oculos habuit paradisum:

Ecce

(a) Marc. 14. v. 33. & 34. (b) Hebr. 12. v. 2.

Ecce video Caelos apertos (a) Cur mors tam suavis accidit S. Theresiae, ut dicere audita sit moriens : *ego morior quia non morior* ? cur tam volupis Eru- ditissimo Suarezio, ut eruperit in vo- calia hæc gaudia : *Non putabam esse tam dulce mori* ? cur, inquam, nisi quòd respexerint ad gloriam sibi in Cælis præparatam ? Hoc & tuum sit in morte solatium : quòd adve- nerit felix momentum, quò tibi datur intrare in possessionem felici- tatis, quæ summa est ; si spectes gau- dia ejus : infinita ; si magnitudinem : æterna ; si durationem. quidni igitur & tu dicas cum Davide : *Quem- admodum desiderat cervus ad fontes aqua- rum, ita desiderat anima mea ad te DEUS.* (b) Sed replicas ; & ego lubenter ex hac lachrymarum valle discedam, ut ad paradisum proficiscar : sed quis me securum reddit, quòd ad illum perveniam ? quis scit, utrum salvus tiam ? macte animis ! interim confide,
in

(a) Act. 7. v. 55. (b) Ps. 41. v. 2.

in meditatione tertia intelliges firma
spei hujus fundamenta.

ORATIO

Post secundam Meditationem.

EXperior, mi DEUS, quòd natura mori horreat; accepto tamen lubenter debitum istud, & offero illud Divinae Majestati tuae, in obsequii mei tributum. Recognosco, o DEUS, te vitae meae Dominum, & tota Voluntate tibi restituo, quod à te accepi. Non nisi quod tuum est repetis, cum vitam à me exigis. Gratias tibi ago, quòd eam tot annis mihi concedere dignatus sis.

Protestor coram Divina Majestate tua, quòd, si per me staret, mori vel non mori, & si scirem è tuo beneplacito esse, ut moriar; ego ipse obviam irem morti, & vitam meam in sacrificium spontaneum
tibi

tibi offerrem ceurem, quam habeo
pretiosissimam : *Voluntariè sacrificabo*
tibi, & confitebor nomini tuo Domine (a)

Non est, quod me alliciat ad de-
siderium vitæ longioris, præter-
quam ut tibi, Domine, diutius & fi-
delius serviam: verum quia scio,
quod me opus non habeas: *DEUS*
meus est tu, quoniam bonorum meorum non
eges. (b) Gaudeo de hac tua felici-
tate, & magnitudine, ac supplico,
dignare hoc meum desiderium su-
scipere pro effectu. Faciet mors
magnam illam animæ à corpore
meo separationem: accepto illam,
mi *DEUS*, & accepto in pœnam
malitiolæ illius unionis, qua ambo
in tui offensam conspirarunt. Ad-
feret privationem omnium quinque
sensuum meorum: accepto illam
in pœnam per eos promeritam, quod
totidem fenestræ fuerint, per quas
intravit in animam mors peccati.
Inducet immobilem corporis rigo-
rem:

(a) *Pf. 53. v. 8. (b) Pf. 15. v. 2.*

rem : accepto illum in pœnam tot
passuum, gestuum, & motuum quos
fecit tibi, & hominibus injurios.
Mors corpus meum efficiet escam
vermium, in pulverem reducet ac
cinerem : accepto hanc resolutionem
in pœnam iniqui limæ compla-
centiæ, quam ex fastu & superbia
mea desumpsi. Accepto divitia-
rum, & bonorum temporalium ja-
cturam in pœnam inordinati affe-
ctus, quô eis adhasi ; abusûs, quô
illa malè impendi. Accepto avul-
sionem à cognatis, amicis, & ab om-
ni eo, cui adiciebar in terris, in sa-
tisfactionem pro nimio amore, quô
erga eos ferebar. accepto oblivio-
nem, quæ me post mortem ex homi-
num memoria delebit, in castigatio-
nem vani desiderii, quô in vita æ-
stimari, laudari ac in aliorum me-
moriam perennare ambiebam. Ac-
cepto denique mortem, quia hæc
tandem peccatis meis finem impo-
nit, & sicut de hoc ipso gaudeo, ita
in

in infinita Misericordia tua confido,
quod, cum te offendere desino, ab
hinc incepturus sim te amare ita, ut
nunquam à te possim separari: *In*
pace in idipsum dormiam, & requiescam.
quoniam tu Domine singulariter in specun-
disti me. (a)

O dilectissime Redemptor tu a-
more mei factus es mortis victima:
& ut ut mors dolorosissimis aucta
circumstantiis se tibi obtulerit, tu ni-
hilominus eam es amplexus, ut mor-
tem meam efficeres dulcem, pecca-
torum veniam mihi promerendo:
quid minus in vicem gratitudinis
pro tanto amore tibi offerre valeo,
quam promptissimam voluntatem
amore tui moriendi? morior ita-
que & morior præ desiderio te reve-
lata facie videndi, & perfectissime
amandi. O mi DEUS! *amore amo-*
ris tui moriar, qui amore amoris mei digna-
tus es mori. (b)

LE-

(a) Ps. 4. v. 9. & 10. (b) S. Franc. Ass.

LECTIO

*Pro tempore meridiano de
Necessitate, ac methodo fa-
ciendi testamentum.*

§. X.

ESt recepta inter fideles consue-
tudo, ut dum morti appropin-
quant, testamentum condant, vel
prius conditum, revideant, & reco-
gnoscant. Pari ratione tu, qui ho-
die te geris ad instar moribundi, &
ad mortem comparas, ac si ultimus
vitæ dies tibi decurreret, non de-
bes negligere opus tam necessari-
um: quamobrem te obtestor, nè tibi
blandiaris dicendo, faciam illud suo
tempore, sed ponderes motiva, me-
dia examines, quibus illud quàm
optime perficias. Habes, nì fallor,
persuasissimum, quòd morti possis
subjici, vel ab accidente improvise
natæ, vel ortæ à morbo violento,
qui

qui vel facultatem rationabiliter agendi tollat, vel minuat : consequenter si differs rerum tuarum dispositionem, obnoxius es probabili periculo sine testamento decedendi, quatinus re si modo prospicias, id commodi præprimis habes, quòd de rebus tuis securè ac circumspectè disponere possis. Sunt non pauci, qui animò concipiunt pulcherriam facultatum suarum repartitionem, quarum unam portionem incultum divinum, & pro suffragiis animæ suæ persolvendis, & in alias causas destinant, partem aliam premiandis suorum famulorum fidelibus obsequiis designant : sed hanc ultimam voluntatis suæ declarationem, dum ad ipsum mortis punctum differunt, præconceptam intentionem suam defraudant; siquidem improvisò morientes, bene conceptam ideam in alteram vitam secum alportant; substantiam verò suam relinquunt litibus dilacerandam,

dam, & prætendentibus pessimè tractandam. quod totum aptè prædixit S. Basilius: *atramentò, & tabulis pulchra opera, & commendanda gerere studes: sed quis exitus tui tempus nuntiabit? quis de mortis genere sponsor? quot vidimus repentinò, ac vi, casive exstingui?*

Tu desideras, & es obligatus impedire discordias inter hæredes tuos, & pacem domui tuæ relinquere Christi exemplò, qui nobis instar legati pacem reliquit: *pacem relinquo vobis, pacem meam do vobis.* (a) teneris prospicere famæ, ac salutis tuæ; Dum autem quis moritur sinè testamento, ordinariè aperitur campus multarum dissensionum, amaritudinum, & non paucarum iniusticiarum, aliarumque inconvenientiarum, quæ sæpenumero si non in ruinam, certè in damnum familiæ redundant, quorum omnium malorum origo es, cum rerum tuarum temporalium coordinatam dispositioni-

(a) Joan. 14. v. 27.

positionem non alia ex causa differens, quàm ex pura negligentia, postquam tamen scis, quòd possis factam dispositionem ad libitum tuum variare, liberque sis ad semper adjungendum pro beneplacito tuo codicillum.

Si nunc testamentum condas, non tantum à te removes dubium metumque, nè non fortassis intestatus obeas, sed insuper securus es, quòd illud bene, liberè, & ex prudenti judicio condideris, qualiter te illud in agone facturum sperare non potes, ubi homo multorum non recordatur, de quibus voluisset, & debuisset disponere, & facillimè adjungit, vel omittit aliquam circumstantiam, quæ possit esse primum discordiæ inter hæredes. Res propter factæ non sortiuntur bonum exitum, hinc etiam Plato nulla esse voluit testamenta in ultimis vitæ coniis facta, causam reddens, quia homo, dum morti vici-

nus est, non amplius est ille, qui prius fuerat, sed quodammodo medius homo, & quidem parte sui deteriore. Dixi autem, quod nunc, cum vales, testamentum condens cum maiore libertate illud condas; siquidem si id differas ad ultimos vitæ dies, & fors suprema momenta, utique testamentum facies, non prout tibi placet, & sicut iustitia exigit; sed sicut aliis placebit, & sicut prætendent eorū cupidæ passionēs. Tunc morbo gravatus, doloribus oppressus, tædiō & angustiis affectus, opis alienæ indigus, & succursus alieni, permittes te regi, & gubernari à circumstantibus, à quibus in omnibus dependebis. Ille minis exterrendo, iste adulationibus blandiendo, Ille astutis rationibus, iste falsa pietate te inducet ad faciendam dispositionem rectissimis intentionibus prius conceptis, omnino contrariam, iustæque obligationi tuæ repugnantem. Quamobrem consilium Sancti Augustini

gustini Isequere. Fac testamentum, dum sanus es, dum tuus es; nam si expectaveris infirmitatem, omnino minis, & blandimentis duceris quò tu non vis. (a)

Si in vita, & sanitate expediveris te à curis rerum temporalium tempestivè de illis disponendo, nihil omnino arduum videbitur animæ tuæ, iisdem spoliari in morte; nec erit, quod tunc cogitationes tuas distrahat, sed poteris illas omnes unicè convertere ad ponderosissimum negotium æternæ salutis. Infirmitatis tempore, nè terreant ac pusillanimum te reddant, nihil de testamento loquentur domestici, sed primò cum morbi vis eò usque increverit, ut actum de vita censeatur. Et tibi videtur tunc tempus esse intendendi negotio temporali, tam tædioso, tantæ solitudini, & tot disgustibus obnoxio? tempus mortis ex asse tribuendum est animæ, ac æternitati. Quando Moy-

ses

(a) S. August. Serm. 45.

ses ascendit montem Ilor, secum-
que eò deduxit fratrem suum Aaro-
nem, & Eleazarum suum nepotem,
præcepit ei DEUS, ut ibidem sacer-
dotali habitu spoliaret Aaronem,
illóque indueret Eleazarum ejus fi-
lium : *Cúmque nudaveris Patrem vesta-
na, indues eá Eleazarum filium Ejus :
Aaron colligetur, & morietur ibi. (a)*
Quod mirè : Aaron adhuc gau-
debat perfecta sanitate, & tamen
subitò coactus fuit deponere orna-
tum sacerdotalem. Et cur non ju-
betur eò se spoliare manu propria?
cur ipse illó non vestit filium? En
rationem in promptu : *moriatur ibi.*
Scit ibi moriendum sibi esse, & i-
deo tempus opportunum non est,
ut Pater se occupet ornatu, & lo-
cupletatione filiorum in transferen-
dis ad eos pensionibus, & honori-
bus suis : alteri hæ actiones con-
veniunt, & exequitur eas Moy ses,
quandoquidem Aaron ad alteram vi-

1211

tam evocatus oblivisci debet omnium aliarum rerum, & solummodo se se impendere præparationi ad mortem, & negotio animæ. Eheu! quot non se occupant pretiosissimo illo tempore solitudine providendi uxori, & prolibus. O infelices! consumunt in alienam consolationem tempus illud aureum, quod totum quantum deberent expendere in securitatem salutis propriæ, & in lucrum ac meritum æternæ felicitatis.

Quod verò methodum conficiendi testamentum attinet, debent illius ordinationi assistere individuae comites: prudentia, iustitia, & misericordia. *Dispone domui tuæ*, dixit DEUS ad Ezechiam, & in hoc omnibus testamentum facturis. *Dispone*, id est cum debito ordine, & prudentia illud omnium primò expediendo, quod restitutioni obnoxium est (ut sunt debita, & credita) cum declaratione nominis ac

H

cogno-

cognominis cujusque, sicut & mercedem domesticis convenientem. Secundò locò veniunt, quæ concernunt bonum animæ, quæ spectant ad funeralia, & sepulturam absque inutili dispendio, quod fieri solet in apparentem pompam, & superfluum magnificentiam, quæ magis servit vanitati vivorum, quàm solatio defunctorum. *Quid sibi vult (quærit Chrysostomus) superfluum ille, & inutilis circa funera sumptus? qui magnum quidem funerantibus damnum, defuncto verò nullum attulit emolumentum? (a)* Diligenter tamen cavendum est, nè sub pallio virtutis, condatur sordities parcitatis, quæ sumptus statui tuo competentes turpiter subtrahat. Detur suus personæ decori conveniens respectus, simul etiam pietatis religioni tribuatur, quod suum est. Tandem non est agendum cum impetu, aut passione, totum scribatur ac ordinetur, cum tali verborum sen-

(a) S. Chrysost. tom. 6. hom. de morte.

sententiarumque claritate, ut nulum de voluntate tua relinquatur dubium, nec litis, disputationis, lamentationum aut murmurum occasio: quæ ut evitentur certius, cum peritis consilium est desuper ineundum.

Justitiæ lex vult, ut primò locò ea respicias, quæ sunt præceptis post hæc, quæ sunt consilii. Hinc si possibile est, in præsentis satisfactio præstanda est debitoribus. quòd si verò hæc statim præstari non possit, de his ipsis debitis facienda est mentio in testamento cum hæredum obligatione ad ea exolvenda. Restituantur res malè partæ, satisfiat omnibus obligationibus, cujuscunque nominis sint, sive ex voto, sive damno illato, sive ex mercede debita, sive ex legato relicto. Instituantur facultatum tuarum hæredes ii, ad quos rationabili ordine pervenire debent. De illis verò bonis, quæ ab arbitrio tuo pendent:

provideatur I. Gloriæ Divinæ. II. Succurratur necessitatibus proximi, idque agatur ex consilio pii viri. Conformiter ad hos fines applicandæ sunt etiam superflua divitiæ. Et si hæc egeris in vita, erit dispositio tua magis meritoria, & satisfactoria.

Misericordia sequatur ordinem charitatis: hinc I. conjiciendi sunt oculi in sanguine junctos, & domesticos, eoque propinquiores; deinde ad externos, & remotiores. II. Ad benefactores. Sed aliorum recordando, nè obliviscaris tui- metipsius assignando eleemosynas, & Missæ sacrificia, præprimis pro die obitus tui. Non possum hinc omittere monitum perutile: nimirum, ut quid quid tu ipse potes executioni dare, non committas aliis per testamentum; res enim pleræque melius aguntur à nobis, quam ab aliis, quibus committuntur. Nam si nos ipsi negligentes sumus in nostris,

stris, quomodo alii in iisdem accu-
randis magis solliciti erunt? Hære-
des, quanto firmitus persuasum te-
nent, omnia, quæ reliquisti, ad te
spectare, & sua esse; tantò minùs
(ut partim evenit) restitunt ea, &
satisfaciunt iis, quæ restitui, & qui-
bus satisfieri per eos voluisti, & ideo
gemunt tot animæ in pœnis purga-
torii. Legi aliquando de Parente
quodam, qui magnas divitias reli-
quit filiis per testamentum, rogavit-
que singulos, ut quod dictaret filia-
lis pietas, quisque curaret in solati-
um animæ ejus post mortem. Pri-
mus copiosas missas promisit, secun-
dus multas eleemosynas, tertius di-
xit: *Nihil tibi promitto*. Si tu ipse, qui
universam substantiam tuam habes
in manibus, nihil expendis, & con-
stituisti in bonum animæ tuæ; quid
boni, qualem de te sollicitudinem
tibi spondere audes à filiis tuis, qui
unam duntaxat ejus partem habituri
sunt? quid amabò diceret de illo

debitore, qui habens unde satisfaciat, pateretur se à creditoribus conjici in vincula; spe fretus, quòd filii sui expensis promptè subministratis obtenturi sint ipsi libertatem? sapientius est sancti Gregorii Magni consilium. *Tutior est via, ut bonum, quòd quisque post mortem suam sperat agi per alios, agat ipse, dum vivit, per se: beatius quippe est liberum exire, quàm per vincula libertatem expectare.* (a) Ita est: melius est, nè ignis domum apprehendat prapedire, quàm obligari ad flammam extinguendam, postquam hæc jam dominatur tecto, totumque ædificium depopulatur. Erudiat te hæc comparatio, ut prævenias, quod in tua potestate est, nè in justitiæ divinæ manus incidas, easque habeas in flammis purgatorii creditrices; potes idipsum præcavere satisfaciendo in vita: & tu vis legata relinquere, ut in sclavitatis vincula delapsum, alii post mortem liberent?

(a) S. Greg. lib. 4. Dialog. cap. 58.

berent? Estne hæc prudentia humana & Christiana? *Beatiùs est liberum exire, quàm per vincula libertatem expectare.* Christianæ pietatis opera, quæ tu ipse, quamdiu favet sanitas, exercueris, impetrabunt tibi à DEO gratiam Christianâ patientiâ dolores ultimæ infirmitatis superandi, & sancta morte certam reddendi salutem tuam, quod non eveniet, si solum hæredibus commendes eorum executionem, postquam vivere desiêris. Opera quæ ipsi facimus semper sunt efficaciora, & securiora.

Illud observa, dum condis testamentum, ut id subscribas in statu gratiæ constitutus, nam quantumcunque pium sit, perdes totum meritum gratiæ, & præmium gloriæ, si illud subsignaveris in statu peccati mortalis (a) Inter alios hæredes recorderis Christi Domini, quem in aliqua pia causâ instituas hæredem. *Moriens sic facias, quod sæpe hortatus sum:*

H 4

fi

(a) Navar. man. Cap. 26. n. 36.

si unum habes filium; putes Christum alterum: si duos, putes Christum tertium: si decem; putes undecimum: qua enim fueris ratione excusandus, si Christum ad hereditatis communicationem non admitteris. (a)
 Verè deploranda est nonnullorum infamia, qui dum vivunt, possunt facultatibus suis uti in satisfactionem pro debitis apud iustitiam divinam per peccata sua contractis, qui opibus super domum suam liberaliter è calo depluis non augent sibi gloriam caelestem, & coronam non geminant, in regno veræ beatitudinis, operibus Christianæ pietatis tribuendam. Hoc totum negligunt. Et cur? ut heredes suos semetipsis feliciores relinquant. An non hoc est heredes suos amare magis quàm semetipsum? Instar montium, qui in valles cum pinguiore succo suæ terræ dimittunt pluvias, calitus acceptas, remanentque

(a) *S. Augustin. apud S. Antoninum in vita Clerici p. 4. tit. 40. cap. 1.*

nentque postmodum aridi, & sicci.
 O defendam cecitatem! si tamen
 compassione dignus est, qui non in-
 telligit, quod vera charitas debeat
 incipere à seipso. Meminisse alio-
 rum, & oblivisci suimetipsius: di-
 tare alios in tempore, & se depau-
 perare in æternitate; inordinatus a-
 mor, imò stultitia est. Si ergo pru-
 dens es, si te verè amas, stude tibi-
 metipsi providere, securum te red-
 dere ab inferno, abbreviare purga-
 torium, & te promovere ad altiore
 gloriæ celestis gradum.

Hoc suppositò, si regulam à me
 desideres, quam in temporalium fa-
 cultatum tuarum applicatione ad
 majus æternæ felicitatis incremen-
 tum teneas: Respondeo absolutè lo-
 quendo, quod eleemosynæ illæ, quæ
 destinantur in spirituale beneficium
 animarum, sint DEO gratiores, &
 respectu tui magis meritoria, quàm
 quæ ordinantur ad utilitatem cor-
 poris: idque ex tribus causis. I. Ra-

tione beneficii, quod præstatur (a) spirituale enim bonum, ad quod cooperamur, est ex natura sua nobilius, DEOque acceptius, quam corporale: hinc si bonum illud promoves, per quod extenditur, propagatur, & prouocit obseruantia legum diuinarum, vel convertitur peccator aliquis; præstas Ecclesiæ beneficium longè altioris ordinis, DEOque præbes donum multò gratius, quàm si bonum corporale quodcunque procurares.

2. Ratione illius, cui præstatur; nam anima est incomparabiliter maioris pretii, valoris, & æstimabilitatis non modò quàm corpus humanum, sed quàm sit totus mundus, siquidem unica anima nobilitate sua transcendit totam rerum corporearum universitatem, tum quòd spiritus sit, & substantia DEI capax; tum etiam quòd elevata sit, ad DEI tatis participationem per gratiam sanctifican-

(a) *D. Thom. 2.2, qu. 32, art. 3.*

ficantem, quâ prerogativâ excēdit in pretio, quid quid in rebus materialibus est vel esse potest pretiosissimum, & ideo illa pietatis opera, per quæ anima ex abominando peccati luto extrahitur, tantò excellentiora sunt aliis operibus, quæ corpus mundi hujus miseriis subtrahitur, quantò malum culpæ excedit omnes alias calamitates, & quantò bonum animæ transcendit omnia mundi bona. Quod considerans S. Chrylostomus, dicere non dubitavit: *Et si immensas pecunias erogaveris, plus tamen effeceris, si unam converteris animam.* (a) Ex quo sequitur, quòd sicut cujusque impensius studium esse debet, ut majore solitudine sibi metipsi provideat circa ea, quæ spectant ad bonum animæ, quàm quæ corpus concernunt; ita pariter debeat prospicere bono proximi, prius quoad animam, deinde quoad corpus, cum proximum te-

H 6

neatur

(a) S. Chrysostr. orat. 3. contra Judæos.

neatur amare, sicut seipsum. 3.
 Quia exercitia, & actiones spirituales, quibus obtinetur communicatio ingentis illius boni, quò animæ salvantur, sunt excellentiora majorisque momenti, quàm opera corporalia, quibus succurritur vitæ temporalis sustentationi, quod manifestè apparet ex DEI ipsius exemplo nobis præmonstrato: is enim providendo nobis de omnibus necessariis ad corporis conservationem, non impendit nisi unicum verbum, quò creavit cælum, terram, & elementa: *dixit, & facta sunt.* Sed ut animas ab horrenda peccati misèria liberaret, descendit de cælis, & humanitatem nostram induit; impendit triginta tribus annis operam suam in agendo, patiendo, docendo, etiam in cruce moriendo, ut homini conferret salutem gratiæ, & præmium gloriæ. O quàm pauci hominum in piorum operum exercitatione sequuntur ductum solidissimarum
 veri-

veritatum istarum, vel quia illas ignorant; vel quia seducti occultò desiderio famam suam ad posteram ætatem transmittendi, & relinquenti splendidam nominis sui memoriam, quærunt quæ publica sunt, sonora, & in oculis humanis multum apparentia; vel quia sunt exigui, & debilis intellectus, nec ad fundum penetrant rerum spiritualium, nec tam sublimè se attollunt, ut ad altitudinem valoris earum perveniant: ideo finunt se abripi à rerum materialium vano colore, cum damno verè deplorabili, siquidem animam suam defraudant magnò meritò, & alios destituunt magnò auxiliò.

Reflexiones Particulares

Supra testamentum Ecclesiasticorum, & Religiosorum.

§. XI.

SCio, quòd non omnes sint capaces condendi testamentum, inter

ter quos meritò considerandi veniunt Ecclesiastici, & Religiosi: Ecclesiastici bene sciunt, quid in hac materia doceat Theologia, unde solum in presenti agam, ut desuper intelligant sensum S. Ambrosii reprehendentis clericos cognatorum amore infalcinatos, qui, ut alienum patrimonium augeant, poenitenda liberalitate dubiâ reddunt propriam salutem. O quàm bene loquitur Mediolanensis Antistes: *Neque enim propterea te DEO dicasti, ut illos (nempe cognatos) divites facias : sed ut tibi vitam perpetuam fructu boni operis acquiras, & pretiò miserationis peccata tua redimas.* (a) Metuis fortassè, nè non post mortem tuam querulentur amici, minus piè à te negata sibi fuisse facultatum suarum per tuam substantiam augmenta? noli hac lamenta prospicere, sed potius inspicere, quòd tu iustiorum querelam movere debeas, quòd illi te vel privare

nitan-

(a) S. Ambros. lib. 3. offic.

nitantur bonis æternæ gloriæ, vel
ea tibi multum diminueret. *accusant,*
quod eos divites non feceris, cum te velint
æternæ vitæ mercede fraudare. Revoca
in memoriam celebrem S. Joannis
Climachi sententiam: *Melius est contri-*
stare parentes, quàm Dominum JESUM.
nec te moveant tuorum lachrymæ, nè tui-
bi ipsi æternas lachrymas parias. (a)

Quod personis Religiosis profes-
sis per sacros Canones (b) non liceat
testamentum condere. non est faci-
le, qui ignoret; quia hoc sapit pro-
prietatem rerum, cujus Religiosi
professi capaces non sunt, non solum
quoad Dominium, sed etiam
quoad usum, & dispositionem inde-
pendenter à consensu superiorum.
Et revera prudenter dubitari potest
de salute Religiosorum eorum, qui
relinquunt post mortem legata no-
tabile pretium attingentia, quan-
tumvis res illas collegerint de supe-
riorum

(a) S. Climac. Gradu 3. (b) Authent.
Ingressi cap. de Sacros. Eccles.

reriorum suorum venia, cum revera non possint se eximere à Sacri Concilii Tridentini definitione, quæ vult, ut supellex eorum, qui votis religiosis adstricti vivunt, sit conveniens statui paupertatis, quam profitentur, & nihil superflui habeant (a), sed nec latet, quid Innocentius III. Decreto universali constituerit, nimirum: *Quòd si proprietas apud quemquam inventa fuerit in morte, ipsa cum eo in signum perditionis, extra Monasterium subterretur, secundùm quod B. Gregorius narrat in dialogo se fecisse.* (b) Quà ergo spe ac fiducia salutis suæ ad Tribunal DEI abeunt illi Religiosi, qui in morte constituunt hæredes pecunie, supellectilis, & tantùm non habitationis consanguineos suos, idque cum adeò urgente executione, ut Monasterium vel litem incurreret admodum arduam, vel certè reum ageretur usurpati dominii, si debi-

(a) *Trid. Sess. 25. de Regul.* (b) *Cap. ad Monaster. de statu Monach.*

debitam superioribus circa defuncti
 res dispositionem ex Religiosæ pau-
 pertatis jure vellet manu terere.
 Bone DEUS! quæ spes sic obeuntis!
 Non ignoro asylum, ad quod hujus-
 modi confugere possunt, in quo se-
 curos se subsistere autumant: con-
 suetudinem prætendunt, id semper
 in usu fuisse asserunt: sed errant;
 non est iste usus, sed abusus, qui mul-
 tos nimium quam facit suspirare,
 præprimis quidem illos, qui domos
 Religiosas gubernant, & zelosè ob-
 servantiam regularum ex munere
 promovere student. Debet igitur
 aculus hujuscemodi cedere rectæ
 rationi, legi ac suscepti status obli-
 gationi. Moriaris, per me licet,
 hōc modò, abeas fraudulentis his
 blanditiis comitatus ad divinum tri-
 bunal: experieris certò irreparabili
 damno tuo, quid quantumque con-
 suetudo hac pessima te sit defensora:
Nam (Augustinum audis) Dominus in
Evangelio, ego sum, inquit, veritas; non
dixit,

dixit, ego sum consuetudo: Itaque veritate manifestata cedat consuetudo veritati. (a)

Post sextam opusculi huius editionem, in manus meas devenit vita dominæ Courcel de Pourlan gallicè conscripta, in qua legi casum, quem non nisi ex Divinæ providentiæ admirabili dispositione, ceu intento meo aptissimum, mihi innotuisse persuasum habui, & est ille ipse, quem breviter expositum eo. In Abbatia Migetana, sita in Burgundia superiore duobus levcis ab urbe Salina distante, erat Monasterium Ordinis S. Francisci, in quo inter Religiosas, quas Urbanistas cognominant, non admittebantur nisi personæ lectissimæ, & splendore natalium illustrissimæ. Hinc candidatis incumbere Nobilitatis suæ prosapiam per longum proavorum illustrium ordinem probare, priusquam ordini desiderato adlegerentur. In hac Religiosa domo nihil audiebatur

(a) *S. Aug. de bapt. parvul.*

tur agi, quod majus aliquod scandalum potuisset gignere, aliqui abusus in eam solummodo irrepleverant, & quidem inter alios præprimis notare fuerat abusum contra votum paupertatis. Religiosarum nonnullæ, quæ à cognatis suis, livellos, sive annuas consignationes pecuniarias, accipiebant, illas ipsas prout & in quod lubuit, impendebant, ut si proprietatē, & non solum usum indultorum numerorum haberent, plenum circa eos dominiū exercebant, eò usque delapsæ, ut etiam in morte de illis disponerent ex ultima voluntate. Fuit earum aliqua, quæ per vitæ suæ decursum varia mobilia, intellige, pannos, lineam, imò & argenteam supellectilem, quæ ad cubiculi sui ornatum desiderari visa est, congregaverat. Sic misera sub titulo necessitatis, ac decenitiæ infelicitè sibi blandiebatur, ut amorì commoditatum securius litaret, & affectui erga vanitates sub falsa honesti specie satisfaceret. Incidit hæc

hac ipsa tandem in lethalem mor-
bū, & videndo se à Medicis jam dere-
lictam, atque ex certa eorum senten-
tia morti propinquam, petit ad se
vocari Abbatissam cum in finem, ut
impetraret ab ea facultatem de re-
bus, quas habebat, disponendi in fa-
vorem neptis suæ monasterii ejus-
dem Professæ. Sed circumspecta
Mater judicavit petitis ejus non es-
se deferendum, jussit tamen eam se-
curam esse, quod nihil defuturum sit
nepti ejus, una promittens, se stu-
diosius invigilaturâ singulis ejus ne-
cessitatibus: sed moribunda perre-
xit geminare preces, ac instare, ut
obtineret, quod voluit. videnstan-
dem, quod omnibus suis precibus
Abbatissam in vota non flecteret, ac-
cepta repulsâ minimè contenta, con-
vertit se ad alteram lecti spondam, &
indignabunda dorsum obvertit suæ
Superiori. Post hoc Abbatissâ exi-
vit ad breve tempus ex inermæ cel-
la, ut spatium ei daret, ad conscien-
tiæ

tiae suae penetralia se convertendi, & agnoscendi suum defectum: verum vix Venerabilis Mater ad cubiculum suum rediverat: ecce! agrotans Religiosa obruitur horrendis convulsionibus. quod, ut notat Infirmaria, currit ocyus ad Superiorem, properat haec quam potest, celerrimè, sed: ô tremenda DEI judicia! cum decumbentis cubiculo appropinquat, videt horrificum monstrum insidere portae, quod terribili aspectu, & minaci rictu praepedivit ingressum. Festinè currebatur pro aqua benedicta, etiam adferebatur, sed virtuti ejus pertinaciter obstitabat monstrum, & portam praecludebat. Vocatur Pater Spiritualis monasterii, qui superpelliceo & stola indutus in comitiva omnium Religiosarum Virginum, praeter terrore attonitarum accedit ad obsessum cubiculum, ibique solitis Ecclesiae exorcismis usus, tandem, ut cederet avernale monstrum, sacra hac violentia effecit

fecit. Quo felici eventu animatus
Sacerdos, cum DEO dicatarum Vir-
ginum corona cubiculum ingredi-
tur, sperans fore, ut animæ decum-
bentis Religiosæ spiritualibus auxiliis
opportunè succurrat; sed, cheu!
quàm horrendum spectaculum eo-
rum oculis se objecit! mortuam de-
prehendunt infauftam virginem,
vultuque adeò monstrosè deformem,
ut hoc ipsum vestigium illis suffici-
ens nota fuerit, deplorandi statûs a-
nimæ à suo corpore divulsæ. Quan-
tum horrorem, quantum terrorem
in sacro hoc claustro non causave-
rit eventus plenus circumstantiis
omni ex parte funestis; facilè intel-
lexeris: nec opus est, ut ego hic ali-
ud addam, quò demonstrarem, quàm
justè religiosam paupertatem profes-
sos hic casus terreat, si sub falso ne-
cessitatis prætextu sibi noxiè blandi-
entes rerum, per conniventiam supe-
riorum concessarum, usum in dam-
nosam detorqueant proprietatem
voto

voto paupertatis è diametro adversantem.

Opto tamen. ô animæ intrâ religionis septa DEO consecratæ ! ut unicâ supra lachrymabilê casum istû faciatis reflexionem. Nunquid dignum accuratiore mentis indagine objectum vobis videtur, contemplari hanc domicellam, quæ postquam ductu amoris divini se liberè, ac promptè spoliavit omnibus divitiis, quarum possessionem per illustres opulenósque natales nacta fuerat, postquam tot annos vixit in domo religiosa, inter tot virtutum actus cum tanta spiritûs cultura, in ipso mortis limine jam constituta, ponè ipsum Christi judicis tribunal, cui se vicinam consistere agnoscebat, quæ, inquam, post hæc omnia tandem in gratiam neptis suæ ostendit se reculis nullius momenti adhærere affectu tam pertinaci, ut totaliter oblita fuerit animæ suæ, æternitatis, ac DEI ipsius? nunquid exhorrescis ad vesaniam

vesanam hanc cæcitatem ? quod si
 ita est, ut esse nullus dubito, si for-
 tem similem ex animo reformidas;
 in tempore, nè periculum huiusce-
 modi incurras, providendum est,
 quod facies, passionibus tuis nè in
 minimo quidem adulando, sed ea-
 rum desideria strenuè refranando.
 Contumax ille erga hæc crepundia
 affectus, de quo locuti sumus, non
 fuit subito natus: non; sed fuit suc-
 cessivè conceptus, sinique interval-
 lis per vitæ cursum formatus nutri-
 endo propensiones prius minores,
 subinde affectus maiores erga res
 paupertatem religiosam de decentes,
 quibus se non noxia cupiditate affici
 persuasum habebat; quia nimirum
 occasio id agnoscendi deerat: hæc
 verò dum se obtulit, apparebat eam
 affectu tam radicato illis adhæsisse, ut
 nè ipsè quidem mortis terror illam
 ab iis revellere sufficerit. Si iudiciò
 polles, discas alienò exemplo sapere,
 & tuæ meliùs prospicere salutem.

MEDITATIO III.

De spe.

§. XII.

PUNCTUM I.

I. **C**onsidera , unicum motivum,
 I. Quod tuam resignationem morari possit, esse incertitudinem, utrū æternam gloriam consecuturus sis post mortem nec nē? quis scit, inquis, an salvandus sim? sed macte animis! non confundit spes Christiana, utpote solidissimis tribus fundamentis innixa, quorum primum est immensus amor, quō Divina Majestas erga te fertur. DEUS, in cujus potestate est dare gratiam & gloriam, & qui utramque vult dare, quia te amat, & amat te, quia es sua creatura, cui ex mero amore dedit esse: amat te, quia redemptus es pretioso sanguine Filii ejus. Si pictor celebris maculatum fuisse videat iconismum majore artis

impendio scitissimè à se elaboratum, si conspurcatum, vilipensum, & in frustra dilaceratum, quantum exinde non concipit dolorem? quantum è contrario non gaudet, si penicilli sui sedulum artificium videat principe domûs loco expositum cunctorum patere aspectui, & universorum admirationem cum voluptate parere, laudesque ac encomia omnium promereri. Et unde istud gaudium? quia est opus manuum ejus. Et quantillus est pictoris iste in tabellam suam affectus ad divini Plasmatoris in nos amorem? certissimum habet, nullum artifice, tantum posse opus suum amare, quantum DEUS te amat, in quantum amat tuum bonum, ac desiderat te participem reddere suorum met bonorum, cupiendo tibi æternam beatitudinem majore fervore ac zelo, quam tu eam ipse valeas concupiscere. Quid potest amplius dici?

Non ignoras DEUM esse infinitè bonum, scis etiam bonitatem ejus ex
natu-

natura sua esse sui communicativam :
 si ergo peccatis tuis per vitæ cursum
 multoties graviterque DEUM offen-
 dendo inhonorasti, noli, ah ! noli illis
 offensis hanc superaddere, ut dubites
 de ejus bonitate, cui per diffidentiam
 irrogas gravissimam injuriam, quia
 malitiam tuam divinæ bonitati ex-
 quas, quasi tantum aut plus potuisses
 malus esse, quantum Deus bonus est.
 Erras: siquidem non verificatur de te,
 quod Augustinus dixit verificari de
 nullo posse: *Ille diffidat, qui tantum pec-
 care potest, quantum DEUS bonus est, quod
 nullus facere potest.* Scis DEUM felici-
 tatem ipsam esse, quamobrem habet
 infinitam inclinationem omnes à mi-
 seris liberandi, & multò magis à da-
 mnatione æterna, quæ miseriarum
 poenaliū est maxima. Scis perfe-
 ctiones divinas esse infinitas, & earum
 quamlibet iterum esse infinitam, adeò
 ut ab omnibus simul, & singulis seor-
 sim DEUS extimuletur, & impellatur;
 ut summæ bonitatis, quæ gaudet, par-

ticipem te reddat ; quomodo igitur non speres te id obtenturum ?

II. Considera te in hunc finem à DEO creatum fuisse ex nihilo, ut æternum beatus fieres ; & ut jus ad coelestem gloriam, à Proto-Parentibus nostris amissum, recuperares, mediante morte unigeniti Filii sui, adoptavit te per baptismum in suam filiationem. Sed nunquid divina Sapientia in thesauris suis mille modos alios habuit genus humanum in statum gratiæ restituendi ? non est, qui de hoc dubitet : cur ergo ad extremum illud humilitatis se demisit, ut Filium suum proprium vellet animam & carnem humanam assumere, & ab eodem sanguinem, vitamque temporalem exigeret ; quid amabò Divinam Majestatem ad hæc perurset ? infinitus amor erga hominem, ut ostendendo quanti nos æstimet, quantum nos amet, animaret spem nostram, & fiduciam erigeret. Loquatur de hoc themate Augustinus

gustinus : *Quid enim (inquit) tam necessarium fuit, ad erigendam spem nostram, quam ut demonstraret nobis, quanti nos penderet DEUS, quantumque diligeret. (a)*

Et adhuc apud nos locum habeat vel minima diffidentia post tantum amoris divini excessum ? Intuere, obsecro, Salvatorem tuum in cruce suffixum, & quantum te amavit, uberrime intelliges ; videbis, quod benignissimus amor suus longè majus aliquid tibi præstiterit, quam si paradisum dedisset. Quid, quæso, promisit tibi, si in gratia ejus pè obieris ? quod cum ipso æternum victurus, & æternum beatus in ipso sis futurus. Hoc promisit : sed quid præstitit ? unigeniti Filii sui vitam pro te sacrificavit per mortem. Tuam hinc sententiam exposco, ediffere ; an non tibi videtur magis incredibile : quod immortalis mortuus sit ; quam quod æternum vivere datum sit homini mortali ? hoc tuum igitur sit solatium,

hoc spei tuæ securissimum argumen-
tum: quòd magis incredibile videba-
tur, jam esse adimpletum.

III. Considera, non esse cur ter-
reat te peccatorum tuorum nume-
rus, quæis demeritus es particeps fie-
ri effectuum tam ingentis amoris.
Nunquid enim S. Petrus divinum
Magistrum suum negavit? nunquid
S. Paulus illum persecutus est? nun-
quid S. Maria Magdalena eum inho-
noravit? & tamen consecuti sunt
paradisum. Alienorum peccato-
rum reus es, quorum causa, vel oc-
casio fuisti? quot non animas ad in-
fernum misit Thais, Pelagia, & Maria
Ægyptiaca? & tamen coelum adeptæ
sunt; quot non Guilielmus Dux A-
quitaniæ? attamen & ipse in coelo
regnat. Quòd DEUM offenderis,
certus es, sed non es certus, utrùm
peccata tua sint tibi remissa, & hoc
est, quod te facit timere? Sed nun-
quid ea confessus es? ita est, inquis;
sed quis me securum reddit, quòd
con-

confessiones meæ non fuerint irritæ
 vel ex defectu examinis, vel ex defe-
 ctu doloris, aut propositi? sed nun-
 quid in confessionibus particularibus,
 vel saltẽm in generali conveniens e-
 xamen instituisti, per quod omnia
 peccata in memoriam revocares?
 quod si icà est, debes credere, quòd
 nullum te effugerit, & licet tibi mul-
 ta excidissent, debes nihilominus per-
 suasum habere, quòd DEUS tibi illa
 remiserit, ac si eadem cum cæteris
 clarè, ac distinctè fuisses confessus.
 Nunquid voluisses illa omnia confi-
 teri, si omnia occurrissent? ità est;
 voluistine te decipere? certè non.
 Acquiesce igitur: hæc bona voluntas
 te certum reddit de optato effectu:
 non enim desiderat DEUS plùs quàm
 possis. Nunquid detestatus es pec-
 cata tua, nunquid ea deplorasti? ità.
 Nunquid etiam hìc & nunc abomina-
 ris illa ex toto corde? ità. O! qua-
 re ergo, vel quid times? An nescis
 non esse peccata, nec quoad nume-

rum, nec quoad malitiæ gravitatem adeò enormia, ut unica vera poenitentia delere illa non valeat? Nunquid DEUS expressè dixit: *Si fuerint peccata vestra ut coccinum, quasi nix dealbabuntur.* (a) Fors dubitas, utrùm poenitentia tua vera & genuina fuerit? sed nunquid seriò voluisti ad DEUM converti? Hæc peccatorum detestatio, & renuntiatio, syncerus ille ad paternum DEI sinum reditus te jubent certum esse de venia, faciuntque mereri gloriam æternam. Neque submetuas quasi dolor tuus non fuisset tantus, quantum voluisses; DEUS enim in nova lege poenitentiam instituit Sacramentum, ut per virtutem Sacramenti certiores essemus de venia, quæ supplet ac perficit contritionem imperfectam, quam dicimus attritionem.

PUNCTUM II.

I. **C**onsidera, secundum spei nostræ fundamentum esse misericor-

(a) *Isai. i. v. 18.*

ricor.

ricordiam DEI in expectanda peccatoris conversione. Eheu ! quot, quàmque enormia peccata non committuntur in mundo intrâ spatium viginti quatuor horarum, & multò plura per decursum unius anni ! hæc omnia DEUS videt, & tamen tolerat. Eccur ? ut det peccatori locū & tempus poenitendi, & culpas suas plangendi, ut eas condonare possit. *Propterea expectat Dominus, ut misereatur vestri.* (a) Non latet illum, quòd hæc patientia cedat in magnum præjudicium suum, quia ex illa multi sumunt occasionem illum magis offendendi ; & tamen expectat, ac tolerat per dies & annos. Priusquam mundum diluviò puniret, præmonuit per arcæ Noëticæ fabricationem ; & quamdiu expectavit ? centum annis. Reflede mentis oculum ad præteritos vitæ annos, & ô ! quot peccata non reperies in omni ætate, omni die, & omni genere ? & DEUS te sustinuit usque

I 5

in

(a) Isa. 30. v. 18.

in hanc horam, quia est infinitè misericors. Nunquid quoties peccasti, toties te morte improvise punire poterat? poterat certissimè. sed quare id ipsum non fecit? ut tibi spatium pœnitentiæ daret, quia vult tibi veniam elargiri.

II. Considera quanta sit DEI benignitas peccatores ad pœnitentiam vocantis, & invitantis ad consequendam remissionem peccatorum. Ad civitatem Niniven misit Prophetam Jonam; ad Davidem Nathanum; ut Samaritanam, & Samariam converteret, ipse in persona ad illam ivit; ut Judam ad pœnitentiam emolliret, quæ quantâque non fecit? si modò porrectis auxiliis cooperatus fuisset. En quàm cor tuum erigat sua misericordia. Non ignoras DEUM promississe, quòd quocunque tempore se converterit peccator, non ei nocitura sint peccata sua, sed eum salvum fore: *impietas impii non nocebit ei, in quacunque die conversus fuerit impius ab impie.*

*impietate sua. Si autem impius egerit
 poenitentiam ab omnibus peccatis suis - vitā
 vivet, & non morietur. (a)* Est autem
 divina promissio infallibilis, servabit
 igitur certò, quod promisit; modò
 peccator impleat annexam promissis
 conditionem. Quòd verò hæc con-
 ditio in te purificata sit, pro argu-
 mento non infimo est vocatio DEI,
 quā te invitat, ut ad illum converta-
 ris. Nunquid enim DEUS est, qui
 tibi inspirat hoc bonum desiderium
 sibi serviendi, & præparandite ad mor-
 tem pro securitate illum in æternum
 amandi? Et nunquid correspondisti
 divinæ huic invitationi toto corde
 hanc sanctam præparationem ample-
 ctendo? ita est. Et quare hoc? nisi
 quia te poenitet illum offendisse, nisi
 quia times culpæ reus coram tribuna-
 li ejus comparere: & ideo conaris
 illum tibi reddere propitium super
 peccatis tuis. Nunquid hîc & nunc
 es verè ac ex animo resolutus ad illum
 dein-

deinceps nunquam offendendum?
quid dicis? Ità; sum. Ergo *conversus*
es, ergo veram conversionem exer-
cuiſti, ergo cum ſumma fiducia ſpe-
res, *quòd vità vires, & non morieris*. Scis,
quòd Deus præcipiat, nè ullus, quam-
diu vivit, diffidat vel desperet de ve-
nia aut miſericordia divina, quod præ-
ceptò tam rigorosò commendat, u-
ejus transgreſſio cenſeatur eſſe grati-
ſſima, imò excepta infidelitate, &
odio DEI, inter delicta reliqua maxi-
mum: (a) deſiderat igitur DEUS ad
illius boni poſſeſſionem te perducere,
ad cujus ſpem te obligat, & certum
eſt, quòd tibi congrua ad talem finem
media daturus ſit, cum ſpem ejus
conſequendi præcipiat.

III. Conſidera miſericordiam in
ignoscendo. Quid poteſt eſſe beni-
gnius? cum juramento proteſtatur,
quòd non inclinet ad puniendum
peccatorem, ſed potiùs ad remiſſio-
nem omnium ejus peccatorum: *vivo*

ego

(a) D. Thom. 2. 2. quæſt. 20. art. 3.

ego, dicit Dominus DEUS: nolo mortem
 impii, sed ut convertatur impius à via sua,
 & vivat. (a) Sancta quoque mater
 Ecclesia in hoc ipso iudicio te confir-
 mat, cum indulget re veniam propri-
 um DEI opus esse deprædicat: DEUS
 cui proprium est misereri semper & parcere.
 Apostolus insuper pro certo asserit,
 quòd DEUS sibi gloriæ ducat, peccata
 remittere: omnes peccaverunt, &
 egent gloriâ DEI: (b) studiosè pon-
 dera Doctoris gentium verba: vide-
 tur tibi, quòd dicere debuisset: omnes
 peccaverunt, & egent Clementiâ DEI? mi-
 nimè: vult enim Paulus à nobis in-
 telligi: tam gratam DEO esse remis-
 sionem & indulgentiam peccatorum,
 ut in ipsâ felicitatem, & gloriam su-
 am reponere videatur: hinc Ecclesia
 canit in sacrificio missæ: gratias agimus
 tibi propter magnam gloriam tuam: sed cur
 istud? nunquid gratiæ redduntur pro
 receptis beneficiis, non pro alterius
 gloria, sed de hac testamur nostras

I 7

gratu-

(a) Ezech. 33. v. 11. (b) Rom. 3. v. 23.

gratulationes? sunt hæc verissima: quia tamen inter insignia DEI erga nos beneficia est, nobiscum facere clementiam; vult nos eandem suspicere ceu partem non minimam gloriæ suæ. *Exaltabitur parcens vobis.* (a) quia nimirum ostendit sapientiam suam id restaurando, quod nos destruximus.

Dic mihi amabò nunquid securus fores de remissione peccatorum tuorum, si hæc à tua voluntate penderet? absque dubio. Scias igitur nec dubites, DEUM esse promptissimum ad eam tibi impertiendam, nec ulli eam negare, nisi nolenti eam suscipere, cui insuper invitus eam subtrahit. *Nunquam DEUS deserit hominem nisi prius ab homine deseratur.* (b) Desiderasne peccatorum tuorum veniam? ità confido: En DEUS paratissimus est ad eam tibi elargiendam, si modò tu illam velis. atque adeò, quod metuas, omnino nihil est super. Præter-

(a) *Isa. 30. v. 18.* (b) *Concil. Trid.*

terquam, quòd hæc ipsa voluntas, quâ remissionem peccatorum tuorum efflagitas; hæc ipsa diligentia, quam ejus obtinendæ causâ per præsentem præparationem impendis, sit prævenientis gratiæ DEI effectus: signum ergo manifestum tenes, quòd DEUS tibi velit ignoscere hòc ipsò, quòd largiatur gratiam, veniam postulandi. En quanta propensione DEUS ipse feratur ad parcendum; tam facile, ac nobis est supplices ad cælum preces pro venia mittere, tam etiam facile est benignissimo Numini ad votum nostrum eam indulgere, eòdem momentò, quò comparet in cælis actus contritionis, DEUS confert gratiam absolutionis: *Ascendit deprecatio, & descendit miseratio.* (a) vix David compuncto corde dixit: *peccavi*, nec mora, & audiit: *Dominus quoque transtulit peccatum tuum* (b) Similiter filius prodigus; similiter Magdalena.

IV. Considera DEI benignitatem
in

(a) *S. August.* (b) *2. Reg. 12. v. 13.*

in peccatore, pœnitentiam agente, recipiendo : non contentus gaudere ipse, totum paradysum in jubili societatem evocat. *Gaudium erit in Cœlo super uno peccatore pœnitentiam agente. (a)* Et quidem, quod velim oculatè dispicias, non dicit congratulamini vobis ô seraphini cum anima pœnitente : non, sed ait : *congratulamini mihi*. Ac si magis felicitas DEI esset, quòd animam perditam recipiat; quàm animæ bonum, quòd ipsa redquirat DEUM. Si tu esses ovicula illa perditæ, & ad sinum DEI tandem reversa, dubitaresne, obsecro, an te sit recepturus Divinus ille ac optimus Pastor tuus? Ah! si dum ab illo fugeres tot modis te quæsit, nè summum bonum perderes : quantò magis tibi auxilio erit, ut reperiās, cùm ipse desideras, cùm quæris desiderantem & quærentem te. *Contemnet te* (Augustinum audis, & ipsum olim aberrantem à DEO oviculam) *contemnet te, ô ovis, quæren-*

TEM

(a) *LUC. 15. 7.*

tem se, qui prior quæsit contemnentem se, & non quærentem se? (a) Non tantum non contemnet, sed ocyus peccata remittet, ocyus amplexum paternum offeret, insuper omnium offensarum, quas à te perpeffus fuerat, subito obliviscetur. Ego sum ipse, qui deleo iniquitates tuas propter me, & peccatorum tuorum non recordabor. (b) Verum est, nec diffiteor, omnia DEO præsentia esse, non solum præsentia, sed præterita etiam, etiam futura: Nihilominus immensa DEI Misericordia eò usque se attollit, ut modum inveniat prodigiosâ methodò peccatorum oblivia, cum eorum præsentia conjungendi.

V. Considera DEUM non modò esse misericordem & longanimum in expectando, & ad poenitentiam vocando; non modò esse benignum in venia liberaliter elargiendâ, & paternè recipiendo peccatore: sed etiam semper esse paratum ad eum, quando-cunque reversus fuerit, in amplexus suos

(a) S. Augst. in Ps. 69. (b) Isa. 43. v. 25.

suos cooptandum: quia semper, & hucusque magnæ multæque sunt miserationes ejus. Magnitudo suæ misericordiæ suæ mensura est. *Secundum enim magnitudinem ipsius, sic & misericordia illius* (a) Quem offendisti, DEUS est, Pater dicitur, Pater multæ misericordiæ: *Pater misericordiarum.* (b) prima oratio, quam filius DEI nos edocuit, non duxit initium à verbis: *DEus omnipotens, Creator;* sed: *Pater noster.* Nil Pater moratur in ignoscendo, considerat nostra delicta, non ut offensas suas, sed ut miseras nostras. Si tu millies perdidisti obedientiam filii, ille Patris viscera nunquam amisit. Peccavi, dicebat in persona filii prodigi, id est peccatoris, S. Petrus Chrysologus; *ego perdididi, quod erat filii, sed DEUS, quod patris est, non amisit.* Apostolorum Princeps drachmis volebat ponderare divinam misericordiam: Domine quoties ignoscam?
usque

(a) Eccli. 2. v. 23.

(b) 2. Cor. 1. v. 3.

usque septies? (a) Sed Christus illi mensuram tam arctam & ad libras restrictam ex manu excussit, sine pondere & mensura delinquentibus ignoscendum esse innuens: *usque septuagies septies.* Quod legens Augustinus inquit: *omnia dimitti peccata voluit, qui ea septuagesimo septimo designavit.* (b) Quasi dicere voluisset, ut idem commentatur, peccata quidem tua fundum habent, & mensuram; sed misericordia DEI infinita est, miserationes ejus non noverunt terminos: *Tua malitia mensuram habet, DEI pietas & clementia mensuram non habet.* (c)

PUNCTUM III.

I. **C**ONSIDERA amorem, & merita JESU Christi, quæ sunt maximum efficacissimumque argumentum ad persuadendam nobis spem veniæ, & consecutionem æternæ gloriæ.

(a) *Matt. 18. v. 21.*

(b) *S. August. Serm. 13. de verb. Domini.*

(c) *S. Chrysost. tom. 5. hom. 3. de Pœnit.*

riæ. Quis nescit, quantum JESUS
 Christus per triginta tres annos pro
 nobis egerit, quantúmque perpessus
 sit? Et hæc est immensâ illa mensu-
 ra ingentis ejus erga te amoris. Non
 est amoris demonstratio sublimior
 aut syncerior, quàm mori pro amato:
Majorem hâc dilectionem nemo habet, ut
animam suam ponat: quis pro amicis suis. (a)
 Dixit ipse Salvator & Amator noster.
 Ergo suus in nos amor adhuc ma-
 jor est, *quia pro impiis mortuus est. (b)*
 Quodsi ergo tantopere nos amavit,
 ut descenderit usque ad dandam vi-
 tam pro nobis inimicis suis; quantò
 magis daturus est nobis hîc & nunc
 gloriam suam, cùm volumus esse sui
 amici: *quis dubitat, daturum amicis vi-*
tam suam, pro quibus inimicis dedit mor-
tem suam? (c) Quid igitur timeas?
 sententia salutis tuæ est in potestate
 illius, qui summè te amavit, & amat
 cò

(a) Joann. 15. v. 13.

(b) Rom. 5. v. 6.

(c) S. August. de Trin. l. 3. c. 18.

eò usque, ut semetipsum dederit & dare paratus sit totum pro te.

II. Considera, illum ipsum futurum judicem tuum, qui est tuus advocatus, ac sedet ad dexteram Patris, cui vulnera sua exhibet, amore tui suscepta: quod plus est, ille constituit semetipsum pro peccatoribus, & pro omnibus possibilibus eorum offensis, perpetuum intercessorem. Videbat, quòd post beneficium Redemptionis, non solum finis peccandi futurus non sit, sed quòd insuper ea peccata certò modò plus malitiæ contentura sint; & tunc cum ipsi manifestum esset, quòd per peccata nostra magis irritandus sit, tunc constituit tanquam intercessor in se assumere causæ nostræ perpetuam defensionem: *Si quis peccaverit. Advocatum habemus apud Patrem JESUM Christum* (a) Scio bene, quòd tu multitudine delictorum tuorum divinæ justitiæ satisfacere non possis: sed macte animis:

Chri-

(a) *Joan. 2. v. 1.*

Christus se obtulit ad satisfaciendum, & satisfacit pro te. Minimus Christi dolor, quem amore nostri passus est, est pretium superabundans comparatum ad debita peccatis totius mundi contracta; nec quidquam certius persuasum habe, atque quod Pater æternus infinitè magis sibi complaceat in meritis, & satisfactionibus divini Filii sui, quàm illi displicere possint non tua solùm, sed etiam peccata omnia totius humani generis. Hinc securè potes remissionem culparum tuarum petere per merita JESU Christi, qui pretium sanguinis sui pro te expendit. Potestne desiderari amplius aliquid ad spem tuam corroborandam? quid diceres, si affigeres ad crucem Redemptoris tui folium, in quo conscripta est tua confessio generalis, & videres ex crucifixi plagis sanguinem ubertim profluere, qui deleret inscripta solo illi peccata: nunquid videreris tibi esse certissimus de plenissima eorum indul.

indulgentia : atqui hoc ipsum jam factum est , testante id Apostolo : *Donans vobis omnia delicta : delens , quod adversus nos erat , chirographum decreti , quod erat contrarium nobis , & ipsum tulit de medio affigens illud cruci.* (a) Quid adhuc dubitas : Christus semper promptus est ad applicandum tibi hoc pretium in omni necessitate tua , non nisi tuum consensum expectat : ex parte sua gaudet venarum suarum pretiò pro te satisfacere tanquam opere amoris sui proprio. Tandem ipse vult te salvum fieri , non solum quia te tantopere amavit , & amat ; sed etiam quia te proprietate maxima suum fecit , cum pretioso sanguine suo te redemit ; quamobrem si perires , non tibi soli perires : tuum esset malum ; & ipsius , ut ita dicam , esset damnum , quia quantum ad te , perditum esset sanguinis ejus pretium , & frustra pro te expensum : confide igitur , qui vos tantò pretiò redemit , non
vult

(a) Coloss. 2. v. 13. & 14.

vult perire, quos emit. (a) Confide, tant enim sua interesse salutem tuam ostendit, ut tibi supra montem Calvarium providerit de Matre amantissima, quæ apud divinum Judicem, suum filium, erit advocata efficacissima. Dic ergo nunc fiduciâ plenus ad illam: Eja ergo Advocata nostra illos tuos misericordes oculos ad nos converte, & JESUM benedictum fructum ventris tui, nobis post hoc exilium ostende, ô clemens, ô pia, ô dulcis Virgo Maria.

ACTUS FIDEI.

Agnosco mi DEUS, quòd tu sis prima & infallibilis veritas, & firmissimè credo, quidquid revelâsti, & per tuam sanctam Ecclesiam Catholicam credendum proposuisti. Gratias ago tibi, quòd clementissimè dederis mihi in hac vivere, & desidero in eadem mori. Abrenuntio omnibus cogitationibus fidei contrariis

(a) S. August. Serm. 10. de Temp.



riis, quas mihi salutis nostræ hostis in
hora mortis suggerere posset.

ACTUS SPEI.

Cum sciam & credam, quòd benig-
nitas misericordiæ tuæ infini-
ties transcendat miseriam peccato-
rum meorum, & quia firmissimè cre-
do, quòd quævis gutta sanguinis Re-
demptoris mei sit infiniti valoris, spe-
ro, mi DEUS! spero per ejus merita,
& per gratiam tuam me consecutu-
rum salutem animæ meæ, & intratu-
rum in possessionem gloriæ tuæ. Te
igitur suppliciter oro, remove à me
tentationes ad desperationem & præ-
sumptionem, ac concede mihi gra-
tiam moriendi in spe ac fiducia, quam
à me exigis, & quam tibi debeo.

ACTUS CHARITATIS.

O Summum bonum meum, te a-
mo ex toto corde meo, & amo
super omne aliud bonum, quia es in-
fini-

finitè amabilis : ô mi DEUS ! nil aliud
 desidero , nil aliud suspiro , quàm te :
 idcirco abominor omnem amorem ,
 qui non sit ad te directus. Volo vi-
 vere & mori nudus ab omni affectu
 erga creaturas, & volo cor meum re-
 pleri unicè, ac solo amore tui : non
 sum quidem dignus mori præ suavi
 amoris violentia, cupio tamen mori
 cum actu veræ ac perfectæ charitatis.
 Desidero beatitudinem tuam, non
 tam ut illâ gaudeam, quàm ut te æ-
 ternùm amem. *ô amor ! qui semper fer-
 ves, nunquam tepescis, accendar totus à te,
 ut totus diligam te.*

COMMENDATIO ANIMÆ.

Proficiscere anima mea de hoc
 mundo, in nomine DEI Patris
 omnipotentis, qui te creavit ; in no-
 mine JESU Christi Filii DEI vivi,
 qui pro te passus est : in nomine Spi-
 ritûs Sancti, qui in te effusus est : in
 nomine Angelorum, & Archange-
 lorum :

Ierum : in nomine Thronorum , &
 Dominationum : in nomine Principa-
 tum , & Potestatum : in nomine
 Cherubim , & Seraphim : in nomine
 Patriarcharum , & Prophetarum :
 in nomine Sanctorum Apostolorum ,
 & Euangelistarum : in nomine San-
 ctorum Martyrum , & Confessorum :
 in nomine Sanctorum Monacho-
 rum , & Eremitarum : in nomine
 Sanctarum Virginum , & omnium
 Sanctorum , & Sanctarum DEI. Ho-
 die fit in pace locus tuus , & habita-
 tio tua in sancta Sion. Per eundem
 Christum Dominum nostrum.

R. Amen.

ORATIO.

DEUS misericors, DEUS cle-
 mens, DEUS qui secun-
 dum multitudinem miserationum
 tuarum peccata poeniten-
 tium deles, & præteritorum cri-
 minum culpas veniâ remissionis

evacuas; respice propitiùs super hunc famulum tuum N. & remissionem omnium peccatorum suorum tota cordis Confessione poscentem deprecatus exaudi, Renova in me piissime Pater, quidquid terrena fragilitate corruptum, vel quidquid diabolica fraude violatum est, & unitati corporis Ecclesiæ membrum redemptionis annecte. Miserere Domine gemituum, miserere lachrymarum mearum: & non habentem fiduciam, nisi in tua misericordia, ad tuæ Sacramentum reconciliationis admitte, Per Christum Dominum nostrum. *Resp. Amen.*

Commendo me tibi omnipotens DEUS: & tibi, cujus sum creatura, committo, ut, cum humanitatis debitum morte inter-

terveniente perfolvero, ad Auctorem meum, qui me de limo terræ formaverat, revertar. Egre-
dienti itaque animæ meæ de corpore splendidus Angelorum cœtus occurrat: Judex Apostolorum mihi senatus adveniat: candidatorum mihi Martyrum triumphator exercitus obviet: liliata rutilantium me Confessorum turma circumdet: jubilar-
tium me Virginum chorus excipiat; & beatæ quietis in sinu Patriarcharum me complexus adstringat: mitis atq; festivus Christi JESU mihi aspectus appareat, qui me inter Assistentes sibi jugiter interesse decernat. Ignorem omne, quod horret in tenebris, quod stridet in flammis, quod cruciat in tormentis. Cedat mihi teterrimus Satanæ cum

fatellitibus suis, in adventu meo
 me comitantibus Angelis con-
 tremiscat, atque in æternæ noctis
 chaos immane diffugiat. Exur-
 gat DEUS, & dissipentur inimici
 ejus: & fugiant, qui oderunt e-
 um, à facie ejus. Sicut deficit
 fumus, deficient: sicut fluit cera
 à facie ignis, sic pereant peccato-
 res à facie DEI: & justi epulen-
 tur, & exultent in conspectu DEI.
 Confundantur igitur, & erube-
 scant omnes tartareæ legiones,
 & ministri satanæ iter meum im-
 pedire non audeant. Liberet me
 à cruciatu Christus, qui pro me
 mori dignatus est. Constituat
 me Christus Filius DEI vivi intrà
 Paradisi sui semper amœna viren-
 tia, & inter oves suas me verus il-
 le Pastor agnoscat, ille ab omni-
 bus peccatis meis me absolvat,
 atque

atque ad dexteram suam in electorum suorum me sorte constituat. Redemptorem meum à facie ad faciem videam; & præsens semper assistens, manifestissimam beatis oculis aspiciam veritatem. Constitutus igitur inter agmina beatorum contemplationis Divinæ dulcedine potiar in sæcula sæculorum.

R. Amen.

ORATIO.

Suscipe Domine servum tuum in locum sperandæ sibi salvationis à misericordia tua.

R. Amen.

Libera Domine animam servi tui ex omnibus periculis inferni, & de laqueis pœnarum, & ex omnibus tribulationibus.

R. Amen.

Libe-

Libera Domine animam servi
tui, sicut liberâsti Enoch, & Eli-
am de communi morte mundi.

R. Amen.

Libera Domine animam servi
tui, sicut liberâsti Noë de diluvio.

R. Amen.

Libera Domine animam servi
tui, sicut liberâsti Abraham de
Ur Chaldæorum.

R. Amen.

Libera Domine animam servi
tui, sicut liberâsti Job de passio-
nibus suis.

R. Amen.

Libera Domine animam servi
tui, sicut liberâsti Isaac de hostia,
& de manu Patris sui Abrahæ.

R. Amen.

Libera Domine animam servi
tui,

tui, sicut liberâsti Loth de Sodomis, & de flamma ignis.

R. Amen.

Libera Domine animam servi tui, sicut liberâsti Moysen de manu Pharaonis Regis Ægyptiorum.

R. Amen.

Libera Domine animam servi tui, sicut liberâsti Daniele de lacu leonum.

R. Amen.

Libera Domine animam servi tui, sicut liberâsti tres Pueros de camino ignis ardentis, & de manu Regis iniqui.

R. Amen.

Libera Domine animam servi tui, sicut liberâsti Susannam de falso crimine.

R. Amen.

Li-

Libera Domine animam servi
tui, sicut liberâsti David de ma-
nu Regis Saul, & de manu Goliæ.

R. Amen.

Libera Domine animam servi
tui, sicut liberâsti Petrum & Pau-
lum de carceribus.

R. Amen.

Et sicut beatissimam Theclam
Virginem, & Martyrem tuam de
tribus atrocissimis tormentis li-
berâsti, sic liberare digneris ani-
mam hujus servi tui, & tecum fa-
cias in bonis congaudere cœle-
stibus.


ORATIO.

Commendo tibi Domine, a-
nimam meam, & precor te
Domine JESU Christe Salvator
mundi, ut propter quam ad ter-


ram misericorditer descendisti,
 Patriarcharum tuorum finibus
 insinuare non renuas. Agnosce
 Domine creaturam tuam, non à
 diis alienis creatam, sed à te solo
 DEO vivo, & vero; quia non est
 alius DEUS præter te, & non est
 secundum opera tua. Lætifica
 Domine animam meam in con-
 spectu tuo, & nè memineris ini-
 quitatum mearum antiquarum,
 & ebrietatum, quas suscitavit fu-
 ror, five fervor mali desiderii.
 Licèt enim peccaverim, tamen
 Patrem, & Filium, & Spiritum
 Sanctum non negavi, sed credi-
 di; & zelum DEI in me habui, &
 DEUM, qui fecit omnia, fi-
 deliter adoravi.


Laus D E O.






























to be seen from George Duke my parent. Being
never so late with my mind. Given me by me to
by me, they going and coming, it being done
it, they had done it by my hand, the common
change with the Duke's my hand, the common
to him of the story: And they had it by me to
Konia my hand, my hand, my hand, my hand
my hand, my hand, my hand, my hand, my hand

[illegible]





Biblioteka Jagiellońska



stdr0027904

